

古胸考略序

道光己亥海州高生光縉以其兄德霖巖先生古胸考略及泉城二十一史摭遺草稿索序於余益霖巖遺意也余讀南方郡邑志乘或謹嚴或博辨而獨習嘉慶海州志以其體例易知而詳審有裨掌故為有用之書時主修為唐陶山方伯高掌遠跡所鑒采者多在霖巖考略霖巖勤讀書補今人之遺而不矜補古人之遺而不敢自肆其論議以見方伯鑒衡之慎

古胸考略 序一

一

而霖巖為學有儒者矩矱也其泉乘未成自署云某人錄蓋尚有待者二十一史摭遺長編有三十六冊今略有稿者自唐而止其所補茹夏臣靡衛宏演楚申包胥楚懷王心傳具有深意義為倉頡王通作傳事不 而文皆有本然則霖巖未成之書其旨趣固顯然易知况有所謂三十六冊志存其後人能以時補葺便成書家學淵源為東海儒學光榮祝之創學業成一隊志尤有可貴也為序考略以答霖巖之



意因并及廿一史據遺及泉乘誠心重其人也  
道光己亥十八年夏四月壽陽祁寯藻撰

古胸考略

序一

二



序

霖岩喬二兄撰古胸考略為卷十二以象歲十二月  
附錄一卷以象閏為考二十四以象二十四氣可謂  
體大思精矣霖岩學有淵源博覽群籍敦尚氣誼頡  
頑古人故其書於忠孝節烈載筆綦詳如劉加年沙  
烈女等傳俱從故家敝篋中掇拾殘紙潤色成之亦  
何勤也初仿史例有叙傳一篇以遠祖太常公失名  
未錄蓋其慎哉讀其自識自十五歲已權與撰述輒

古胸考略

序二

一

憶先大夫籍產後挈石華兄居吳中桂林奉母  
讀書馬陵山下篋中惟舊書數百卷有海州志四冊  
人物傳中時代誤者能辨之因自為海州小志二卷  
於時亦年十五其年應試歸里始識霖岩而不知其  
有考略之作庚申假館李佛雲家石華兄客鄧鳴岡  
先生所兩家富有藏書因得縱觀於海州故實蒐羅  
甚夥而小志竟未卒業壬戌唐陶山先生牧海州桂  
林最先見賞呈詩有模糊游沫諸流地搏捨齊梁以



上人語議舊志乞重修也先生深然之癸亥冬招桂林自東臺歸甲子始修州志五月始事先生董其全汪浣雲郎中撰沿革表山川等考魏霞城文學撰職官考桂林撰紀事表日共編摩始得古胸考略讀之咸稱精審桂林尤驚喜鄉党有此名士而慊然於踪跡之未密是後與霖岩日益親矣秋冬之交浣雲先生入都霞城病卒桂林詳定裁海復海本末未竟而風痺作明年石華兄任其事四五月間養疴里中復

古胸考略

序二

二

上書陶山先生集史漢原文為鍾離昧作佳傳采後漢書注立徐淑傳焉嘗考漢東海郡三十八縣今海州為胸為曲陽為海西曲陽無甚事實海西漢志訛為海曲後漢又改隸廣陵故多略之然有距胸山道里足資證明桂林竊疑都陽亦當以在都州之陽得名為今雲臺近地琅琊郡之房山縣魏書地形志海州東彭城郡龍沮縣亦云有房山當即今房山鎮但孤立此說別無証佐故脩志時但請於陶山先生增



海西曲陽而此議未瀆陳頻年多得海州遺事如山  
東武定府志安徽歙縣志兩書似無足資采據者職  
官中即檢得海州人仕於其地而州志或未詳者數  
人疑與石華兄輯嘉慶海州志拾遺而霖岩亦將撰  
續考略非道同志合何以能然庚午初冬霖岩以考  
略屬序霜夜挑燈一再投讀回憶甲子年間與陶山  
浣雲潛虛三先生暨霞城每以此書共資商酌卷中  
手跡班班俱在而存亡聚散今昔頓殊師友情深不

古胸考略

序二

三

禁拵卷而三歎霖岩當有同情也愚弟許桂林拜撰



古胸考略目錄

海州喬紹傳纂

第一卷

歷朝州郡沿革考

第二卷

分野考

山川考

食貨考

戶賦考

古胸考略 目錄

職官考

第三卷

名宦考

第四卷

名獻考

武勳考

第五卷

藝文考



第六卷

金石考

第七卷

選舉考

恩綸考

第八卷

大事考

第九卷

古胸考略

目錄

忠義考

孝行考

獨行考

僑寓考

第十卷

后妃考

列女考

第十一卷



方伎考

第十二卷


災祥考

軼事考

附錄

質疑

古用考略





古胸考略第一卷

海州喬紹傳纂

歷朝州郡沿革考

虞夏

禹貢海岱及淮惟徐州孔傳東至海胡渭禹貢錐指云今之海州贛榆隸古徐州城

殷

爾雅釋地濟東曰徐州郭注自濟東至海李巡曰淮海間其氣寬舒稟性徐故云

古胸考略

卷之一

一

周

夏官職方氏正東曰青州其浸沂沭鄭注沭出東莞屬琅琊南至下邳入泗考沭水出沂水縣北大弁山東南流逕莒州蘭山郟城界至江南沭陽縣逕桑漚湖為河東曰兗州案經傳周無徐州分隸於青而海州仍隸兗

魯頌鄭譜魯封域在禹貢徐州蒙羽之野元和郡縣志云羽山

在胸山縣西朱子詩集傳海州屬魯王伯厚詩地里

考亦云





昭公十九年春秋左氏傳齊師代莒莒子奔紀彰杜  
注莒邑東海贛榆縣東北有紀城今懷仁東北七十  
五里有紀彰城  
唐併入海州

顧棟高春秋大事表云海州為莒魯二國地又曰成  
城中城杜注在東海廩邱縣西南廩邱是厚邱之譌  
後漢志東海郡厚邱縣注亦引此文為證云縣西南  
有中鄉城今海州沐陽縣也魯之南境至是止

路史郊已姓國子爵改東海郊縣唐入下邳今淮陽  
軍治有古郊城在東北百五十里沂沭二水間周十

古胸考略 卷之一 二

餘里有郊子廟秦為郊郡

紹傳謹按如路史說則郊似今山東郊城縣縱有  
海州地亦不過西北界之犬牙相錯者耳而舊說  
直指郊為郊郡縣大夫郊郡或可涉海州郊縣似當  
指郊城乃歷引王郎何無忘等於人物類恐與郊  
城縣志無別附誌  
於此未審合否

通典海州春秋及戰國為魯之東境後屬秦為薛郡  
地後分薛郡為郊郡案杜君卿語則郊

秦

史記秦本紀始皇三十五年立石東海上胸界中以



為秦東門

兩漢

前漢書地理志東海郡高帝胸有鉄厚邱其亭祝日贛

揄屬琅琊郡

後漢書郡國志東海郡 胸有鉄有伊盧鄉 厚邱

贛揄本屬琅琊建初五年復

魏

三國疆域志魏置東海郡

古胸考略 卷之一 三

謹案魏既置郡則屬縣必有胸祝其等名史不言者以與晉同故以省也觀蜀志縻竺與魏同時亦稱東海胸一人可知舊志云三國屬魏為鄰縣一郡所屬豈一縣能盡乎且與鄰城縣何以分焉

晉

晉書地理志東海郡 祝其羽山在 胸 贛揄

厚邱

宋

宋書州郡志東海太守秦郊郡漢高更名明帝失淮  
北僑立青冀二州於贛揄縣秦始七年又立東海縣



屬東海郡又割贛榆置鬱縣立西海郡竝僑隸青州  
領縣二 朐令漢舊名孝武世分郟西界為土 贛  
榆令前漢屬琅琊後漢屬東海魏省晉武帝太康元  
年復立

齊

南齊書州郡志青州宋泰始初淮北既陷六年始治  
鬱州上州在海中週迴數百里劉善明為刺史以海  
中易固不峻城雉乃累石為之高可八九尺後為齊

古朐考略

卷之一

四

郡治建元初徙齊郡治瓜步以北海治齊郡故治州  
治如舊建元四年移鎮朐山後復舊郡如左

東莞琅琊二郡 治朐 武帝永明中改東海縣為廣饒

縣廣饒贛榆屬北海郡厚邱屬北東海郡

北魏

魏書地形志海州 劉子業置青州武定 東彭城郡

龍沮 蕭衍置魏因之 贛榆 廣饒 沭陽郡 蕭衍置

年武定七 琅琊郡 朐 蕭衍改為招遠武定七 年改 朐山郡治



隋

隋書地理志東海郡東魏改為海州青州胸山置琅瑯

郡後周改縣曰胸山間皇初郡東海舊置廣饒縣及

廢大業初復帶郡有胸山羽山東海東海郡後齊分

廣饒置東海饒曰開皇初廢郡及東海縣仁沐陽日魏

壽元年改廣饒曰東海有謝祿山鬱林山沐陽日魏

陽郡置縣曰懷文後周懷仁廢州立義塘郡及懷仁魏

改曰沐陽間皇初郡廢懷仁廢州立義塘郡及懷仁魏

縣開皇初郡廢懷仁廢州立義塘郡及懷仁魏

初郡廢懷仁廢州立義塘郡及懷仁魏

唐

新唐書地理志海州東海郡上上縣四胸山四上年武德

古胸考略 卷之一 五

州境置龍沮曲陽利城厚邱新樂五縣六年改新樂

日祝其八年省龍沮曲陽入胸山利城祝其入懷仁

厚邱入東海上武德四年以縣置環州并置青石山

沐陽東海城贛榆三縣八年州廢省青石城贛

五代

新五代史職方考海州梁唐時屬吳晉漢時屬南唐

至周始征復南征五年正丁亥取海州

宋

宋史地理志海州上東海郡團練建炎入於金紹興



七年復隆興初割以昇金隸山東路以漣水縣來屬  
嘉定十二年復寶慶未李全據之紹定四年全死又  
復端平二年徙治東海縣淳祐十二年金子壇又據  
之治朐山景定二年壇降置西海州領縣四朐山  
懷仁沭陽東海中

金

金史地理志山東東路海州中刺史縣五 鎮四  
朐山 贛榆本懷仁大鎮二臨洪 東海 漣水本

古朐考略

卷之一

六

水軍皇統二年降為鎮二金太平  
縣來屬統二年降為鎮二金太平  
案志云領縣五今  
祇四縣疑脫沭陽

元

元史地理志海寧州下唐海州宋隸淮東路元至元  
十五年升為海州路總管府復改為海寧州隸淮安  
路初設錄事司二十年與東海縣併入朐山領縣三  
朐山中沭陽下贛榆下

明



明史地理志淮安府領州二沭陽洪武初屬海寧州

下有流為連水又東北有桑墟湖其海州寧州日海洪武初

復曰海州治朐山省縣入鹽南有于公白溝等浦皆產

二巡南距府二百七十里領縣一贛榆有州北西北

濱海東北又有獲水鎮南有臨洪鎮二巡檢司

紹傳謹案海州之屬地虞夏殷屬徐周屬充秦屬郟

郡漢魏晉為朐縣屬東海郡劉宋亦然兼橋立青

冀二州梁置南北二青州後入魏之稱然亦據東

自東魏始雖魏書地形志有海州之稱然亦據東

至魏而言伯起序所謂錄武定之海州東海縣屬焉漢

古朐考略 卷之一 七

晉郡縣地廣其時東海郡不專據海州兼有山東

郟承蘭陵等處惟稱東海郡始確指海州竊疑舊

志所載疏于蕭匡諸賢或有羣入者至隋唐以來

不繫他郡縣名而單稱東海則或郡或縣皆指海

州矣又考漢志之贛榆非今之贛榆六朝以後曰懷

仁至大金大定七年始更懷仁為贛榆而鬱州之贛

元曰朐山縣元并東海縣入朐山而東海縣廢明省

宋金元之朐山東海二縣方輿遠矣

過於者而此外祇餘贛沭兩縣矣  
附錄前據歷代正史考海州沿革復蒐群籍之  
郡縣志王存元豐九域志顧炎武天下  
炎武天下郡國利病書籍等容當續入



通典云東海郡東至東海縣西至臨淮

五百五里北至高密郡四百七十里西南至沭陽縣東南至臨淮

二里東北至琅琊郡二百八十里海州今理胸領縣四

胸山有羽山縣西秦立石為東門即此地故東

海田橫所保鬱州亦曰都海州漢沭陽水懷仁置義

塘郡有夾山即夾谷齊魯會於此處

王應麟玉海云東海郡海州領胸山等縣鑑地理通

以通釋胸山縣下注云海泗東南之藩蔽泗可

古胸考略 卷之一 八 吳任臣十國春秋地理表海州四領縣胸山東海沭陽

懷仁縣俱舊

謹案通鑑唐憲宗元和十三年春正月李師道獻

沂海密州唐書昭宗紀大順四年二月朱全忠

州叛附於錫化元年秋七月八月吳歷南唐至周世宗顯

德時始

復取之



古胸考略第二卷

海州喬紹傳纂

分野考

奎婁降婁也初奎二度餘千二百一十七抄十七少  
中婁一度終累三度下臨東海莒郯諸郡而海州亦  
隸分野焉 唐書天文志  
東海入奎一度 文獻通考

形勝

城池

古胸考略

卷之二

一

疆域

圖里

街市

集鎮

舖舍

以上詳舊志不重錄

山川考

郁洲山

海內東經云都州在海中一日郁州郭璞註今在



東海胸縣界世傳此山自蒼梧從南從來上皆有南方樹木吳任臣山海經廣注引郡縣釋名云郁州即臨胸之胸山也一名覆釜山後漢志東郡有胸縣註實齊之駢邑隨之逢山又案一統志云胸山東北海中有大洲謂之鬱州又名郁州一名郁鬱山一名蒼梧山或言昔從蒼梧飛來然則郁州近胸山東北非即胸山也圖贊曰南極之山越處東海不行而止不動而改維神所運物無常在

古胸考略

卷之二

二

道元水經注引崔李珪從鄭康成學漢末黃巾起李珪浮海還家叙道之所經作述初賦言郁洲者故蒼梧之山也心悅而怪之聞其上有仙士石室也乃往觀見一道人獨處休休然不談不對顧非己及也即其賦所云吾夕濟於郁洲者也案郁洲山又稱雲臺久隸內地

國朝順治十八年准兵部尚書蘇納海等會閱江南沿海地方將各島村民遷內境雲臺山向在海中一



併禁為界外康熙十六年准漕運總督卽顏保奏  
仍復為內地

鬱林山

隋志云在東海縣胡朏明日卽今鬱州山俗謂之

田橫島 又名隔峯山

清峯頂 一名清風頂俗名前頂

金牛頂 俗名後頂

鳳凰頂

古胸考略

卷之二

三

在東海城內

九嶺山

在東海城北

雞嶺山

在大村溫水河北俗呼雞鳴山

羊石山

在小村北有巨石如羊

巨平山



在東海城北三十里一名由吾峰見江南通志中有龍潭其南嶺上有呂毋岡見方輿紀要

菩山

在巨平村北

楊家寨山

在蒼梧東南

松崖山

即新縣大東山

古胸考略

卷之二

四

諸韓山

在諸韓村南花木較諸山更勝

石礪山

在北溝浦上清風頂東春月櫻花最勝

圍屏山

即石礪山前面

萬靈山

在清風頂東南



揚家山

在關中村南

虎窩山

在關中西北

扎山

在水流村南

溪雲山

在諸曹村北

古胸考略

卷之二

五

沃壤山

在華蓋山北近石城村

宿城山

諸峰矗兀環抱如城中有腴曰雖久旱不涸其東

北有皇窩山

南固山

即墟溝南山其東南又有扼尖山

北固山



即舍利山在墟溝營西里許

孫家山

即東山村中有梅嶺冬月野梅盛開為山海勝地

搭山

在孝婦祠西北二里以與朱紫等山聯搭得名東海縣治昔立於此

神山

一名琴山一名秦山俗名奶奶山

古胸考略

卷之二

六

開山

在鷹遊山東北鷹遊山有東連島西連島為白海船處

謝祿山

隋志云在東海縣海州志雲臺山志均未載

胸山

秦始皇三十五年立石胸界上以為秦東門而胸縣始著名司馬彪續漢書五行志桓帝元嘉二年胸山崩而胸山始著名其山在州治南四里



羽山

元和志云在朐山縣西北一百里胡渭禹貢錐指云在沂州之東南海州之西北贛榆之西南郟城之東北一山跨四州之境若殫鯨之羽山在今登州府蓬萊縣寰宇記云在與此山異

房山

始見於魏書地形志

琅琊山

古朐考略 卷之二

七

在朐山縣東北見通典海州志未載

海

胡朐明云海自山陽縣東折而西北為淮水入海之口其北岸則安東縣也是為徐域自縣東而北歷海州東中有鬱林山又北歷贛榆縣東又東北歷山東日照縣東又東北歷諸城縣東至琅琊臺過此則為青城矣

沫水



水經注云沭水出琅琊東莞縣西北山東南過其縣東又東南過莒縣東又東南過陽都縣東入於沂又經徐州之新渠又自厚邱西南出左會新渠南入淮陽宿預縣注泗水又逕故瀆自下堰東南逕司吾城又南歷祖口城在彭陽縣東南至朐縣入游注海

### 游水

水經注云淮水自淮浦縣枝分北為游水歷朐縣

### 古朐考略

#### 卷之二

八

與沭合又匡疑譌朐山西山側有朐縣故城秦始皇於朐縣立石海上以為秦東門崔季珪述初賦所謂倚高艦以周眇兮觀秦門之將將者也游水又北歷羽山又北逕祝其縣故城西即春秋公會齊侯於夾谷處縣之東有夾口浦又東北逕贛榆縣北東側巨海有秦始皇碑在山上又東北逕紀彰故城南東北入海

### 石闡堰河



宋史河渠志天禧四年淮南勸農使王質之導海州石闡堰水入漣水軍溉民田

漣河

溫水河

在大村北甘美清冽寒不冰旱不涸

萬金湖

去東海城北六十五里俗名五洋湖以其為水族生聚處故名萬金

古胸考略

卷之二

九

桃花澗

在小村迤北折而東坐雲臺正西巔外春夏受水溉民田

以上山川及津梁閘壩海州志已錄者不重載  
食貨考

唐時負海州歲免租為鹽二萬斛以輸司農海州等處以鹽價市輕貨亦輸司農 食貨志

宋時鹽政宣和中海州板浦惠澤洛要三場歲鬻鬻四



十七万七千餘石給本州軍及京東之徐州淮南之  
光泗濠壽州兩浙之抗蘇湖常潤州江陰軍天聖中  
通楚州場各七泰州場八海州場二漣水軍場一歲  
鬻視舊減六十九萬七千五百四十餘石以給本路  
及江南東西荆湖南北四路舊並給兩浙路天聖七  
年始罷凡鹽之入置倉以受之因置轉般倉一於漣  
水軍以受海州鹽

宋時海州為推茶之所景德二年詔茶商須海州茶

古胸考略

卷之二

十

者入見緡五十五千後增至數萬時海州茶善而易  
售商人願之故入錢之數厚於他州宋史食貨志  
金時鹽場臨洪場行贛榆縣獨木場行海州司候司  
胸山東海縣板浦場行沐陽縣金史食貨志

穀屬

五穀

芝蔴

蕙苡

苡麥

蔬屬

白菜

黃芽菜

芥

茄

葱

韭



蒜 薑 瓜 瓠 蒿 苣 菜

蓴 芹 芋 芡 菱 蘿 蔔 黃 花 菜

果屬

桃 杏 梅 花有玉蝶綠萼紅梅硃砂四種 李 柰 栗

棗 梨 柿 櫻 桃 雲臺東嘉最佳 蘋 果 香 櫟 藕

木 瓜 枇 杷 漁灣有之 菱 葡 萄 紫白二種 荸 薺 石 榴

木屬

松 又有纓絡松 柏 槐 榆 桂 清風頂漁灣有

古 胸 考 略 卷 之 二 十

柳 桐 花 椒 茶 悟正卷最勝

花卉

牡 丹 海 棠 曹府貼梗垂絲 玉 蘭 繡 球 梔

薔 薇 茶 縻 碧 桃 蠟 梅 木 香

芍 藥 芙 蓉 月 季 迎 春 柳 靈 芝 上色

石 竹 玉 簪 鸞 粟 虞 美 人 雞 冠

鴈 來 紅 丁 香 山海經丁香生東海今本無此語陳敬香諸引吳任臣列逸文內 鳳 仙 芭 蕉

吉 祥 草 書 帶 草 紫 竹 翠 竹 鳳 尾 竹



金鑲碧嵌竹

禽獸

鶴出龍窩蕩有仙鶴灰鶴

燕

鷺鷥

鴛鴦

翡翠

戴勝

雉

鷹

吐綬鳥

狐

貉

獾

狼

鱗介

鯉魚

鱸魚

鯽魚

鮓魚

青魚

黃魚

春魚

馬魚

石首魚

龜

古胸考略

卷之二

十二

籠

時螺

貨屬

鹽

靛

水晶

蜜

木棉

藥材最佳者有何首烏其餘各類海州志已載者

不重錄

戶賦考

魏書地形志海州戶四千八百七十八口二萬三千

一十



隋東海郡戶二萬七千八百五十八 隋志

唐海州戶一萬八千五百四十九口十八萬四千九

貢綬楚布紫菜 唐志

戶二萬七千五百二十二口十八萬三千七百二十四  
四通典

宋崇寧戶五萬四千八百三十口九萬九千七百五

十 貢絹獐皮鹿皮 宋志

金戶三萬六百九十一 金史

古胸考略 卷之二

十三

餘見海州志

職官考

漢唐宋正史未載故闕惟金史地理志元史百官志  
詳焉今錄以備考

金泰和八年設胸山縣莞瀆邨創立巡路置巡檢

元時海州為下州百官志云下州置達魯花赤知州

並從五品同知正七品判官正八品兼盜捕之事吏

目一員



學正一員生員十人

屯田打捕司一員秩從五品達魯花赤一員從五品  
同提舉一員從六品副提舉一員從七品吏目二人  
抽分場提領所十處海州新壩設提領一員同提領  
一員俱受宣徽院劄副

至元三十年置場官莞瀆板浦臨洪徐瀆四場各場  
司一員從七品司丞一員從八品管勾一員從九品  
辦鹽各有差屬兩淮都轉鹽運使

古胸考略 卷之二

古

胸山為中縣百官志云中縣秩正七品達魯花赤一  
員尹一員簿一員尉一員典史二員

贛榆沭陽為下縣百官志云下縣秩從七品置官如  
中縣民少事簡之地則以簿兼尉後又別置尉尉主  
捕盜之事別有印典史一員 巡檢司從九品巡檢  
一員

治典教典二志詳舊志



古胸考略第三卷

海州喬紹傳纂

名宦考

漢

汲黯字長孺濮陽人武帝時為東海太守

魯賜礪人中公弟子為東海太守 漢書儒林傳

于公東海郟人為縣史郡決曹決獄平恕 詳見漢書並舊志

韋宏魯國鄒人丞相賢次子也宣帝時為東海太守

韋賢傳

古胸考略 卷之三

一

尹翁歸字子兄 顏師曰兄 河東平陽人宣帝地節中

為東海太守

後漢

後漢書建武十九年封子疆為東海王以次相傳至

魏受禪國除

宋均字叔庠南陽安衆人永平元年為東海相

趙咨字文楚東郡燕人延熹元年舉至孝有道靈帝

初東海相



黃浮桓帝時為東海相 附陳蕃傳

徐璆字孟玉廣陵海西人中平時為東海相 漢書以上後

潘勗漢東海相 晉書潘尼傳

韋著京兆杜陵人後漢時為東海相

薛衍淮陽人後漢時為東海相 表以上唐書軍相世系

抱朴子桓帝時以幣徵徐孺子為東海相不至

宋

劉善明平原人宋廢帝元徽二年為青冀二州刺史

古胸考略 卷之三 二

時二州已入魏僑立州治于胸山 宋書

何欣之盧江人劉宋時為贛榆令 王氏冥祥記

南齊

垣崇祖字敬遠下邳人宋明帝時魏陷徐州崇祖妹

夫皇甫肅將家屬及崇祖母奔胸山崇祖因將部曲

據之遣使歸命太祖在淮陰板為胸山戍主有軍將

止入魏魏遣步騎二萬襲崇祖屯洛要去胸山城二

十里崇祖出送客未歸城中驚恐崇祖令腹心人等



急走二里外大叫而來唱艾塘義人已破魏伐軍速  
往相助又令人持兩炬火登山鼓噪魏人疑其軍備  
甚盛乃退以功封輔國將軍泰豫元年徙戍龍沮在  
朐山南崇祖啟斷水清平地以絕魏騎帝從之崇祖  
率將吏塞之未成魏彭城鎮將平陽公來爭數萬騎  
掩至崇祖馬繫陷陣不能抗乃築城自守會天雨數  
十餘日敵乃退龍沮竟不立帝擢為東海太守  
垣榮祖字華先崇祖從父兄宋明帝初徐州刺史薛

古朐考略 卷之三

三

安都欲外附榮祖止之不聽安都遂引魏師入彭城  
榮祖攜家屬南奔朐山魏遣騎追之不及遂附齊太  
祖仕至東海太守

周山圖字季寂義興義鄉人齊高帝建元二年出為  
假節督兗青冀三州徐州東海朐山軍事寧朔將軍  
百姓附之二年冬魏來攻朐山為元元度盧紹之所  
破帝敕山圖應赴會義象已為魏所沒山圖拔三百  
家還淮陰表移東郡治漣口帝納之



裴叔業河東聞喜人永泰元年為東海太守以上南齊書

梁

陰子春字幼文武威姑臧人父智伯與梁武帝鄰居少相善帝即位官至梁秦二州刺史子春仕歷位朐山伐主東莞太守月餘魏欲襲朐山間諜前知子春設伏破摧之授南青州刺史鎮朐山累遷至侍中南史

北齊

李渾字季初趙郡柏人人天保中徐海州刺史賊攻

古胸考略 卷之三

四

州城城中多石無井常食海水賊絕其路城內先有一池時旱久涸一朝天雨泉流涌溢賊以為神應時駭散渾督勵將士捕斬其渠帥衆遂定

祖璉字孝徵范陽人父瑩魏護軍將軍璉少負文譽起家秘書郎對策高第武成中已歷顯任齊後主立除海州刺史以上北齊書

隋

張孝徵不知何郡人州志云為東海令嘗築西海堰



捍潮自是免水患

房恭懿字慎言河南洛陽人性沈深有局量達於從政開皇初有以蘇威薦歷澤德二州司馬歲餘盧愷復奏恭懿改為天下最上賜物百段因謂諸州朝集使曰恭懿體國愛民百姓視如父母此乃天之賜朕當令天下模範之卿等宜師數也於是下詔曰德州司馬房恭懿出宰百里毗贊二藩善政能官標映倫伍班條按部實允僉屬委以方岳聲實俱美可使持

古胸考略

卷之三

五

節海州諸軍海州刺史未幾為何安誣奏罷任天下  
寬之 隋書循史傳

李亮隴西成紀人仕隋為海州刺史唐有天下以宗  
室加恩追封鄭王諡曰孝 唐書宗室傳

唐

李邕字泰和揚州江都人知海

按唐書邕本傳雖不言知海州而諸書所引信而有徵如李白集東海有勇婦詩北海李使君飛章  
禪寺碑唐李邕書太平廣記李邕知海州云云是



也

姚彛陝州硤石人丞相崇長子也海州刺史

崔大方博陵安平人海州刺史

李裕譙郡人海州刺史

王方諳琅琊臨沂人海州錄事參軍

鄭抱劍滎陽人海州司戶參軍

鄭光庭鄭州滎陽人海州倉曹參軍

鄭子潤滎陽人海州倉曹參軍

古胸考略

卷之三

六

柳憬汝潁人海州長史唐書作柳憬

李述譙郡人東海尉以上唐書宰相世系表

李進成隴西成紀人海州司倉參軍唐書宗室世系表

崔惟怳字踐直清河人開元七年為海州司馬

元曖字徽明河南人開元七年知東海縣崔逸鬱林觀東巖壁記

杜令昭京兆杜陵人開元十二年為海州刺史州東

東二十里有永安堤北接山環城長七里以捍海潮

公所築也唐書地理志



姜晦秦州上邽人開元初擢御史中丞臺儀復振為  
吏部侍郎主選賊賅路塞流品有叙兄皎被放晦貶  
春州司馬遷海州刺史新唐書本傳

朱用芝海州刺史朱瑾為朱全忠所敗趨海州用芝  
以其眾與瑾奔揚行密新唐書朱宣傳

韋正名東海令

朱守言海州文學

孔如珪海州司戶參軍以上三人見新唐書宰相世系表

古胸考略

卷之三

七

晁良未詳何郡人開元中海州錄事參軍見馬懷素傳

李知遠未詳何郡人肅宗寶應中為東海令見封氏聞見記

李行言未詳何郡人宣宗大中八年擢為海州刺史

初上獵于苑北遇樵夫問其縣曰涇陽人令為誰曰

李行言為政何如曰性執有盜數人匿軍家索之不

與盡殺之上歸帖其名于寢殿柱遂除是官及入謝

金紫上曰卿知所以衣金紫乎對曰不知因取柱帖

示之見通鑑



梁

劉知俊字希賢徐州沛人事梁太祖為左開道指揮使姿貌雄傑能披甲上馬輪劍入敵勇出諸將右當時劉開道名重軍中歷官海州刺史吳任臣前蜀春秋

吳

陳宣吳太和二年八月海州都指揮使王傳極叛降唐宣死之五代史

王巖太和二年以威衛大將軍知海州吳任臣十國春秋

古胸考略

卷之三

八

徐景遷徐州人知誥次子也太和六年為海州團練使

臺濛字頂雲合肥人吳太祖時為海州刺史

王綰合肥人太祖時為海州副使官至鎮東大將軍以上吳春秋

南唐

鄭匡國金陵人金陵志作鄭國圖烈祖時為海州刺史

劉彥貞兗州中都人官海州刺史南唐春秋



宋

孫方進不知何許人開寶中為海州刺史二年三月

太祖詔令率兵圍汾州宋太祖紀

胡旦字周父濱州渤海人舉進士第一開寶初知海

州考旦本傳不足取其知海州帝謂無善狀日為部下所訟會赦乃錄用

張茂直字林宗兗州瑕邱人開寶三年進士解褐海州推官

王博文字仲明曹州濟陰人淳化中賜進士知海州

古胸考略

卷之三

九

為政務平恕常語諸子曰吾平生決罪至流刑未嘗不陰擇善水工處汝曹志之

張宗誨字習之曹州冤句人僕射齊賢第二子也為海州別駕

牛冕字君儀徐州彭城人太平興國三年進士真宗在東宮職其名咸平中以罪削籍遇赦移海州別駕大中祥符初真宗語宰相曰冕素純善黜棄久矣量宜甄叙即起知漣水軍



陳文顯泉州仙遊人洪進第三子也景德中知海州  
郎簡字叔廉杭州臨安人進士及第通判海州

劉湜字子正徐州彭城人舉進士知海州

喬惟岳字伯周陳州南頓人周顯德中登第其宗踐  
祚權知開封府陳乞外遷小州上嘉其靜退特授海  
州刺史明習吏事有治劇才

祖無擇字擇之上蔡人進士高第知海州自慶歷詔  
天下立學徒文具無擇首建學官置生徒郡國弦誦

古胸考略

卷之三

十

之風由此始盛篤於師友少從孫明復學經術又從  
穆修為文章兩人死求其遺文彙次之傳於世宋以上

石延年字曼卿其先幽州人後徙宋城真宗時錄二  
舉進士以為三班奉職恥不就神宗時通判海州宋

文苑傳 州舊有青龍山東北嶺有石棚可容十數人巖

上山巖高峻人路不通了無花卉點綴映照延年使  
人以泥裹桃核為彈鄭于山嶺之上一二歲間花發  
滿山爛如錦繡因名萬花巖其石棚舊傳為石公政



事餘暇讀書之所歐公詩話曼卿性豪飲與布衣劉潛為

友嘗倅海州潛訝之劇飲中夜酒欲竭並醋斗餘傾

入盡飲之有因飲巢飲諸名屏後立捫蝨庵嘗卧其

中見胡仔漁叢話

趙槩字叔平南京虞城人中進士第通判海州官至

太子少師

孫洙字巨源廣陵人羈州能文未冠擢進士包拯歐陽修吳奎舉應制科進策五十篇指陳改體明白剴

古胸考略 卷之三

十一

切韓琦讀之太息曰慟哭流涕極論天下事今之賈誼也再遷集賢校理同知諫院王安石主新法多逐諫官洙力求補外得知海州免後法行常平使者欲加歛緡錢以取贏為功洙力爭之方春旱發運調使民緡漕渠以通鹽河洙持之不下三上奏乞止其役旱蝗為害致禱于朐山徹奠大雨蝗赴海死尋入朝擢翰林學士

沈括字存中錢塘人以父任為沭陽主簿縣依沭水



乃職方氏所謂浸日沂沭者故跡漫為沂澤括新其二坊疏水為百渠九堰以播節原委得上曰七千頃擢進士第官至光祿少卿括博學善文於天文方志律歷音樂醫藥卜筮無所不通皆有論著又紀筆談多載朝廷故實傳於世

劉彛字執中福州人從胡瑗學善治水舉進士第為胸山令治簿書恤孤寡作陂池教種藝平賦役抑姦媚凡所以惠民者無不至邑人紀其事曰治範熙寧

古胸考略 卷之三

十二

初為制置三司條例官屬以言新法非便罷

陸佃字農師越州山陰人熙寧三年廷試對策擢甲科佃受經於王安石安石以佃不附己不復咨以政安石卒佃哭而祭之識者嘉其無向背脩撰神宗實錄數與范祖禹黃庭堅爭辨多是安石為之晦隱紹聖初治實錄罪生落職知泰州改知海州朝論灼其情復集賢殿脩撰佃著書二百四十卷如埤雅禮象春秋後傳皆傳於世



崔公度字伯易高郵人熙寧中知海州

鮑由字欽止處州龍泉人舉進士徽宗時知海州由嘗從王安石學又親炙蘇軾故其文汪洋閎肆詩尤高妙嘗注杜甫詩有文集五十卷

王覲字明叟泰州如皋人舉進士第徽宗時知海州沈錫字子昭真州揚子人與蔡京議不合知海州張叔夜字嵇仲開封人倚中耆孫也少喜言兵以蔭為蘭州錄事參軍遷知海州大觀中為庫部員外郎

古胸考略

卷之三

十三

開封少尹復獻文召試制誥賜進士出身歷官徽猷閣待制再知海州宋江起河朔轉掠十郡官軍莫敢撻其鋒聲言將至叔夜使間者覘所向賊徑趨海濱劫鉅舟十餘載鹵獲於是募死士得千人設伏進城而出輕兵距海誘之戰先匿壯卒海旁俟兵合舉火焚其舟賊聞知皆無閉志伏兵乘之擒其副賊江乃降靖康改元四道置師叔夜為南道都總管金兵再至詔入宿衛即自將中軍子伯奮將前軍仲熊將後



軍合三萬人與金兵轉戰而前陳兵玉津園鎧甲光  
明拜舞城下帝登城見之喜遷知樞密院連四日與  
金人大戰斬其金環貴將二人城陷被創猶父子力  
戰車駕再出郊叔夜哭諫帝回首字之曰嵇仲努力  
金人議立異姓叔夜與孫傳固爭移書二帥請立太  
子以從民望二帥怒追赴軍中不食死訃聞贈開府  
儀同三司謚忠文以上見宋史

曰錫字表聖嘉州洪雅人舉進士官左拾遺上疏太

古胸孝略

卷之三

十四

宗嘉之知制誥好直言端拱二年歲早上疏宰相不  
悅罷知陳州生稽獄訟責海州團練副使歷官右諫  
議大夫卒贈工部侍郎有咸平集五十卷宋史及東都事略

李迪字復古幽州人徙家濮深厚有器局舉進士第  
一通判兗州坐事謫監海州稅改右司諫歷官參知  
政事同中書門下平章事以太子太傅致仕卒贈司  
空侍中謚文定宋史

穆脩字伯長汝陽人

宋史云

帥事陳搏傳其易學舉



進士調海州理掾州宋史云調泰持才忤監郡者摺據

其罪坐削籍遇赦叙潁州文學參軍故當時呼之曰

穆參軍脩首倡古文之學其後尹源與其弟洙始從

之學古文又傳其春秋學東都宋史脩性剛介好論

斥時病宰相識脩村用為學官脩終不往自五代文

敝脩獨以古文稱蘇舜欽兄弟從之遊一時士大夫

稍能文者必曰穆參軍所著集三卷

曾肇字子開建昌南豐人舉進士為神宗寶錄檢討

古胸考略 卷之三

十五

後治寶錄譏訕罪出知滁州歷泰州海州時党論屢

起肇身更其開數不合天資仁厚容貌端嚴自少力

學博覽經傳為文溫潤有法更十三州類多善政宋史

朱服字行中湖州烏程人熙寧進士甲科與蘇軾遊

坐貶海州團練副使蘄州安置宋史

王祖道字若愚福州人第進士徽宗朝論事出知海

州宋史

豐稷字相之明州鄞人登第徽宗朝官御史中丞論



蔡京奸狀京得政脩政怨貶海州團練副使建炎中  
追復學士謚清敏稷任言貴每草疏必密室退多焚  
藁所薦士皆知名當世 宋史

王襄初名寧鄧州南陽人擢進士第知海州 宋史

郭知章字明叔吉州龍泉人第進士知海州

強淵明字隱季杭州錢塘人進士第調海州司法參  
軍

陳過庭字賓玉越州山陰人舉進士宣和二年劾蔡

古胸考略 卷之三

十六

京王黼及朱勔父子謫海州團練副使其後隨二帝  
北行卒於燕山贈開府議同三司謚忠肅

洪擬字成季一字逸叟鎮江丹陽人登進士甲科宣  
和中知海州

郭候字同升開封祥符人以父任調海州東海縣尉  
後權饒州浮梁宰死節

孟忠厚字仁仲洛州人隆祐太后兄追封咸寧郡王  
彥弼子也靖康元年知海州



李彥先字少嚴寧州彭原人少知兵多謀略建炎四年為海州鎮撫使

曲端字正甫鎮戎人以父任甫三齡即授三班借職警敏知書善屬文長于兵略屢立戰功建炎三年張浚欲仗其威承制築壇拜為威武大將軍軍士謹聲如雷後忌其功罷端兵四年謫海州團練使卒為浚所害按端傳云責海州團練使萬安州安置則是未到海州任也李進彥未詳何地人紹興元年為海州鎮撫使宋史

古胸考略 卷之三 十七

魏勝字彥威淮陽軍宿遷人多智勇善騎射應募為弓箭手徙居山陽紹興三十一年金人將南侵籍諸路民為其勝躍曰此其時也聚義士三百渡淮取連水軍宣佈朝廷德意不殺一人連水民翕然聽命遂取海州郡守渤海高文富聞勝起遺兵來捕勝距海州南八十里大伊與金兵遇勝迎擊走之追至城下眾驚傳水陸悉有兵城中大恐文富閉門守驅民上城禦之勝令城外多張旗幟舉烟火為疑兵又遣人



向諸城門諭以金人葉信背盟無名興師本朝寬大  
愛民之意民間之即開門勝遣勇銳者登城樓餘自  
門入莫有禦者遂執高文富民皆安堵勝權知州事  
遣人諭朐山懷仁沐陽東海諸縣皆定乃蠲租稅釋  
罪囚發倉庫犒戰士分忠義士為五軍紀律明肅金  
遣同知海州事蒙恬鎮國以兵萬餘取海州抵州北  
二十里新橋勝率兵出迎之設伏于隘陣以待衆殊  
死戰伏發賊大敗殺鎮國馘千人降三百人軍威益

古朐考略

卷之三

六

震山東民咸欲來附勝傳檄招諭結集以待王師之  
至沂民壁蒼山者數十萬金圍之久不下砦首告急  
于勝勝提兵往救大戰于山下勝以大刀奮擊入保  
砦內金兵無敢當者已而攻益急勝度其必復攻海  
州因間出砦趨城中金人果解蒼山圍自新橋抵城  
下勝出戰皆捷金兵分四面攻之勝募士登城以禦  
矢石如雨者七日金兵死傷多遁去勝起義久朝廷  
尚未知沿海置劄使李宝遣其子由海道覘敵至州



始遣忠義將朱震褚道詣行在白勝姓名于執政始知勝之功焉金主亮舉兵渡淮慮勝躡其後分軍數萬來攻會李宝率舟師至勝邀與同擊金人于新橋大敗之勝復還州為捍禦計金兵至營于城北砂巷列陣將攻閔門先遣人說勝使降勝開門出諭之曰汝主叛盟失信無故興兵我朝以仁義之師來復舊疆汝主渡淮必敗爾等宜早來歸必獲爵賞時金兵已渡閔勝登閔門張樂飲酒犒軍士令固守勿出戰

古胸考略

卷之三

十九

金兵攻之踰時乃少遣將士出憑險隘擊之金人知不可攻率兵南轉而渡河襲閔後勝歛兵入城金兵追將及勝獨乘馬逐之比曰魏勝在此敵皆辟易士卒後入者不復敢追軍已入城金兵徑趨城東欲過砂堰圍城為營勝先已據堰備之金軍不得過拒戰竟日終不能近有新募士守河者不知金兵遽過河勝恐絕河路急收兵入城金兵追至東門外黃土坡勝單騎逐之大叱之金兵五百皆望風退金兵復自



西南來襲勝從後叱之金兵駭散手殺數十人奏功授知海州兼山東路忠義軍都統遣其子昌同峒崕山首領張榮持旗榜往結山東忠義金自新橋關子門之敗殺傷者衆一日黎明乘昏霧四面薄城急攻勝激厲士卒竭力捍禦矢石交下城上溶金液投火牛金兵不能前多死傷乃拔砦走距海州為長垣包州城于中使不能出及亮卒乃解去勝善用大力能左右射旗揭山東魏勝金人望見即退走勝為旗十

數書其姓名密村諸將遇鏖戰即揭之金兵悉避走勝初起義時無州郡糧餉之給無府庫倉廩之儲經畫市易課酒榷鹽勸糶豪右環海州度視敵兵攻取處築城浚隍塞關隘糾集遠邇稿勞士卒期約必信未嘗一日懈弛也金人遣山東路都統總管以兵十萬攻海州時李寶師海州水陸並進抵城北砂巷勝率衆合寶軍大破之斬首不可計堰水為之不流餘悉奔瀆勝獨率兵追北二十里至新橋又破之盡獲



其鞍馬噐甲寶亦駐海州為進取計金人復遣五斤  
太師發諸路兵二十餘萬攻海州先遣一軍自州西  
南斷勝軍餉道勝擇勇捍士三千餘騎拒于石闥堰  
金軍不能進逮夜始還留千人備險隘金軍十萬來  
奪勝率眾鏖戰殺數千人餘皆遁去下令守險勿進  
報寶寶以防海道登舟不復發兵金兵盛集勝力拒  
之自旦至暮金兵不能奪勝令步卒整隊前行自為  
殿時百姓以寶既登舟懼金兵大至皆欲入城統制

古胸考略 卷之三

三

郭尉閉城門不納人畜傲野呼號動地城中亦懼勝  
入城諭以賊勢退怯之壯固守可保無虞乃盡納之  
居無何金兵環城圍數重勝與郭尉分兵備禦偃旗  
仆鼓寂若無人金兵驚數日不敢攻已而植雲梯置  
砲石四面合圍負土填濠俟其近城鳴鼓張旗矢石  
俱發繼以火牛金液凡三晝夜金兵竟不能近於是  
罷攻修營壘絕河道謀為固守勝俟其不備掩擊或  
獨出擾之使不得休息又間發兵劫其營或焚其攻



具既而金人併力急攻勝告急于李宝宝以聞還報  
城中已命張子蓋率兵來救詳見大事考圖既解轉  
閣門宣贊舍人差充山東路忠義軍統制兼鎮江府  
駐劄御前前軍統制仍知海州隆興元年詔以鎮江  
御用同統制魏全來守海州督府張浚亦遣費和仲  
充山東河北路撫使節制本路軍馬海州駐劄和仲  
忌勝讒之于督府遂罷勝職鎮江駐劄既而察其誣  
罷和仲復勝舊職勝還海州撫一方民安其政海州

城西南鎮孤山敵至登山瞰城中虛實立見故西南  
受敵最劇勝築重城圍山在內寇至則先據之不能  
害常自創如意戰車數百輛炮車數十輛車上為獸  
面木牌大槍數十垂瓊幕軟牌每車用二人推轂可  
蔽五十人行則載輜重器甲止則為營掛拾如城壘  
人馬不能近遇敵又可以禦箭簇列陣則如意車在  
外以旗蔽陣弩車當陣門其上置床子弩矢大如鑿  
一矢能射數人發三矢可數百步炮車在陣中施火



石炮亦二百步兩陣相近則陣間發弓弩箭砲近陣門則刀斧槍手突出交陣則出騎兵兩嚮掩擊得提拔陣追襲少却則入陣間稍憇士卒不疲進退俱利伺便出擊慮有非過預為解脫計夜息不使人見以其製上於朝詔諸軍遵其式造焉二年以議和撤海州戍命移知楚州金人自清河襲淮安勝興兵拒之告急于安撫使劉宝宝擁兵不救勝力戰矢盡猶依土步為陣謂士卒曰我當死此得脫者歸報天子乃

古胸考略

卷之三

三

令步卒居前騎為殿至淮東十八里中矢墜馬而卒年四十五事聞贈保寧軍節度使諡忠壯詔立廟以祀賜號褒忠官其二子郊忠州刺史昌承德郎

李宝河北人金人之寇海州也命宝為沿海制置使帥州師往援鼓厲士卒縱舟抵東海敵已雲合圍海州旌麾数十里宝麾兵登岸以劔畫地令曰此非復吾境乃戰與否在汝等因握槊前行遇敵奮擊將士鼓勇無不一當十敵出不意亟引去魏勝出城迎宝



獎其忠義勉以共立功名勝感泣復移軍與金人戰于膠西石臼島大敗之捷聞詔獎諭書忠勇李宝四字表其旌幟命還軍駐東海視緩急為表裏援魏全不知何地人隆興元年詔以鎮江御前同統制字海州

陳昭字光伯常州人登第知朐山縣丁憂歸北兵至常與常守姚訔同死節贈直宝章閣

徐晞稷不知何地人嘉定十三年以將作監丞知海

古朐考略

卷之三

五

州

侯昌字道子温州樂清人三貢于鄉兩試轉運司皆第一宝祐五年制置使賈似道辟通判海州李松壽字壇小據山東突出漣泗畝鏖戰城下死之闔室遇害太學生三十一人言于朝即海州賜廟旌忠諡曰節毅所著有霜厓集

陳詩川饒州安仁人以武功補沭陽令

陳奉字肇方一字偉節度宗咸淳元年與父詩川同



舉進士調朐山主簿

以上宋史

金

阿喜宗室子為海州刺史

完顏卞僧章宗泰和六年為東海令宋商榮復攻海州卞僧復敗之還中伏矢卒贈海州刺史以銀五百兩絹百匹給其家仍官其一字

金史本傳

朮甲臣嘉北京路猛安人貞祐初為海州同知

完顏霆本姓李氏中都宝坻人貞祐初以棗州防禦

古朐考略 卷之三

三五

使賜姓完顏氏屯海州興定九年充權海州經略副使紅襖賊子忙兒寇海州霆擊走之二年宋高太尉兵三萬駐朐山霆軍乏糧采野菜麥佳食之宋兵柵朐山下隔湖港霆作港中暗橋遣萬戶胡仲珪副統劉贊率死士由暗橋登山霆率兵四千人趨山下約以昏時舉火為期上下夾擊宋兵大敗墜澗溺水死者不可勝計斬高太尉彭元帥于陣中餘眾潰去遷安化軍節度使經略副使如故逾月宋兵復至霆逆



戰駐兵城外夜半宋人乘虛踰城而入經略使阿不罕奴失剌率兵扼戰都統溫迪罕五兒副統蒲察永成蒲察只魯身先士卒殺一百餘人城賴以完語五兒等各遷兩階金史本傳

獨吉世顯貞祐三年以擊敗李全功授同知海州事見金史田琢傳

從坦宗室子貞祐三年以刺史珮金牌經略海州金史完顏陳兒宣宗興定四年為海州經略有擊賊功金史

古胸考略 卷之三

二十六

張希古金大定中為贛掄令見金王寂拙軒集

元

孟德濟南人憲宗五年移守海州宋安撫使呂文德以兵擾邊德屢敗之俘其太尉劉海節元史本傳

臧夢解慶元人宋末進士第至元十三年浙東宣慰司舉夢解才兼儒吏可試州郡詔知海寧州時淮東按察副使王慶之按行至其州見夢解剛直廉慎而學有淵源自任職以來門無私謁官署蕭然凡有差



役皆當其貧富而更無所預於是民以戶計者新增七百六十有四日以頃計者新闢四百四十有三桑拓榆柳交蔭境內而政平訟減為諸州縣最乃舉夢解才德兼備宜擢清要以展所蘊而御史臺亦以其廉能抗章薦之後官至湖南宣慰使節元史

趙雍湖州人翰林學士承旨魏國公孟頫長子也知

海州以上元史按趙文敏傳祇云子雍以書畫知石

頫弟孟頫字子俊官知州工人物

花鳥亦善書然不言海州知州

魏榮金臺人皇慶中知海州建廟學見碑

張衡當塗人延祐五年知海州與建小學

右諸人有海州志列名而事實未詳者詳之未載者補之補漢二人後漢二人宋二人南齊四人梁一人北齊一人隋一人唐十九人後唐二人吳三人南唐二人宋二十七人金八人元三人共補歷朝名宦七十九人明代州已詳不重錄





古胸考略第四卷

海州喬紹傳纂

名獻考

漢

殷嘉東海人受易於東郡京房仕為郎博士見漢書京房傳

髮福東海人初河內趙子事燕韓生受韓詩以授同

郡蔡誼誼授同郡王吉吉授淄川長孫順順為博士

以授福福位至大官徒衆尤盛漢書趙子傳

馮中翁東海人善詩學宣帝幼時依倚許廣漢兄弟

古胸考略 卷之四

一

及祖母家史氏時曾受詩於中翁漢宣帝紀

成公敞東海人元帝時為尚書僕射哀帝元壽元年

詔光祿大夫孔光舉可尚書令者封上光謝曰臣竊

見國家故事尚書以久次轉遷非有蹕絕之能不相

踰越尚書僕射敞公正勤職通敏於事可尚書令謹

封上敞以舉故為東平太守漢書孔光傳

鍾離昧東海胸縣伊盧鄉人為項羽驍將素與韓信

善羽止歸楚王信高帝怨昧詔捕之時有人告信反





帝會諸侯於陳欲襲信或說信斬昧謁上可免信見  
昧計事昧曰漢所以不擊取楚以昧在公所若欲捕  
我以自媚於漢吾今日死公亦止矣乃罵曰公非長  
者遂自剄信持其首謁高祖於陳見史記韓信傳云  
馬處以為胸縣伊廬鄉括地志以為中廬縣今從徐  
氏司馬氏說第昧本武人故附前漢諸賢之末

### 後漢

衛宏字敬仲東海人少與河南鄭興俱好古學初九  
江謝曼卿善毛詩乃為其訓宏從曼卿受學因作毛

### 古胸考略

#### 卷之四

二

詩序善得風雅之旨於今傳於世後從大司空杜林  
更受古文尚書作訓旨時齊南徐巡師事宏後從林  
受學亦以儒顯由是古學大興光武以為議郎宏作  
漢舊儀四篇以載西京雜事又著賦頌詩七首皆傳  
於世後漢書儒林傳按衛宏州志已載茲據正史錄

### 蜀

糜竺字子仲東海胸人祖世貨殖僮客萬人貲產鉅  
億裴松之注引搜神記曰竺常從洛歸未達家數十  
里路傍見一婦人從竺求寄載行可數里婦謝去



謂竺曰我天使也當往燒東海糜竺家感君見載故  
以相語竺因私請之婦曰不可得不燒如此君可馳  
去我當緩按行日中大當發竺乃還家遽出財物日中  
火大發按王子年拾遺記所載與此稍有異同  
後徐州牧陶謙辟為別駕從事謙卒竺奉謙遺命迎  
先主於小沛建安元年呂布乘先主之出拒表術襲  
下邳虜先主妻子先主轉軍廣陵西海竺於是進妹  
於先主為夫人奴客二千金銀貨幣以助軍資於時  
困匱賴此復振後曹公表竺領嬴郡太守曹公集載  
公表曰秦  
山郡界曠遠舊多輕悍耀時之宜可分五縣為嬴郡  
選清廉以為守將偏將軍麋竺素履忠貞文武昭烈

古胸考略 卷之四

請以竺領嬴郡太守撫慰吏民竺弟芳為彭城相皆去官隨先主周  
旋先主將適荊州遣竺先與劉表相聞以竺為左將  
軍從事中郎益州既平拜為安漢將軍班在軍師將  
軍之左賞賜優寵無與為比子威官至虎賁中郎將  
威子照虎騎監自竺至照皆便弓馬善騎射云見蜀  
志  
今東海閔中村蒼梧山南麓有益州  
院其舊址也墓在海西石棚山北麓

宋

何長瑜東海人善詞章臨川王義慶引長瑜及鮑照



為左史國臣謝靈運與惠連及長瑜荀雍羊壻之以  
文章賞會共為山澤之遊號曰四及見宋書

鮑照字明遠東海人文辭瞻逸賞為古樂府文甚道  
麗元嘉中河濟俱清時以為瑞照為河清頌世祖以  
為中書舍人書見宋書照嘗始謂義慶未見知欲貢詩言  
志人正之曰郎位尚卑不可輕忤天王照勃然曰千  
載士有英才異士沉沒而不聞者安可數哉大丈夫  
豈遂蘊智能使蘭艾不辨終日碌碌與燕雀相隨乎

古胸考略

卷之四

四

於是奏詩義慶奇之賜帛二十疋尋擢為國侍郎甚  
是知賞遷秣陵令見南史

徐秀東海人元嘉十三年以何尚之為丹陽尹置宅  
南郭外立學聚生徒秀與廬江何曇等慕道來遊謂  
之南學見宋書何尚之傳

梁

鮑泉字潤岳東海人父機相東王諮議參軍泉傳涉  
史傳兼有文筆少事元帝命泉征河東王譽於湘州



泉至長沙作連城以逼之譽率衆攻泉泉據柵堅守  
譽不能克泉因其幣出擊之譽大敗盡俘其衆遂圍  
其城久未能拔世祖遣平南將軍王僧辯代泉為都  
督尋復其任令與僧辯等率舟師東逼邵陵王於郢  
州郢州平元帝以長子方諸為刺史泉為長史行府  
州事侯景密遣將宋子仙任約率精騎襲之城陷執  
方諸及泉景害之於江夏泉精於禮經撰儀禮新儀  
四十卷行世 見梁書

古胸考略 卷之四

五

鮑至東海人晉安王命至等十人抄撰衆籍豐其果  
饌號高齋學士簡文開文德省置學士又以至與徐  
陵庾信等充其選 見南史庾

陳

徐伯陽字隱忍東海人祖度之齊南徐州議曹從事  
史父僧權東宮通事舍人領秘書以善書知名伯陽  
敏而好學善色養進止有節十五以文筆稱學春秋  
左氏家有史書所讀者近三千餘卷試策高第尚書



板補梁河東王國右常侍東宮學士臨川嗣王府墨  
曹參軍大同中出為侯官令甚得民和侯景之亂伯  
陽浮海南至廣州依於蕭勃勃平還朝仍將家屬之  
吳郡天嘉二年詔侍晉安王讀尋除司空侯安都府  
記室參軍事安都素聞其名見之降席為禮甘露降  
樂遊苑詔賜安都令伯陽為謝表世祖覽而奇之太  
建初記室李爽張正見祖孫登左民郎賀徹學士阮  
卓黃門郎蕭詮三公郎王由禮處士馬樞比部賀循

古胸考略

卷之四

六

長史劉刪等為文會之友後有蔡凝劉助陳暄孔範  
亦預焉皆一時之士也遊宴賦詩勒成卷軸伯陽為  
其集序盛傳於世及新安王為南徐州刺史除鎮北  
新安王府中記室參軍兼南徐州別駕帶東海郡丞  
鄱陽王為江州刺史伯陽嘗奉使造焉王率府僚與  
伯陽登匡嶺置宴酒酣命筆賦劇韻二十伯陽與祖  
孫登前成王賜以奴婢雜物及新安王還京除臨海  
嗣王府限外諮議參軍十一年春皇太子幸太學詔



新安王於辟雍發論語題仍命伯陽為辟雍頌甚見  
佳賞除鎮右新安王府諮議參軍事十三年聞姊喪  
發疾而卒時年六十六 陳書文學傳

隋

包愷字子和樂東海人其兄愉明五經愷悉傳其業  
又從王仲通受史記漢書尤稱猜究大業中為國子  
助教於時漢書學者以愷與蕭該二人為宗匠聚徒  
教授著錄者數千人卒門人為起憤立碣焉 隋書儒  
林傳

古胸考略

卷之四

七

北史儒林傳包愷字和樂疑脫子字考古人多  
有三字字如晉書裴天錫字公純嘏之類是也

唐

吳少徵東海人新唐書附尹元凱傳作新安人韋述  
說必有據今淮海吳氏族諸有書遷東海少負文華  
始祖少徵者蓋始在新安後移居海州矣  
與富嘉謨友善唐文藝傳云與嘉謨及魏谷倚稱北  
嘉謨少徵本經術人慕之進士及第累授晉陽太原  
號吳富體預修三教珠英  
尉拜左臺監察御史時嘉謨卒於京師少徵在官署  
聞之操文往哭一慟而終其篤於交情如此 唐御史



吳通元海州人與弟通微皆博學善文章父道瓘以  
道士詔授太子諸王經故通元等皆得侍太子游太  
子待之甚善始通元舉神童補秘書正字又擢文辭  
清麗科調同州司戶參軍德宗立弟兄踵召為翰林  
學士頃之通微起職方郎中通元起居舍人並知制  
誥凡帝有譏述非通元筆未嘗嫌與陸贄吉中孚韋  
執誼並位贄文高有謀特為帝器遇自恃勁正見通  
元等以東宮舊恩進昵屢短之於帝前欲斥遠之即

古胸考略

卷之四

八

建言承平時工藝書畫之冗皆待詔翰林而無學士  
至德以來命集賢學士入禁中草書詔待進正於翰  
林院因以名官今四方無事制書職分宜歸中書舍  
人請罷學士帝不許通元怨之會贄權知兵部侍郎  
主貢舉乃命為真貞元七年通元拜諫議大夫自以  
久次當得中書舍人為贄所沮心頗怨望贄與竇參  
交惡從子申從舅嗣統王則之才為金吾將軍故申  
介之使結通元等共危贄會通元有他過帝知未及



責則之飛謗云贄試進士受賄謝帝怒其誣搆罷參  
宰相遂則之昭州司馬通元亦貶泉州司馬

唐書

### 五代

張筠海州人世以貲為商賈筠事節度使時溥為宿  
州刺史梁兵攻溥取宿州得筠愛其辯慧以為四鎮  
客將長直軍使累拜宣徽使未帝分相澶衛三州為  
昭德軍以筠為節度使由是魏博軍叛附於晉晉王  
攻相州筠走歸梁後以為永平軍節度使梁止事唐

### 古胸考略

#### 卷之四

九

仍為京兆尹從郭崇韜伐蜀為劔南兩川安撫使蜀  
平拜河南尹從鎮興元筠嘗有疾不見將吏副使符  
彥琳入問疾筠又辭不見彥琳疑筠已死即請出牌  
印筠怒命左右收彥琳下獄以其反聞明宗知彥琳  
無反狀召彥琳釋之陽從筠為西京留守戒守者不  
內筠至長安不得入乃朝京師以為左驍衛上將軍  
筠弟錢當筠為京兆尹時以為牙內指揮使三白渠  
營曰制置使筠西伐蜀留錢守京兆蜀平魏王繼岌



班師至興平而明宗自魏起京師大擾錢乃斷咸陽  
浮橋以拒繼岌繼岌乃自殺筠兄弟貲皆鉅萬筠為  
人好施予以其富故所至不為聚斂民賴以安錢歷  
沂密二州刺史晉出帝時遷將軍卒筠居洛陽擁其  
貲以聲色自娛者十餘年人稱地仙天福二年卒贈  
太子太師五代史

吳

徐溫字敦美海州朐山人也沈毅寡言罕與人交象

古胸考略 卷之四

十

中凜然可畏人自之曰徐曠會唐末大亂以販鹽為  
盜太祖起合肥隸部下時太祖勁兵數萬號其軍為  
黑雲長斂所與舉事者劉威陶雅之徒稱三十六英  
雄惟溫未嘗有戰功太祖之入宣州也諸將爭取金  
帛溫獨據米困為粥以食飢者太祖已心異之及太  
祖欲殺未延壽等溫稍稍以計進事成遷右牙指揮  
使始預謀議太祖病出長子渥為宣州觀察使即烈  
祖也溫私致慇懃烈祖涕泣謝溫而行太祖病甚平



生舊將皆以戰守在外而溫居帳下遂預立嗣之功  
初烈祖鎮宣州命指揮使朱思勅范思從陳璠將親  
兵三千及入立惡溫與張顥典牙兵召思勅等以自  
衛而溫顥忌之陽使三將從擊江西誣以謀叛誅為  
烈祖內不平一日溫與顥驟擁牙兵露刃入庭中數  
烈祖所親信十餘人罪戾下斬之烈祖由是失政而  
心憤未能發溫顥不自安共遣群盜縊烈祖於寢久  
之溫與顥復有隙使鍾泰章殺顥高祖時溫遂專政

古胸考略

卷之四

十一

乃自以淮南行軍副使領昇州刺史留廣陵而以假  
子知誥為昇州防遏使治舟師於金陵大將李遇怒  
溫跋扈出嫚言溫使柴再用族過於宣州太祖舊將  
人人皆自疑溫因偽下之恭謹如見太祖諸將乃安  
天祐八年溫領鎮海軍節度使同平章事十年遣招  
討使李濤攻吳越裨將曹筠往奔溫間遣人語筠曰  
吾用汝為將汝軍有求吾不能給是吾過也赦筠妻  
子不誅厚遇之是秋吳越攻常州溫戰於無錫筠感



前言奔歸遂敗吳越兵十二年高祖封溫齊國公兼侍中允水陸馬步諸軍都指揮使兩浙都招討使始就鎮潤州以昇潤常宣歙池六州為巡屬溫城昇州建大都督府十四年徙治之以子知訓輔政于廣陵而大事溫遙決之知訓為朱瑾所殺知誥自潤州先入遂得政十六年溫請高祖稱皇帝不許人請即吳國王位乃許遂建國改元拜溫大丞相都督中外諸軍事諸道都督鎮海寧國等軍節度使守太尉兼中

古胸考略

卷之四

十一

書令進爵東海郡王高祖既薨溫越次立睿帝順義十年溫又請睿帝即皇帝位未許而溫病死年六十六追封齊王諡曰忠武天祚三年齊王知誥尊為太祖武王及受禪諡武皇帝已而南唐復李姓廟號義祖名其墳曰定陵溫雖不知書使人讀獄訟之詞而決之皆中情理尤喜為智詐殘狠然雅善用人頗得國人之心先是劉威為左右所譖溫幾欲討之威諸溫布心腹即遣之還鎮不疑劉信以說客降譚全播



溫陽怒以激之而虔州頓平其能御將士多此類也  
又絕有器度嘗自迎鑾鎮還至百家灣暴風起舟人  
相顧失色溫乃徐袒裼以帛擊養孫景通之首顧謂  
妾御曰吾善游倘溺不暇相救幸保此子言訖風浪  
漸息子六人

知訓溫長子少學兵法不能竟尤喜劍士再觝之戲  
溫出鎮潤州留知訓輔政朝廷譽之稱為昌華相公  
知詢溫第二子也拜諸進副都統鎮海寧國等軍節

古胸考略 卷之四

十三

度使兼侍中輔國大將軍檢校太尉守中書令金陵  
尹移鎮洪州賜爵東海郡王卒諡曰康

知誨溫第三子也鎮南軍節度使

知諫溫第四子也幼爽悟喜文墨徐氏諸子知諫最  
為雅循初知訓輔國政無所醞藉溫留知諫陰助之  
諸將常忠知訓陵已而以知諫為長者太和改元領

鎮南軍節度使同平章事

以上吳春秋

南唐



徐知證義祖第五子事吳歷州刺史至節度使烈祖封拜徐氏與李氏同知證初封江上改魏王徐氏諸子知證最為長年及元宗之世尤見優禮內宴輒用家人禮起舞拜跽為壽知證亦以叔父自處無所讓年四十二薨

徐知諤義祖第六子吳時起家太子中舍累遷刺史節度使代兄知詢為金陵尹烈祖受禪封饒王已又進封梁王鎮潤州兼中書令十子皆貴顯所著文賦

古胸考略

卷之四

十四

歌詩十卷號閣中集

何氏閩書知證知諤常平閩屯兵于閩縣之金鰲峰卒後神降于閩言奉帝命烈職斗宮以佑下土閩人立靈濟廟祀之永樂十五年成祖寢疾夢神自海濱未見尋愈禮官上言閩有靈濟二真君廟應禱有靈上迎神京師作洪恩靈濟宮於城西加知證曰清澈洞元冲虛妙應慈惠洪恩真人知諤曰高明宏靜冲澹妙應仁惠洪恩真人正統二年加為真君成化二年復封徐温為高上神主慈悲神父聖帝母與妃皆稱元君

徐遊知誨子也以義祖故於朝家為宗室封文安郡公初名景遊宣和画譜圖有李景遊談道圖即徐景遊也又有李景道會友圖亦景遊伯仲



也行後避元宗名去景字知誨遇元宗有恩故元宗待  
遊及遊兄汝南郡公遼尤親厚汝南一作臨汝出入宮省專  
典宮室營繕事遊雖家世崇貴然頗尚文學居恒與  
文士輩時時過從元宗創清暉殿於北苑命遊與張  
洎為學士入直其中尋進太子太保後主嗣立喜為  
文章遊復以屬文見昵遇宴飲輒流連酣咏更相唱  
和後主常於清暉殿後建澄心堂為朝廷內地遊與  
遼居中用事即以從子元楫為員外郎凡機事密畫

古胸考略

卷之四

十五

中旨多出其間宋師圍城分兵署字皆出澄心堂直  
承宣命謂之澄心堂承旨率遊等主之性多巧思歆  
噐久不傳遊獨以意創製動合古法太平興國中宋  
學士蘇易簡得之試於玉堂太宗取視歎賞不已以上

南唐  
春秋

後蜀

何光遠字輝夫東海人好學皆古廣政初官普州軍  
事判官撰聶公真龕記又帝著鑑誠錄十卷纂輯唐



以來君臣事蹟可為世法者又有廣政雜錄三卷皆  
行於世後蜀春秋

宋

孫傅字伯野海州人登進士第中詞學兼茂科為秘  
書省正字校書郎監察御史禮部員外郎時蔡條為  
尚書傅為言天下事勸其亟有所建不然必敗條不  
能用遷秘書少監至中書舍人宣和未高麗入貢使  
者所過調夫泊舟騷然煩費傅言索民力以妨農工

古胸考略

卷之四

十六

而於中國無絲毫之益宰相謂其所論同蘇軾奏貶  
蘄州安置給事許翰以為傅論議雖偶然與軾合意  
亦無他以職論事而責之過矣翰亦罷去靖康元年  
召為給事中進兵部尚書上章乞復祖宗法度欽宗  
問之傅曰祖宗法惠民熙豐法惠民國崇觀法惠民姦時  
謂名言十一月拜尚書右丞俄改同知樞密院金人  
圍都城傅日夜親當矢石讀邱濬感事詩有郭京揚  
適劉無忌之語於市人中訪得無忌龍衛兵中得京



好事者言京能施六甲法可生擒敵朝廷深信不疑  
命以官賜金帛數萬使自募兵未幾京敗引餘衆南  
遁金人登城二年正月欽宗詣金帥營以傅輔太子  
留守仍兼少傅帝兼旬不返傅屢貽書請之及廢五  
檄至傅太慟曰吾惟知吾君可帝中國爾苟立異姓  
吾當歿之金人來索太上帝后諸王妃主傅留太子  
不遣密謀匿之民間別求狀類宦者二人殺之并斬  
十數死囚持首送之紹金人曰宦者欲竊太子出都

古胸考略

卷之四

十七

人爭聞殺之誤傷太子因帥兵討定斬其為亂者以  
獻苟不已則以死繼之越五日無肯承其事者傅曰  
吾為太子傅當同生死金人雖不吾索吾當與之俱  
行求見二酋面責之庶或萬一可濟傅寓直皇城司  
其子來省叱之曰使汝勿來而竟來邪吾已分死國  
雖汝百輩來何益揮使遠去子亦泣曰大人以身殉  
國兒尚何言遂以留守事付王時雍而從太子出至  
南薰門范瑠力止之金守門者曰所欲得者太子留



守何與傳曰我宋之天臣且太子傅也當死從是夕宿門下明日金人名之去明年二月卒於朔庭紹興

中贈開府儀同三司諡忠定 宋史

宋胡仔漁隱叢話引詩說雋永亡宣和間為中書舍人論高麗人入貢所過騷動貶散官居蘄州許崧老時為給事中乃封駁曰孫傳東海野人乞從未減楊時可時為省郎以詩餞孫曰清議豈從光四戶直聲應已到三韓黃門省手能批勅太學無人為舉幡四大談塵云孫伯野論高麗人經過處騷擾中批云至乃用蘇軾語全無顧忌孫表云不知言語之合前人但恐遐陬之負中國

胡松年海州懷仁人幼孤貧母粥饑織資給使學讀

古胸考略 卷之四 六

書過目不忘尤邃於易政和二年上舍釋褐補維州

教授八年賜對便殿徽宗偉其狀貌改校書郎兼資

善堂贊讀為殿試參詳官以沈晦第一徽宗大悅曰

朕久聞晦名今乃得之遷中書舍人時才有事燕雲

松年累章謂邊釁一開有不勝言者弗時相意提舉

太平觀建炎間密奏中原利害名赴行在出知平江

府未入境貧吏解印歛跡以興利除害十七事揭于

都市百姓便之加徽猷閣待制奏防江利害一日立



國無藩籬之固二曰遣將無首尾之援三曰不改敵  
技之所知名為中書舍人言武昌九江建昌京口吳  
江錢塘明越宜各屯水戰士三千以為備唐恪追復  
觀文殿學士松年繳奏曰靖康之禍何桌輕脫寡謀  
宜為罪首去年秦檜還朝力稱其抗義守正遂被褒  
贈己大呌士論今恪子琢自陳其父不獲伸迎請二  
帝之謀飲藥而死此事凜然追跡古人宜詔有司詳  
考實狀庶不為虛美以示激勸除給事中會選將師

古胸考略

卷之四

十九

松年奏富貴者易為善貧賤者難為功在上之人識  
擢何如爾願陛下親出勞軍即行伍蒐簡之必有可  
為時用者又奏恢復中原必自山東始山東歸附必  
自登萊密始不特三郡民裕忠義且有通秦飛艘往  
來之便除兼侍講王倫使金還言金人欲再造重臣  
來計議以松年試工部尚書為韓肖胄副充大金奉  
表通門使時使命久不通人皆疑懼松年毅然而往  
至汴京劉豫令以臣禮見肖胄未答松年曰聖主萬



壽豫曰聖意何在松年曰主上之意必復故疆而後  
已使還拜吏部尚書岳飛收復襄漢令松年籌度守  
禦事松年奏乞飛班師徐窺劉豫意向若豫置不問  
其情叵測當飭將士謹疆場可也又條戰艦四則一  
曰張朝廷深入之軍勢二曰固山東欲歸之民心三  
曰震疊強敵使不敢窺江浙四曰牽制劉豫不暇營  
襄漢除端明殿學士僉書樞密院事首奏八事立規  
模以定中興之基振綱紀以尊朝廷之勢馭將帥使

古胸考略

卷之四

二十

知畏撫士卒使知勸收予奪之訪察毀譽之言無以  
小疵棄人材無以虛文廢寶效又薦張敵萬向在淮  
南誘敵深入步騎四集悉陷於淖與得解者金人至  
今胆落乞令統帥軍馬別為任使庶幾外間漸多名  
將不獨仗倚三四人而已諜報劉豫於登萊海密具  
舟楫淮陽順昌積芻粟欲憑藉金人侵我邊鄙議者  
謂韓劉岳各當一面可保無虞松年奏三人聲勢初  
不相屬緩急必不相救况海道濶遠蘇秀明趙最為



要衝乞選精兵萬人命一大臣往駐建康親督世忠  
光世守采石馬家渡以張兩軍之勢仍以兵五千屯  
明州平江控禦江海或無人可遣臣願疾馳以赴其  
急詔遣松年往江上與諸將會議進討因覘賊情帝  
決意親征遂次平江命松年權參知政事專治戰艦  
張浚專治軍器松年曰議論既定力行乃有效若今  
日行明日止徒紛紛無益俄以疾提舉洞霄宮卜居  
陽羨雖居閒不忘朝廷事屢言和糴科斂防秋利害

古胸考略

卷之四

三

帝皆嘉納十六年病革呼其子曰大化推移有所不  
克乃就枕鼻息如雷有頃卒人謂不死也年六十松  
年平生不喜蓄財每除官例賜金帛以軍興費廣一  
無所陳請或勸其白於朝曰弗請則已白之是沽名  
也喜賓客奉入不足以供其費或請節用為子孫計  
松年曰賢而多財則損其志况俸廩主上所以養老  
臣也自持囊至執政所舉自代皆一時間人所舉一  
以至公權勢莫能奪方秦儉秉政天下識與不識率



以疑忌置之死地故士大夫與不曲意阿附為自安計松年獨鄙之至死不通一書世以此高之見宋史

右共計二十九人內補州志所無者漢四人殷嘉髮福

成公敞鍾唐一人吳少五代二人張鑄吳五人

離昧附知訓知南唐三人諤徐遊知後蜀一人

徐温子知諫知南唐三人諤徐遊知後蜀一人

詢知諫知南唐三人諤徐遊知後蜀一人

### 武勳考

古胸考略 卷之四

### 晉

何謙字恭子東海人考武帝時為彭城內史待堅圍襄陽建武將軍謝幼度承詔遣謙游軍襄淮以為形援既而堅將彭超復攻彭城帝擢謙為後軍將軍從幼度次子泗口謙馳進解彭城圍堅將句難等率眾六萬圍幽州刺史田洛于三阿幼度率謙進討遂解田洛圍進據白馬與賊大戰破之斬其偽將都督顏因復進擊又破之斬其偽將邵保難遂引退謙進追



之戰於君川復大破之 見晉書謝幼度傳

明

錢貴海州人英宗睿皇后父也祖整從成祖起兵為  
燕山護衛副千戶父通嗣職官至金吾右衛指揮使  
貴嗣祖職數從成祖宣宗北征屢遷都指揮僉事正  
統七年后將正位官中擢貴中府都督同知英宗數  
欲封之后輒遜謝故后家獨不獲封貴卒長子欽為  
錦衣衛指揮使與弟鍾俱沒于土木欽無子以鍾遺

古胸考略 卷之四

三三


腹子雄為後天順改元擢都督同知成化時后崩憲  
宗優生母外家周氏而薄錢氏故后家又不獲封雄  
卒子承宗官錦衣衛都指揮使宏治二年封安昌伯  
世襲嘉靖四年承宗卒諡榮僖子維圻嗣尋卒庶長  
子維垣授錦衣衛指揮使廷議外戚恩封毋得請襲  
維垣遂不得襲以錦衣終 本明史

曹俊海州臨洪場人贈驃騎將軍左軍都督府僉事  
曹廣臨洪場人左參將授武略將軍

右二人見兩淮  
蓋法志



厲公達王公為勳等州志已載不重錄





古胸考略第五卷

海州喬紹傳纂

藝文考

經類

周易蘊凡例總論一卷

周易變卦解二卷

宋徐庸撰今佚

禹貢本末一卷

明鴻臚寺卿張朝瑞撰見朱彝尊經義考

古胸考略 卷之五

一

儀禮新儀四十卷

梁舍人鮑泉撰梁書云四十卷南史云三十卷

六經通數十卷

鮑泉撰見隋志

詔定古文字書一卷

後漢衛宏撰見唐志

孔門傳道錄

張朝瑞撰今佚



四書典雪

于昌符撰昌符雍王間板浦場貢生其書今闕

史類

漢書音十二卷

隋包愷撰

漢舊儀四篇

衛宏撰范蔚宗云載西京雜事隋唐宋志俱云四卷文獻通考作漢官舊儀今存

古胸考略

卷之五

二

漢中興儀一卷

衛宏撰梁阮孝緒七錄有之隋止

鑑誠錄十卷

後蜀何光遠撰集唐以來君臣事蹟可為法戒者宋志云三卷按此書今存凡十卷

廣政雜錄三卷

何光遠撰見宋志

明海州志

以下志乘類附



海州同知惠安張峯纂光祿寺卿贛掄裴天祐訂  
隆慶五年刺史仁和鄭復亨修分纂者庠生孫瓘  
新縣村人

明雲臺山志

萬曆間山東樂陵王府教授顧乾撰乾歲貢生閔  
中村人

海州志十卷

順治庚子刺史龍城劉兆龍修州貢生趙一琴分

古胸考略

卷之五

三

纂

沐陽縣志

康熙甲寅縣令三韓張奇把翰林院侍讀邑人胡  
簡敬修

續雲台山志一卷

趙一琴輯諸家咏雲臺詩附州志後

歷代雲臺山詩

庠生杜一璠集刊



雲臺山志八卷附志一卷

乾隆壬辰漕帥楚鄂崔公應階修山陽吳恒宣分纂

贛榆縣志

嘉慶丙辰縣令長白王城進士邑人周萃元修

明貢舉考

張朝瑞輯今存

劉荆山筆記

古胸考略 卷之五

四

康熙初南城廩生劉琨撰是書未見全帙僅於別集內見其徵引三條皆記桑梓間軼事

賢媛傳一卷

刊本載海州賢媛七人傳卷首有大原吳錦序

子類

老子道德經注二卷見唐志

開題序訣義疏七卷見唐志

莊子注三十卷疏十二卷宋志疏十卷



易流演五卷宋志在五行類。王應麟玉海云易流演錯綜六十四卦演九宮以值年月日  
道藏錄之

唐成元英撰按唐書元英雖陝州人而隱居東海後從郁州似終於海州者非若包咸等復歸鄉里也故錄其著述

虞犧範圍圖傳二卷

宋黃巖撰見宋志子部雜家類

箕山觀物論一卷

古胸考略 卷之五

五

贛榆孫斯位撰

集類

賦誄頌七篇

衛宏撰

鮑參軍集十卷

宋鮑照撰梁七錄云六卷隋唐宋志俱作十卷

鮑泉集一卷

梁平北府長史鮑泉撰隋唐志有宋志無



代司空侯安都謝賜甘露表一篇

辟雍頌一篇

文會詩集四卷

陳徐伯陽撰唐志有宋志無

吳少微集十卷

唐左臺御史吳少微撰唐志有宋無

閣中集十卷

南唐徐知諤撰文賦歌詩

古胸考略 卷之五

六

聶公真龕記一篇

何光遠撰

塵淨齋詩集

明歲貢知石埭縣陳嗣良撰

復山集

江之漭撰順治間遷撤海民盡移內地郁州亦在  
裁例之漭水流村人時為庠生率眾公請於漕督  
帥公顏保題准開復故以名集篇首有帥公序



莪蒿集一卷 雍正壬子至甲寅

半繭園集一卷 乾隆丙寅

玉峰旅藁一卷 乾隆戊辰稿 以上統名鷗汀詩鈔

鷗汀賦鈔一卷

贛榆孫斯位撰公字素行性至孝文思敏捷舉乾

隆丙辰第十三名孝廉官崇明縣教諭著述多散

佚茲據刊本錄之

歲寒軒詩集 以下倚寓

古胸考略 卷之五

七

吳季徵撰 季徵諱 臺山之陽 系出歙縣國初隱居胸西

補元遺山集年譜二卷

校禮堂文集四卷

負土集一卷

游燕集一卷

易蜩集一卷

以上俱凌仲子先生寓海州時撰

集賦



國朝

江之蒞雲臺山始末賦

復山集

覽皇輿於攝提兮辰吹箕尾之折木仰星分於淮西  
兮濤連淮泗之洪瀆顧大若之奔駭兮含日星以浴  
沐測三山之浪驚兮惟鵬擊與鯤翮鼓鯨波以振聾  
兮聞雷霆之設設窺較室之深鑿兮迺環碧水以挽  
軸鼇聳山鄣之可犁兮田肥美而易耜蜃幻樓臺之  
拂虞兮紀海勝而可翬環一峯之難躋兮突層霄以

古胸考略

卷之五

八

銳矗時蒼翠之榮低兮名青峯之馥郁雖迥異於紅  
墜兮差孤小而潛伏適淮浦謝耆之朝暎兮願輪奐  
以祝髮感天人之航梯兮靈木由鱗穴而轉麓百工  
子來而成蹊兮靈境環金碧以耀目不啻未央之壯  
麗而刻拚兮妥三元以誠淑惟大帝之煽化而執圭  
兮咸朝宗而嚴肅類彰瘴以赫濯群黎兮羌陟降於  
於穆丕神休與旒覲兮  
綸誥勅以鎮東隅覺皇之左峙而雲擠兮藏貝函於



金匱鈴鐸之突兀而一剗兮羽客望蒼梧以止宿樓  
觀滄海之赤禪兮凌天琛以轉轂恍變化之莫可稽  
兮賓若木而寅胸銜照擬暘谷之焚犀兮燭水怪而  
炎煜挹晴峯於爐鑿兮儼玉筍瑤蓼之離陸瞰幽壑  
於石隄兮若蝮螭之浮空而飲凍白雲嶺萃而逕迷  
兮須臾蒼狗之曰服孃晴嵐與吐霓兮長虹之掛空  
而影覆紅紫萋萋兮歷四時而崖覆鳴禽迭啼兮奏  
笙鏞於山谷簣雷之聳翠而奮稽兮振林皋而恐鶴

古胸考略

卷之五

九

碧澗之怒虬而浮鵝兮九龍縣斂織以噴澳崩崖之  
恍巨擘而封兮一線容光以朗昱觀烟霞於擘觀兮  
之重樓而聚族眇猿鶴於山棲兮雜清磬以調祝極  
騷客之留題兮冬青蔥而飛瀑時禪流之振詆兮偷  
浮生而留竹抑松棟雲扉之光霎兮誠元都之錫福  
方壺員嶠之宛駘兮洵海內之稱獨太華視若螭蟻  
兮崑崙一撮之可牧瀛海岑蹄兮星源之沆瀣而紛  
霖神宮之壯締兮清烝紫微之披馥山川柔荑兮日



觀朱陵之綺縠劫灰幾炷兮滄桑如輻銅鈿委藜兮  
勝跡瑤錄赤鸞蒼麈兮元風丕摭名賢遁畦兮芳留  
史牘瑣尾長嘶兮予獨效秦庭之哭會奏  
御批兮閭尾兩議於樞軸電掃鯨鯢兮濱海開復忽  
拜紫泥兮荒陬歸族哀鴻還定以相攜兮慶百堵之  
方築

聖明昌熾聚奎兮三多潛慶以鼓腹我賦山谿兮愧  
孔望之庸碌聊續寒蛩兮述雲臺之一掬

古胸考略

卷之五

十

孫斯位雲臺山賦

賦鈔汀

由吾道榮駐錫棲雲之巔冥游巨平之巔披靈茆以  
循古道倚巉巖而聽鳴泉兀然若無所營悄乎徑忘  
所適四象悟心幽人來告俄見望日樓上紫雲鬱鬱  
白玉為牀有一人醉枕紅蕤霞氣流光其一人風佩  
霞裾袖揮羽觴須臾響流雲際仙韻悠揚遂聞其辭  
曰靈瑣兮旋辭飛輪兮下之冠切雲之岌岌兮佩紫  
電之陸離藥三清以汗漫兮軒八景其風開道東溟



以周章兮息余駕乎雲臺指烟霞於海上兮浮玉巒  
其無垠日月蕩其精鬼兮接諸峰之一鬼潛九龍於  
幽澗兮跨虹橋於長空備二十四氣兮磴逶迤於青  
峰命神工與鬼斧兮修罕堵於戴村俄神工之已就  
兮勢轟轟於天門飛雲鳧之雙雙兮適逍遙以在茲  
踏雷雨之青冥兮鎮蛟螭之蠖蝼吾知石髓其非一  
峰兮迺藥苗之萬族凡未之不敢生兮余其攀瑤筍  
於幽谷浮景以極崇椒兮爛余憑乎玫瑰袖龍根而

古胸考略

卷之五

十一

劈麟脯兮藉余敷乎曼茅援北斗以酌金漿兮又何  
捲乎碧筒醉清光於天際兮騎紅日於海中揚虹電  
之竄其嬰蒂兮御黃雀之長風晻孔於玉軼兮展  
雲旗於豐隆後黃麒之從從兮翠鳳翼其承旂令萍  
翳為灑塵兮俟余駕乎翠微軒素虎以驟龍兮目瞻  
兩角而光芒翼翩翩其上翔兮日之晡余將行蕩蒼  
梧於一拳兮眇伊盧之艤船聽龍洞之淙泓兮誰步  
虛而安禪燦朱櫻於東磊兮石髮蔓於黃泥攀寶樹



於碧嶺兮掇陵岡之丹萸懸崖聳其對峙兮一線之  
穹蒼呼馮虺其令擊鼓兮出貝闕與龍堂余賣藥海  
之濱兮忽余遇夫秦皇遺赤鳥之一兩兮金壁其出  
之阜鄉瞬煙嵐之幻化兮拖海嶼以縈迴芳菲菲其  
襲余兮又紅蕤之競開揚紫鸞之啾啾兮停余驂其  
延停車不行而夷猶兮牽余情其何故花嫌春去之  
早兮零紅雨而淚東風孤獸走索群以嗥秋兮噫蟀  
將語此紫茸錯新縣之紛紜兮迺軒車之蠢動飄旌

古胸考略 卷之五

十二

幟於墟溝兮調良駟而控送惟阡隴之纍纍兮叢薜  
荔於烟蘿俯化迹於陰崖兮拱木其爛柯彼竇女之  
含冤兮我上帝其知之屈鄒衍於當路兮飛霜霰之  
迷離飲玉蘭之墜露兮擗梅樹之落英不吟玩其亦  
已兮望之子之杳茫耿匡壁之餘光兮孤月皎其未  
央來清風於于浦兮悵潮汐之蒼涼保厥美於遲暮  
兮知理美其未沫散橐金於州黨兮賢哉其來歸披  
懷夢之芊眠兮彌陵谷之青青抽芳心其亦瘁兮草



烏乎長生胡荃蕙之零落兮直同之乎蕭艾也懷清  
馨而亦朽兮莫秋風之害也壹陰而壹陽兮胡生死  
之俱未停餐日胎與月鷺兮詎有地之烏能霸吟楚  
楚之衣裳兮蜉蝣其如之朝槿山有石之磊磊兮將  
青蓮之來飲臺嵯峨而臨絕冥兮胡有身之可舍也  
心低徊而顧懷兮曰余不得其名之故也總余轡其  
仍留兮聊控景而容與望芝房而開雲閣兮白山靈  
使告予芙蓉隸以為裳兮華采衣之披披駕白鹿而

古胸考略

卷之五

十三

從青鸞兮車卒夸而桂旗翳繽紛其竝謁兮與余言  
乎紫虛曰匪魑魅之邪惑兮嗟塵世之多愚何所獨  
無香草兮余何薄乎海湄芳杜若於渚淑兮又文藻  
之葳蕤南鉢池之餘鈿兮啟金蟾於錦屏絕丹竈於  
欄頭兮東又距乎蓬嬴堅和神於紫翠兮余緯繡其  
難移夕歸次於縣圃兮朝濯髮乎咸池疇赤斧之姤  
修兮漱元和於日夜吾令鳳鳥其騰颺兮屯飄風而  
來御放紅鶴於鬱林兮潔石泉以濯纓苟發瓊笈於



岩巒兮愁芝草之不生遭余道於天台兮指碧沙以  
為期色濛濛其太古兮語流水以相隨生紅朮於黑  
壤兮黃猿領其白兒采瓊華以為佩兮空山闋其誰  
遺入洞而過天地兮溘飄然余上征望徐則於桃水  
兮跨石梁而揚靈猿裘瓊廡之精兮茹采花與紫腴  
口傳與紫臺之妙韞兮振金策以躡虛望扶桑之丹  
桴兮余薄言其祐之儲磷石與雲液兮胡不可以擷  
之田太白而左轉兮眺二仙於東陬象揚山朱雀兮

古胸考略

卷之五

十四

曰元武其金牛原夫坤軸之効靈兮迺構此於元造  
後將生三品於有唐兮放毫光於寶誥於此開琉璃  
之地道兮建日月之天宮朱閣中天而烟晃兮瓊臺  
雲竦以玲瓏八柱森森以翼櫺兮琪樹蔭鶴以傾虹  
胡紫薇與清虛兮穿全家於碧雲緬玉宇之非遙兮  
詎嶮天其未聞吼靈變於法起兮香馥馥其揚烟迺  
梵娛於桑門兮翳誰分乎四纏彼何世之民兮卧野  
壑之間雲纒蒼藤以為屋兮結白鶴以為群朝塞浦



之江蘼兮夕攬洲之青蘋知一峰之嶙峋兮修內美  
其無秋春粵三何之既湮兮望徐陵其愁予蓀獨美  
乎夫人兮紉搖珮以詔汝浮翠竊於後頂兮日倒座  
之陰崖鳥雪夜之翔空兮筠紺族之當階後有人其  
鵠立兮迺相空之在不空六入而湛圓兮石其生菩  
提之樹迺鳳城以北眺兮將一老其咒虎長鯨遨乎  
海之岬兮白磷磷以承宇攬余驂其低徊兮旬繡錯  
以繽紛恐嘉禾之遲暮兮嗟民生之多勤馳余乘於

古胸考略

卷之五

十五

閱風兮迺下之乎瑤圃余既滋琅菜之九畹兮又樹  
玉英之百畹孰黃龍之泊乎鷹遊兮復移楫乎朱崖  
恐海颺之竊發兮曳白玉而徘徊儵善澤以余迺兮  
雨冥冥而披青驄折珊瑚以為鞭兮披余駕乎朱宮  
固紫蘭以要之兮余稅乎瑤池奏琅璈以俟余兮孰  
云中情之可移紛猿狖其却走兮山靈歎以傲辭高  
霞孤舉以飛翔兮神光蕩其合離惟此海天山色兮  
其飛鳧以逍遙左右之青靄兮表裏乎紫霄孰云不



察汝之中情兮哲人豈不寤懷余情於九垓兮余焉  
能淹而羈此終古彼詭質與怪章兮惟汝靈其鎮之  
若夫象芳之繁植兮惟汝庇其蔭之聽孤鶴之寒嘯  
兮又遊鴻之遠吟騰八龍之蜿蜒兮飛白雲於故岑  
迺其辭將終醉者婆婆青光方曠拍板長歌曰我有  
萬古宅近在蓬萊峯昨於三代時來種東海松朝騎  
白龍過青天暮見滄海生桑田歌言未寂焱然高翊  
窮目蒼蒼翳然滅跡

古胸考略 卷之五

十六

方湄漁灣賦

雲臺山志  
并序

漁灣者予家別墅也居雲臺山塢中昔為漁人泊舟  
處故名予祖父始營是地為菟裘馬除僦芥葺廬舍  
安排泉石山之生面一開每春秋時遊履不少間予  
暇日輒偕友人浪作勝遊蓋不忘先子釣遊之意云  
爾因援筆而賦之其詞曰

緬沁水之名園當年已矣悵平泉之佳石此日誰居  
金谷華林徒傷心于茂草蘭亭梓澤總寄慨于邱墟



是則地匪人而莫重人閱世而遂殊繫彼崇山峻嶺  
勝地名區或塵埋于僻壤或湮沒于邊隅是以鹿柴  
茱萸得摩詰而都成佳麗愚溪鉅鈕非柳州而終就  
荒蕪維夫漁灣者郁州之一曲也峯徒蒼梧波連蓬  
島地軸孤懸天池瀨淼漂沙掣石鼓決漭之洪濤浴  
日浮槎幻仙靈而縹緲依依辟地結茆誰復邴原郁  
郁非烟采藥空思坡老認樓臺之紫氣蜃市偏多破  
車馬於蒼苔遊踪絕少冷烟孤嶼一竿垂漁父之綸

古胸考略

卷之五

十七

暮雨危檣五兩泊蜃人之棹而已無何滄桑欲變陵  
谷將遷五疊鼇愁精衛之冤沉頓洗三看水淺麻姑  
之塵起非元蠟屐支筇客向丹霞嶺上疏泉鑿石人  
家綠玉灣前洵乎有歸盤之樂而何惜夫買山之錢  
惟我王父於焉登陟鶯乃遷喬龜因食墨燒薤菑畬  
翦除荆棘背岩壑以棲遲踞林泉而釣弋既充魚雁  
之祖頗足雀猿之食不必雕甍繡闥矗十里而崢嶸  
何妨縮版誅茆甘數椽之逼仄柴門映高柳以飄騷



蘚壁嵌纖蘿而掩抑一庭月到井梧之新影層層十  
樹梅開紙閣之寒香默默提壺人至青鞋踏花雨以  
俱來學稼軒開綠野觀香畦而一色且未暇數夫澗  
谷之奇觀而先狀夫園林之佳植樹則老柏千尋枯  
杉十畝皮裂半皴腹僵全剖或獸攫而變賤或龍拏  
而蛟吼支離擁腫儼膠轄之虬螭斑駁輪困若陸離  
之蝌蚪石則脂疑五色秀可一拳雨潤霞蒸幾認媧  
皇之煉苔痕蘚跡還餘羸政之鞭虎自何年躍向將

古胸考略

卷之五

六

軍草畔牛從飲處恍逢織女機邊嶺頭則崎嶇何多  
仙子叱來陣陣澗底則嶙峋無限高人漱作漸漸若  
大岩名拜佛洞號朝陽歷三危之鳥道步九折之羊  
腸滾子河邊蜀客鳴榔而客與西山園畔樵人伐木  
以徜徉眺一桁之晴嵐畫裏黃癡倪嬾陟千尋之峭  
壁眼前牛鬼蛇王花鏡石前林篩碎月珍珠簾下茗  
煮生香則有泉似布懸崖如掌削為耕父之潛藏或  
鮫人所寄托建瓴百尺銀瀉高峯淨練千層珠噴絕



壑天晴而雨訝沾衣晝暑而涼疑墮籜灣灣曲水觴  
可同流細細清波纓堪共濯連漪澈底何殊印渚之  
觀景物怡人不亞濠梁之樂若乃春風醉客春雨愁  
人春山淡淡春水粼粼紅綬之挑堪礙帽青袍之草  
可承袖玉笛樓中共鶯聲而細嚼斑駁陌上映柳色  
以初新短牆開到薔薇翠袖柔荑香沆露野徑攢來  
石竹紅裙小袂錦堆茵盤馬之王孫繡鞵踏莎之遊  
女香輪戲鼓鞦韆既盈郊而雜沓玉蕭蠻管亦賽會

古胸考略

卷之五

十九

以紛陳及夫綠樹陰濃翠篠風細望朱櫻之紅綻萬  
顆星懸看碧沼之花香一簾風遞山齋寂靜絕無襜  
襪人來石徑陰森只聽淒清鶴唳蕉窓則揮塵而談  
松院可移床而憇更或西山送爽東壁餘暄白露蒼  
苔之渚碧雲黃葉之村紫岫烟霏烏桕全酣霜葉金  
颯月上黃花正遶蓬門斷續寒蛩偏吟石砌聯翩塞  
雁又下荒原倒村甕而酌殘醞醪送夕陽而吟遍黃  
昏至於日淡冰漸橙黃橘綠彤雲密布飛成六出之



花綃縠輕裁綴滿千林之玉坐深屋而靜擁薰爐檢  
殘編而高燒華燭溪頭獨釣若個烟蓑橋畔尋詩何  
來蹇足却寒何有田家之楮徂思垠愛日多佳農父  
之晴簷可曝更若幽坡踏去荒徑行來原頭誰氏之  
墳野棠自發巖畔何年之寺寒殿空開斷碣則全埋  
碧草陰廊則半歿青苔爰感時而念舊亦觸日以增  
哀僕也心耽邱壑癖染烟霞樂村居之清靜厭塵市  
之紛華不邀俗客自宿山家或閑敲夫棋子或沉醉  
古胸考略 卷之五 三

於園花滯墨魚吞時臨溪而洗硯清烟鶴避亦蒸火  
以烹茶攜手聯床良友同許月花課晴問雨村夫共  
話桑麻結山林之伴侶以筆札作生涯念海上之揚  
塵無幾感先人之手澤偏賒爰率成夫駢偶曾不計  
其疵瑕

集詩 州志已載者不重錄

梁

劉孝標過朐陽因登郁州山望海



滄溟聯霄岫層巔鬱嶺峒下盤鹽海底上轉靈鳥翼  
溟渺非可辨為溶信難測輕塵久弭飛驚浪終不息  
雲錦曜石嶼羅綾文冰色

唐

李白東海有孝婦

梁山感杞妻慟哭為之傾金石忽暫聞都由激深情  
東海有勇婦何慚蘇子卿學劍越處子超然若流星  
捐軀報夫讎萬死不顧生白刃耀素雪蒼天感精誠

古胸考略

卷之五

五

十步兩躡躍三呼一交兵斬首掉國門蹴踏五藏行  
豁此仇儷墳粲然大義明北海李使君飛章奏天庭  
捨罪警風俗流芳播滄瀛名在列女籍竹帛已先榮  
淳于免詔獄漢王為緹縈津妾一擢歌脫父於嚴刑  
十字若不肖不如一女英豫讓斬空衣有心竟無成  
要離殺慶忌壯夫所素輕妻子亦何辜焚之買虛聲  
豈如東海婦事立獨揚名

劉長卿送齊郎中赴海州



華省占星動孤城望日遙直廬收舊草行縣及新苗  
滄海天連水青山暮與朝問問幾家散應待下車招  
劉長卿宿懷仁縣寄東海荀處士

向雪斂微雨暗開湖上天離人正惆悵新月愁婵娟  
佇立白沙曲相思滄海邊浮雲自來去此意誰能傳  
一水不相見千峰隨客船寒塘起孤雁月色分藍田  
時復一回首憶君如眼前

長孫佐輔楚州鹽壩古墻望海

古胸考略 卷之五

三二

胸山壓海口永望開禪宮元氣遠相合太陽生其中  
豁然萬里餘獨為百川雄白波走雷電黑霧驚魚龍  
變化非一狀晴明分衆客烟開秦帝橋隱隱橫殘虹  
蓬島如眼前羽人那可逢偶聞真僧言甚與靜者同  
幽意頗相愜賞心殊未窮花間午時梵雲外春山鐘  
誰念遽成別自憐歸所從他時相憶處惆悵西南峯  
獨孤及早發龍苴館中寄東海李司倉鄭司戶  
沙禽相呼曙色分渙浦鳴榔十里聞正當春風渡楚



水 值遠道傷離羣渡頭却望後湖岸別處已隔東  
山雲停艫目送北歸翼惜無瑤華持贈君

崔銑海上雜言

天雞啼處海生潮東望蓬萊翠霧消  
裁貝高為雲外闕青龍盤作日邊橋

宋

蘇軾和陶淵明雜詩第十一首

我昔登胸山出日觀滄涼欲濟東  
海縣很無石橋梁

古胸考略 卷之五

三十三

今茲黎母國何異于公鄉  
蠓浦既黏山暑路亦飛霜  
所欣非自罔不怨道里長

蘇軾次韻孫職方蒼梧山

蒼梧奇事豈虛傳  
荒怪還須問子年  
遠托鼇頭轉滄海  
米依鵬背負青天  
或云靈境依賢者  
又恐神功亦偶然  
聞道新春恣遠覽  
羨君平地作飛仙

張耒登海州城樓

文潛宛邱集

城外滄溟日夜流  
城南山直對城樓  
溪田雨足未先



熟海樹風高葉易秋  
疏傳里閭詢故老  
秦皇車甲想東游  
客心不待傷千里  
檻外風煙盡是愁

蘇軾次韻孫巨源寄連水李盛二著作并以見寄五首

高才晚歲終難進  
勇退當年正急流  
不獨二疏為可慕  
他時當有景孫樓

南嶽諸劉豈易逢  
相望無復馬牛風  
山公雖見無多子  
社燕何須戀塞鴻

古胸考略 卷之五

五

漱石先生難可意  
齒毡校尉久無朋  
應知客路愁無奈  
故遣吟詩調李陵

雲雨休排神女車  
忠州老病畏人誇  
詩豪正直安仁在  
定看河陽滿縣花

膠西未到吾能說  
桑柘禾麻不見春  
不羨京塵騎馬客  
羨他淮月弄舟人

蘇軾送趙寺丞寄陳海州

景疏樓上喚蛾眉  
君到應先誦此詩  
若見孟公投轄



飲莫忘衝雪送君時

金

王寂送張希台出宰贛榆

拙軒集

耐久誰如故國山送君直過穆陵關一川魚鳥江淮  
近千里農桑海岱間老驥未甘塵土厄仙鳧宜向水  
雲間此行莫作三年別考最當隨紫詔還

元

賈伯良蒼梧晚渡

古胸考略

卷之五

三五

瀛海洋洋島嶼青沙頭候渡月將生操舟二老醉逾  
健放棹中流恬不驚顧我不須嗟道遠歸裝只欲待  
潮平會當鞭石城橋後來往晨昏各稱情  
明

謝廷諒登雲臺山賦寄海州刺史楊公

所在循良妙譽揚題輿曾識佩刀祥脂膏不為身謀  
潤清白流傳世德芳東海拔襟臨馬耳西川回首憶  
羊腸綏山綬綰挑分碧彭澤尊開菊正黃紫氣乍古



郊子國清風似引益公堂  
秦迎日出朝天子孔望雲  
移會谷王與觸乘桴興感歎  
歡從投轄且徜徉居人  
指點蓬壺路津吏逢迎島嶼  
傍叩寂口含千里霧凌  
虛氣應九鐘霜峻嶒石碣  
填精衛歷亂旌旗遶鳳皇  
滄溟錦披函旭絢翠綸繡  
舉扇風翔三元法駕毫光  
轉四照慈航慧澤洋八老  
褰裳朝托乘四童倚席夜  
焚香金牛頂上傳真訣玉  
馬峯頭望故鄉躑躅羈懷  
迷鴈浦踟躕樂土繫駒場  
鶯遷計日朝金闕鸞嘯何  
古胸考略 卷之五

二十六

年跨石梁

魯王贈雲臺一心上人

一自結茅住海峯不堪回首見塵踪  
浮雲撥盡清霄露夜半天心月正溶

蕭寺深藏大海東山暝晚磬度寒風  
逢僧為問禪機事祇說三生是夢中

掛錫結茅住翠微青天為幕雲為衣  
山僧祇解山中老一任紅塵下界飛



徐承武紅鶴林

如霞如錦影難尋古嶺爭傳紅鶴林却憶仙人乘得  
去迎風空有想清音

黃九章登雲臺山四首

六龍躡海轉峻嶒遙望天門捫歷登白鳥色分蒼樹  
抄元猿聲出碧雲層巨靈劈石岩疑墜大若驅濤地  
欲騰長嘯劃然風乍合圖南喚起九霄鵬

日光霞彩結層巒獨上飛樓縱大觀峯頂鶴鸞邀子

古胸考略

卷之五

晉雲頭雞犬過劉安十方鉦鼓空岩應三界宮祠香  
霧團我自折靈蕪覽勝不妨散髮且盤桓

此是靈源最上頭飛仙何處問金牛頻開卷畫三千  
界平湧芙蓉十二樓絳節霞翻迎鳳輦綵幢風引渡  
麟洲凭栏指顧烟霄外渺渺山河大地浮

祖龍刻石蔓莓苔千載淙淙澗壑哀築甬浪言通閩  
圃植松尚聽撼風雷參差琳宇仍香火十二金人委  
劫灰世界滄桑那可問海潮日夕去還來



黃九章金牛洞觀日出

初唱天雞海色昏  
須臾波面擁朝暎  
麗空星斗俄收  
拾射水嵐霞互吐吞  
北睇彤綃浮薊闕  
南看白練曳吳門  
始憐擾擾人間世  
日出風塵九陌翻

趙躍龍登雲臺山

雲臺宮觀據東山  
俯瞰東溟烟樹間  
鶴唳仙壇蒼柏  
老龍蟠古洞  
白雲間  
歸來故里心猶赤  
夢覺迷途鬢欲斑  
為愛清幽堪遣興  
年年結伴數緣攀

古胸考略 卷之五

三

楊應春孝婦祠

孝盡綱常重  
含冤志未伸  
貞心甘一死  
炎火早三春  
骨賁山川秀  
魂隨日月新  
古今稱竇氏  
青史不能湮  
杜梓登清風頂

天臨滄海澗路轉碧山斜  
浦迴寒浮雁林疏晚集鴉  
坐邀三島月行採十洲花  
不用乘槎去車書正一家

武尚行萬樹參天

詠雲臺山三十六景之一

山水鐘諸季森森萬木齊  
四郊青嶂合一帶綠雲迷



天遠諸峰隱林深亂鳥啼  
數椽誰卜宅樂道愛巖棲  
徐承武衆樂臺以上俱雲臺山志

結伴尋幽蹟同登衆樂臺  
松風隨客至花霧罩人來  
野草迷遊屐山雲入酒杯  
聯吟殊未倦得意幾忘回

何景明得王子衡贛榆書大復集

萬里一書劄逾年傳帝都  
竄身天地遠垂淚海雲孤  
柳送燕臺駿花留漢殿鳧  
亦霄終道路白髮且江湖  
卞有第登雲臺山

古胸考略 卷之五

三九

九龍橋已渡山勢益巍然  
碧殿雲標望丹梯樹杪懸  
梵花飄落雨仙吹韻鳴蟬  
振袂凌千仞乘風便欲僊  
國朝

孫斯位夏雨晚霽懷東海  
揚子瑾菴莪蒿集

風雨海上來瀟洒鳳城闕  
紅鶴林谷暝青龍礪雲渤  
蕭條孤興清空窗醒睡兀  
須臾花香至風聲晚來歇  
槐陰生夏涼流雲吐新月  
泠泠花露潔熠熠林光發  
白河望迢迢青山夜起忽  
高齋生遠心坐看曙星沒



孫斯位薄暮河干詠懷二十五首 錄二

徘徊望東海欲濟苦無梁碧水揚洪波雲濤振山岡  
嗟彼徐仙人自昔曾飛翔天台跨石橋千古正相望  
招搖措西北天氣降嚴霜寒風何凌厲獅巖草萎黃  
埋聲滄澗濱回顧慘愴涼

鵲鴿鳴海岸

壬子秋試金陵病歸舟中潮水消秋潯

孤帆亦已渡鬱洲曉陰陰容貌非昔好痛入二人心  
妻子暗自悲淚下濕衣衾烏鴉聲何厲晨皆鳴北林

古胸考略 卷之五

三

九九黃花節魚符若來臨九日絳囊空自佩壺公不  
可尋

覺羅普爾泰送郁州山人歸雲臺山二首

磊落當今士惟君迴出群昂藏懷壯略博雅著鴻文  
鳧嶧山頭月蒼梧嶺上雲何當經歲聚惆悵袂初分  
揚柳關河路臨歧送客歸慚余非主道羨爾重庭闈  
古驛留秋色青山趁落暉相期來歲約莫戀故園薇

凌廷堪雲臺山二十四景 錄七



塔影團圓

路入雲臺境團圓識古宮山光蒼樹外塔影白雲中  
九級功施普千秋享祀崇荒唐稽故實野語笑雷同

雲護天門

郁郁繞天門紛紛四望盈迷離濃復淡隱約散還縈  
偶識因風起還驚觸石生氤氳真異境坐此足怡情  
九澗爭流

萬壑瀉飛泉千山瀑布懸相看九澗水爭落一溪烟

古胸考略 卷之五

三

響與松聲和寒隨雨氣連石橋間憇息雲樹總茫然  
後頂觀潮

蒼茫連碧海極目望悠悠浪湧鼉鼉伏波翻日月浮  
奔騰吞遠嶼出沒亂虛舟試問逍遙客何如水上鷗

別峰挑霧

別有峰巒起桃花處處紅多情含曉霧有意炫春風  
點綴環青嶂依稀映碧空迎眸渾不辨疑在武陵中

東磊奇石



峻岫呈異態萬疊勢嵯峨不是鞭羊起非閑射虎訛  
雲生迷翠黛雨過洗青螺遙映松篁裏偏鏡別致多

仙橋霽雪

寒山初霽後積雪滿橋東凍合千峰路花開幾樹風  
詩吟驢背上景憶畫圖中更欲尋仙跡登臨興不窮

陳鵬年益州院

雍容群識上賓賢慘澹乘時氣節堅奴容二千仍助  
國姓名應並卧龍傳

古胸考略 卷之五

三十一

張鴻烈和海州李君夢水殿拋毬曲淮南詩鈔

花月揚州一旦休邗江不接汴宮流玉鈎斜畔沉香  
冷猶有書生夢打毬

幾處行宮待晉王淒清水殿戲鴛鴦瓊花一落毬場  
散歲歲野棠春草香

劉琨鳳凰城西春望

縱目城頭風日嘉濃香巾地綻天葩莫言草木無情  
甚猶解逢春一度花



孫讀蒼狼坡

南山草色半青黃古木陰深路已荒疑是此中多豹

隱土人誤指說蒼狼

張鴻烈佛郎機美沭陽胡侍郎璉戰功也淮南詩鈔

鯨波弗靖島寇亂華火器猛迅殺人如麻厥器何名  
佛郎機牙誰其殪之封豕長蛇胡公一怒令南風沙  
折馘授首如割鯨鯨奪具利器捷於鎔錫流傳中國  
機巧有如文臣不封至今嘆嗟

古胸考略 卷之五

江之蒞朝議開復雲臺六首後山集

三十年前夢錫環蒞三十年前曾夢三元大帝持金耳環中嵌寶珠旁圍八索

今天覺觀

天顏乾坤統握歸河伯乃所見碧水官嶽瀆分符靖海蠻

蕉鹿曾經臨玉宇恒沙快覩破迷關

九重指日絲綸賁笑指雲臺第一山

誤指衣環夢識圓庸知鼎鼐始回天蒞昔夢帝賜環為復海之北及今思之乃應朝議諸公姓緯如左銓諱爾都憲姓金冢宰諱珠中堂姓索益見輿廢有數



漆園自北鴻嗷息金縷誰占白壁還山斗咸臨依  
福王鹽梅力奏慶歸田南何別寓包胥意應悔文通  
詮未全

彈欽多年類轉蓬長安蕭鼓值天中祥開

紫禁欣逢旦瑞靄龍池快祝嵩遙憶黃華鳧影碧應  
期

丹詔鳳銜空帝鄉飄泊新豐遠慚愧推敲句未工

燕雲日望鎮山腰目斷鱗鴻道路遙盛暑欣瞻仙掌

古胸考略 卷之五

三

露愁心怕聽海門潮斗南紫氣千奎野海州乃奎冀

北萍踪愧黑貂風雨有懷愁不寐金臺何事夜吹簫

行旌一片拂雲斜快睹文星惠澤賒司馬回

朝敷湛露庭堅輔國識

重華無波應有鮫人貢哀鴈還期百堵加會奏瀛臺

邀

帝春蒼倍萬并拂桑麻

召星燦燦紫垣旁



聖主恩隆福海疆伊呂籌邊歌者定夔龍補衮嗣陶  
唐陽回澤國絃薰奏勒

賜雲山雨露香願進華封無以祝采薇天保化舒長  
常建極寄雲臺山僧十首

五百年來又閉關一瓶一鉢占雲山不知身在乾坤  
裏只覺名逃混沌間遠岫排空青段段暗泉通座閣  
潺潺春花未了秋花發閒看維摩到處攀

笑我風塵未即休絲絲殘雪漸盈頭難成今日還山

古胸考略 卷之五

三十五

計安作他年出世遊半嶺白雲蕭帝寺滿林黃葉贊  
公樓秋來下榻還能記卧聽松聲枕上流

宛轉花田間藥畦山光最好佛樓西古苔賦雨崇階  
沒灌水籠烟配殿齊塵信絕來春鴈斷禪機參破午  
雞啼駭人心目驚人耳龍吐鯨吞八九溪

羸形渾不稱烏紗只合耕雲復耨霞煨芋曾分山寺  
火釣鼈難覓海門槎草經寒燒全無綠梅過小春應  
有花見說蓬萊又清淺波濤堆裏足桑麻



涉世何須問險夷，鬢邊贏得素絲垂。  
難從丹井逢三雜，欲向祇林借一枝。  
暮雨纖纖紅葉徑，曉風冉冉白蓮池。  
枯禪生罷分吟處，應憶揚州在牧之。  
林深巖密畫冥冥，燈隱禪房數點青。  
狄子爭窺初熟果，僧雛補讀未完經。  
細刪說綠求源本，偶答機鋒見性靈。  
彌勒日來貪米汁，不教雙眼看人醒。  
山轟龍門自不同，天留一線與人通。  
屏開幾曲安羅月，香散雙林貝葉風。  
身世全歸縹緲際，樓臺半入有

古胸考略

卷之五

三十六

無中年來欲問扶桑事，又見麻姑到海東。

記得溪橋曳杖行，岩花野草向人馨。  
山紅十里垂櫻實，松碧千秋養茯苓。  
蚪蚪綠沈唐代碣，虬龍青剝宋時餅。  
興衰不例人間世，萬古天清與地寧。

大塊難禁暗裏銷，流光流水兩滔滔。  
百年有限少歡日，四海無端多怒濤。  
山接飛泉東磊勝，僧逢齊己貫休高。  
殷勤寄語岩樓客，一領荷衣勝錦袍。  
頭顱老人費安排，卜築牆東願未諧。  
詩墨求名醜一



戰醉鄉辭爵降三階時余因病止酒胡僧許借逃禪榻毛女  
應分拾翠崖從此翻身歸捧下毒龍降得那全乘

李震重登雲臺山有感二首

七年蚊負海東賓自別青山二十春每憶宦遊成夢  
境始知勝地待閒人雲鐘風磬仍仙梵貝葉曇花有  
宿日相遇老僧談往事不堪回首嘆風塵

三元宮殿氣霏微雲樹蒼茫對夕暉種竹已穿當日  
徑量松更長舊時園溪通活水源源發花落空林點

古胸考略 卷之五

三十七

點飛最是呢喃新燕子似曾相識語依稀

衛哲智憂民二首

春光無奈牧民何日向田間幾度過鵲面鳩形空有  
怨漁郎蠶婦杳無歌賤蠲已發

皇恩溥凍餒終因水患多安得禹功今復見耕桑到  
處斬蓬蘿

又值春寒可奈何送窮無計帶愁過遷喬未遂黃鸝  
意解凍翻成白雪歌有客晨炊薪桂少誰家晚膳米



珠多天心仁愛東風轉不斷遊絲附女蘿

崔應階雲臺山進香恭記

雲臺仙境勢凌空疊磴盤紆鳥道通朱闕迴臨三界  
外滄溟遙瀉一杯中蒼生願錫福如海膏澤光祈雨  
我公望時方雨潔進辦香酬  
帝德祇承敢不肅虔衷

崔應階登雲臺望日峯

峭壁峻嶒聳碧空白雲深處隱琳宮三元自昔鍾天

古胸考略 卷之五

三八

地百福而今錫叟童鶴馭遙飛滄溟外鯨波直射海  
門東偶來杖策閒遊眺不道登臨志更雄

崔應階晚渡黃河至海州 雲臺志

來往巡行不廢吟征裘猶怯曉寒侵帆收瀛海黃河  
盡黃河由北入海馬踏荒原白草深斜日已看沉遠戍望雲  
何處得為霖停車且就孤城宿移我情深一曲琴

王廷和壬寅初將之海州學任留別諸同學回

律 愛吾廬詩鈔



餅噉紅綾未許陪幸逢

雨露九天來燭條炮已成前夢芸帙熏還愧雅材

壽考獲覘薪想化早栖寧作稻梁媒迢迢鄒子城邊

路遙策東風踏落梅

羽畎飛翬識此邦幾程水驛涉淮江艣搖背指雲間

樹帆挂橫看海上艘擁坐纏寒仍故物登盤菜細憶

春窗從今側帽聯吟容孔望山頭別緒雙

文場掉鞅氣崢嶸彈指俄將二紀更屢上春官虛一

古胸考略 卷之五

三十九

第丑余庚辰辛巳壬辰辛丑禮闈俱薦未售且開講舍生諸生銜花似雀

懷

恩過喘月如牛怯遠行莫笑浮沉行頭屋好裁書帶

學康成

一絲攬鬢感雙丸去去鱸鄉擲釣竿敢詡文章鳴

盛治漫叻升斗廁閒官空囊擔我思偏涸瘦馬逢人

倒覺酸潑眼山園烟竹好殷勤儘與報平安

唐陶山夫子仲冕將赴英門舟中述海州風景



十二首 陶山詩鈔

入境難求水味甘黃茅白葦駕驂驛那知雉堞北山  
北却憶鶯花三月三雲氣忽然來海上風光全不似  
江南曼卿已作芙蓉主但賸峴岵石一龕曼卿判海州有芙蓉

司萬花  
巖故跡

下車三日上雲臺不為登臨疊嶂開紫府神君蟠島  
嶼綠章封事啟風雷黃公家碧晴烟散孝婦祠陰暮  
雨來小麥高田望霑足青伊湖已怨汙萊

古胸考略 卷之五

甲

恬風古渡白沙平峭壁飛泉尚有情薛拂唐碑師子

石鬱林觀有唐崖  
逸隸書摩崖雲封宋堞鳳凰城東海營故鳳凰城賈似道築

鯨波未靖曾裁海鼉極常安特建營欲訪秦東門刻  
處之果縹緲晚潮生

元虛作賦不言鹽府海由來厲禁嚴利奪牢盆齊國  
煮法施足趾楚人鉗池通方罫連天白垣起圓椒突

地尖物產無多民產贖最難調劑是問閻

景疏臺上舊懷清鼓篋譚經九席橫月旦有人推許



幼觀風得許生 風流他日繼匡衡 親裁甲乙三千牘

會闢東西一百楹 擬建者 莫怪天荒綠地 瓜五雲深

處即蓬瀛

絕漢斷港壅溝畦 半近山阿半礪谿 一畝官多無甲

第七施泉少有庚泥爰居門外風常壯 牡蠣牆頭日

易西不是催科全不用年年

蠲復養窮黎

聞道重湖水易瀦桑田六月地沮洳當乘未雨綢繆

古胸考略 卷之五 甲

早敢使無鳩勞來踈漢案戶疑還博望河 盛囊似困

龍苴般勤父老條宣洩勸我循行有故渠

寬柔為政歷三吳敢以威行懾海隅 駟馬門高無接

摺 于定國 黃能淵洞有荏符 多羽盜山 化梟何術為鶯集

佩劍終須見犢驅京兆莫欺纜 五日上官方奏持分

符

雨餘石罅水晶圓採掇從他不稅錢 偶下朱符徵鶴

戶 州產鶴 欲題墨榜揭魚船 仙禽豈受官徭役 水族



何容伍籍編多謝山樵獻山藥州屋何年來鬚鬢已

蒼然

馬疲東野想優游到此崎嶇未少休桑孔兼權州刺

史邾滕小會澤諸候訟庭那許清槐夏行縣難逢稔

麥秋轉憶送迎當赤緊看花選樹儘勾留

望海亭懸渡海帆官廨有望海棗花香入萬花巖三

更日射黃金榜五月寒生白紵衫偶寄南柯寧有夢

衙齋有槐二株初移小竹不須芟吾兄為葺新茅屋

古胸考略 卷之五 四十二

己報巢泥燕子銜

中河波淺漾輕艘信宿符簷旅店宿打麥聲中嘶小

騎轉蓬塵外度橫杠潮音已上琴三疊舟具曾無鶴

一雙路入淮陰風色利蒲帆半日到刊江

孫源潮癸亥新正雪霽行雲臺山道中口占

雲臺百里半空橫人指岷邊踏雪行後頂深藏前頂

現一峰秀拔象峰清雲臺山分前後頂環山兩鎮東

西路雲臺周圍百數十里山之東曰東路鎮山之西



守海重營南北城山之南曰南城為入山咽喉山之北曰北城為北海岸二城相距  
八十里東海祇此一鄉稱沃壤不愁潮退與潮生境  
營分兵駐之東南西南行下患水西鄉雖高阜地多沙石惟雲臺  
山中可稱沃土以象山環抱永無水患惟傍山只有  
兩鎮地狹而曰亦少吾為  
此鄉喜吾為州民憂矣

唐陶山夫子回任海州四首

彤庭謁後拜真除大府頻催敢息居新錫簪纓懸百  
琲重來旌旆擁單車白頭自笑遼東豕頰尾還憐海  
大魚害馬敗群權在牧持鞭僕僕羨樵漁時以相驗赴鄉

古胸考略

卷之五

四三

洪門飛雨挾潮回城向山屏百堞開渡口日斜窺石  
室樹頭風定認雲臺但餘故壘平章築那有新花學  
士裁多謝青衿與黃髮道旁齊揖使君來  
去年小試趙張風俗尚敦龐己新同秋入罽星愁涸  
鮒春生甕露集蜚鴻初營學舍烝髦士頻禮雩壇應  
上公見說昆蟲今不害孫洙自旨奏成功  
文史休驚駕鉄船每從周度佩章弦鐻絲在篋常懷  
友拔薤當門願事賢青嶂丹崖客我造曲臺淹壁有



人傳謂許循行恰遇秋郊雨蟋蟀聲中種麥天

凌廷堪登雲臺山 易峒集

千仞崔嵬峻莫板天邊濃結綠雲鬟泉懸絕壁垂寒  
練日浴洪濤轉大輶萬里風波回砥柱千秋巖嶂作  
重關團圓塔影浮雲外半插青霄半倚山

補遺袁枚赴贛榆鞠獄道出海州 小倉山房詩集

出郭輕裝一馬馱朔風寒月滿潮河怕聽前路烟村  
少喜說吾邦麥草多海氣作雲微慘澹天心釀雪強

古胸考略

卷之五

甲四

溫和此行為折于公獄暫別其如父老何



古胸考略第六卷

海州喬紹傳纂

金石考

秦

始皇胸山碑

史記始皇三十五年立石胸縣海上以為秦東門  
後漢郡國志劉昭補注引博物記縣東北海邊植  
石秦所立之東門又引地道記曰海中去岸百九  
十步有秦始皇碑長一丈八尺廣五尺厚八尺三

古胸考略

卷之六

一

寸一行十三字潮水至加其上三文去則三尺見  
也

鄭樵通志金石略海州有始皇胸山碑

漢

海廟碑

趙明誠金石錄漢東海相桓君海廟碑云惟永壽  
元年春正月有漢東海相桓君又云熹平元年夏  
四月東海相山陽滿君其餘文字完者尚多大略





記修飾祠宇事而其銘有云浩浩滄海百川之宗  
知其為海廟碑也

顧藹吉隸辨按碑永壽元年東海相桓君修飾殿  
宇部掾何俊等欲為鑄石桓君止之熹平元年後  
相滿君惜其功績不著乃為作頌立碑

洪适隸釋予官京口日將士往來朐山者云海廟  
一椽不存不復見此刻矣

通志金石略東海祠碑漢永壽元年立

古朐考略 卷之六

二

唐

大雲禪寺碑

通志金石略云唐李邕書在海州

東海鬱林觀巖壁記

開元七年崔逸撰

宋

東海鬱林觀碑銘

慶歷甲申州守祖無擇撰



鬱林觀石壁詩

熙寧 年州判石曼卿撰

適野亭碑記

隆興三年提督京東路水陸軍馬范榮撰

元

修海州廟學碑記

皇慶二年知州魏榮撰

明

古胸考略 卷之六

重修海州廟學碑記

天順元年學正吳儼撰

東海孝婦祠碑

成化乙酉舉人海州劉昭撰

修海州城隍廟碑記

宏治十五年州判林廷玉撰

東海孝婦祠碑

嘉靖六年州同李枝撰



重建旌忠廟碑記

嘉靖七年州同李枝撰

重修東海萬金坊石橋碑記

嘉靖八年蔡昂撰

孔望亭碑記

嘉靖二十二年工部員外郎淮陰倪潤撰

海州職官題名碑記

嘉靖二十三年州守王同撰

古胸考略 卷之六

四

重修海州薔薇河碑記

嘉靖二十四年淮陰李元撰

重建英烈祠碑銘

在東海島上祀漢孝婦

嘉靖二十五年州守王同撰

海州儒學貯書碑記

嘉靖二十六年州守王同撰

東海孝婦祠碑

嘉靖二十七年内史餘姚聞人德行書



海州尊經閣碑記

嘉靖二十九年工部員外郎淮陰倪潤撰

重修海州城碑記

嘉靖三十一年光祿寺卿贛掄裴天佑撰

重修海州學碑

隆慶六年知淮安府陳文燭

孔望山碑銘

隆慶六年沔陽陳文燭撰

古胸考略 卷之六

五

修海州新城碑

隆慶六年前進士知安邱縣海州張朝瑞撰

遊東海青峰頂碑記

萬曆十三年州守唐伯元撰

東海雲臺山三元廟碑

萬曆二十四年魯泰興王安宇壽鏞撰

東海雲臺山三元廟碑

萬曆二十四年張朝瑞撰



重修青峰頂大仙菴碑記

張朝瑞撰

海州純陽庵碑記

萬曆二十七年張朝瑞撰

海郡守滇南楊公去思碑

天啟辛酉福建按察司副使高登龍撰

勅賜護國三元廟碑

馮琦撰

古胸考略 卷之六

六

東海悟道庵碑記

黃宣泰撰

勅賜護國三元宮海寧禪寺碑記

崇禎四年張兆增撰

東巖碑銘

崇禎九年州守陳維恭撰

石佛寺銘

陳維恭撰



國朝

修海州蒲神廟碑

順治二年州守陳培基撰

重建文昌樓碑記

康熙六年州守畢秀撰

諸山瞻廟碑

州守畢秀撰

重建雲臺山青峰頂碑

古胸考略 卷之六

康熙十六年漕運總督帥顏保撰

雲臺山三元宮碑記

雲臺山觀音殿碑記

俱索額圖撰

索額圖帥公猶子也

觀音堂九嶺山膳田碑記

雍正己卯州守李震撰

雲臺山二十四景圖碑記

雍正丁巳金陵黃申瑾摹



東海法起寺碑記

乾隆元年李徧德撰

以上石刻

雲臺山漢鼎

張陵在雲臺山得仙作一鼎寫丹經埋於雲臺山

下山見梁虞荔鼎錄○列仙傳陵與諸弟子登雲臺  
要道弟子無敢視者惟趙升從上  
自擲正中挑樹得桃滿懷而止

王莽泉布

古胸考略

卷之六

八

嘉慶丁巳年龍苴鎮嵒家嶺農人掘得一方多有  
麋碎其存者布文曰大布黃千泉文曰大泉五十



古胸考略第七卷

海州喬紹傳纂

選舉考

進士

明洪武甲戌科 郇旃 沭陽人 戶部給事 鴻臚

正統己未科 王璟 海州人

戊辰科 謝環 海州人 貴州參政

天順癸丑科賜 陳昂 海州人

成化丙戌科 乙瑄 海州人 吏部主事 山西左參議

古胸考略 卷之七 一

乙未科 吳珍 沭陽人 御史

戊戌科 陳秉彝 沭陽人 忠州知州 貢興考 作成化辛丑科

甲辰科 匡翼之 贛榆人 苑馬寺卿

丁未科 張翼之 海州人 南道監察御史見兩淮鹽法志淮安府海州志俱未載疑即匡翼之而科分官階又異存以備考

宏治庚戌科 田祐 贛榆人 山西提學副使

乙丑科 胡璉 沭陽人 左都御史 戶部右侍郎

正德丁丑科 胡效才 沭陽人 璉之子 授監察御史 陞直隸真定府知府

辛巳科 仲選 沭陽人 副使



劉守良 贛榆人 工部郎中

嘉靖庚戌科 裴天祐 贛榆人 光祿寺卿

丙辰科 胡應嘉 沐陽人 建孫效忠子吏科給事崇祀鄉賢

乙丑科 匡鐸 贛榆人 兵部給事

隆慶戊辰科 張朝瑞 海州人 南鴻臚寺卿應天府府丞

辛未科 李禎 海州人 御史

萬曆甲辰科 丁自勸 海州人 山西路安府推官

朝國順治丙戌科 董瑄 贛榆人 庶吉士

古胸考略 卷之七 二

乙未科 胡簡敬 沐陽人 字又弓 吏部左侍郎

康熙庚戌科 倪長屏 贛榆人 知縣

乾隆乙未科 周萃元 贛榆人 山東平度州知州

庚子恩科 吳甸華 沐陽人 歙縣知縣

舉人

明洪武庚午科 李經 沐陽人

癸酉科 王規 海州人 參政

丙子科 馬節 海州人 教諭



建文己卯科 王春 贛榆人 祥符知縣  
徐敬 贛榆人 教諭

壬午科 呂開 沭陽人 訓導

吳豫 沭陽人 訓導

永樂戊子科 尹任 沭陽人 漢中府知府

王敬 沭陽人 訓導

陳九齡 贛榆人 教諭

辛卯科 陳康 沭陽人

古胸考略 卷之七

王琇 贛榆人 青州府知府

宣德丙午科 莊永 海州人 教諭

己酉科 艾敬 海州人

壬子科 夏環 海州人 教諭

乙卯科 逢鑑 海州人 教諭

正德戊午科 王璟 海州人 進士

辛酉科 丁泰 海州人 戶部主事 州志作丁泰

甲子科 謝環 海州人 進士



古胸考略 卷之七

四

景泰庚午科

李淳 沭陽人 教諭

孫芳 沭陽人 教諭

郭禎 海州人 建德知縣

于經 海州人 教諭

癸酉科

洪灝 海州人 學正

陳昂 海州人

丙子科

陸璟 海州人 訓導

張瑄 海州人 訓導

天順己卯科

乙瑄 海州人 進士 山西布政司參議

壬午科

李璉 海州人 江西清江縣尹見鹽法志淮安府海州志俱無

成化乙酉科

張鵬 沭陽人 雲南廣西府知府

王珠 海州人 光祿寺署正州志未錄

劉昭 海州人 廣平府清河縣知縣

印洪 海州人

戊子科

陳達 沭陽人 布政

甲午科

尚惟善 贛榆人



宏治壬子科 王賢 海州人 漢陽府推官

乙卯科 胡璉 沭陽人 進士

徐鑾 沭陽人 湖州府知府

正德丙子科 仲選 沭陽人 進士

胡效才 沭陽人 璉之子 進士

邵思忠 贛榆人 戶部主事

劉守良 贛榆人 進士

己卯科 胡效忠 沭陽人 璉之子 順天府治中

古胸考略 卷之七 五

嘉靖乙酉科 閻大祥 贛榆人 通判

庚子科 張文林 海州人 順天中士 山西岢嵐州知州

癸卯科 裴天祐 贛榆人 進士

丙午科 胡應徵 沭陽人 效忠子 經魁

乙酉科 賀爵 贛榆人 同知

閻恒懷 贛榆人 大祥子

壬子科 胡應嘉 沭陽人 效忠子 進士

辛酉科 張朝瑞 海州人 進士



閻恒悟 贛榆人 大祥子知縣

甲子科 董志毅 贛榆人 府同知

隆慶丁卯科 李楨 海州人 陝西慶陽官籍

萬歷丙子科 徐承武 海州人 山西太原府同知

崇禎庚午科 章鳴謙 沐陽人

癸酉科 葛維恒 沐陽人

壬午科 董憫 贛榆人

朝國順治乙酉科 張煜 贛榆人

古胸考略 卷之七 六

匡蘭兆 贛榆人

匡蘭馨 贛榆人

辛卯科 胡簡敬 沐陽人 進士

甲午科 唐 竑 贛榆人

康熙癸卯科 倪長屏 贛榆人 進士

乙卯科 劉開國 沐陽人 志以上見在安府

乾隆丙辰科 孫斯位 贛榆人

丁卯科 吳斯武 贛榆人



庚午科 顧需霄 贛榆人

癸酉科 周永生 沐陽人

乙酉科 栢池 贛榆人

辛卯科 吳甸華 沐陽人 順天中式

甲午科 周華元 贛榆人 順天中式

丁酉科 左占魁 沐陽人

癸卯科 董曾持 贛榆人 知縣

丙午科 楊鈺 海州人 休寧教訓

古胸考略 卷之七 七

庚申科 喬紹僑 海州人 以上據近科增

寄籍 附

凌廷堪 海州人 歙縣籍 乾隆戊申副榜 己酉舉

歲貢

李儀 洪武四年貢任兵科都給事中

薛堅 洪武七年貢任工部左侍郎

曹琰 洪武八年貢任順天宛平縣知縣

逢善 洪武九年貢任山東即墨縣知縣



周政	表廣	蘇欽	張矩	李亨	周義	姜謙	成正
洪武	洪武	洪武	洪武	洪武	洪武	洪武	洪武
年貢任金華府檢校	年貢任河南鄭州知州	年貢任建德縣知縣	年貢任湖廣郴州知州	年貢任後軍都督府經歷	年貢任國子監博士	年貢任福建布政司參議	年貢任九江府教授

古胸考略

卷之七

八

苗實	孫安	陳祥	李忠	唐著	趙巖	周秉	高岱
宣德	宣德	永樂	永樂	永樂	永樂	永樂	洪武
貢任江西新建縣知縣	貢任浙江慈谿縣知縣	貢任潯州府經歷	貢任襄府典簿	貢任真定府教授	貢任浙江錢塘縣知縣	貢任山西絳縣縣丞	年貢任桂陽州知州



馬春 宣德 貢任雲南姚安府知事

徐謙 宣德 貢任羽林衛經歷

王錫 宣德 貢任吉安府推官

陳敷 正統元年 貢任浙江布政司照磨

張旺 正統 貢任永清縣縣丞

王琳 正統 貢任陝西墊屋縣縣丞

孫祺 正統 貢任河南汝州判官

鹿棗 正統 貢任刑部檢校

古胸考略 卷之七 九

李恭 正統 貢任湖廣瀏陽縣縣丞

郎通 景泰元年 貢任浙江瑞安縣縣丞

谷秀 景泰 貢任浙江慶元縣縣丞

徐紀 天順二年 貢任湖廣按察司知事

成璿 天順 貢任浙江建德縣縣丞

孫蘭 天順 貢任鴻臚寺序班

許寧 天順 貢任兵馬司副指揮

翁珍 天順 貢任兗州府教授



劉禮 成化

貢任湖廣陰縣縣丞

孫讓 成化

貢任陝西按察司檢校

苗溥 成化

貢任直隸栢縣知縣

苗滋 成化

貢任浙江平湖縣縣丞

丁慶 宏治

元年貢任山東利津縣知縣

朱聰 宏治

貢任浙江長興縣知縣

周軒 宏治

貢任湖廣歸州州判

韓林 宏治

貢任湖廣靖州州同

古胸考略

卷之七

十

苗稷 正德

貢任安福縣縣丞

成俊 嘉靖

元年貢任感恩縣知縣

陸思義

貢任直隸良鄉縣知縣

曹忠

貢任泗水縣知縣

李岳

貢任直隸撫寧縣知縣

王瀾

貢任山東膠州州判

鄭岱

貢任河南阿迷州州同

楊棟

貢任國子監典簿



時一新 隆慶 年貢任廉州府同知

徐珮 萬曆 年貢任江西金谿縣縣丞

趙紹忠 貢任南安府教授

張文軫 貢任棗陽縣知縣

尹三接 貢任寧波府教授

杜一蛟 貢任池州府教授

陳所知 貢任袁州府教授

張一元 貢任撫州府通判

古胸考略

卷之七

十一

周士高 丁酉副榜萬曆貢任曲阜縣教諭

王肇元 天啟 貢任廣西梧州府道判

江期昌 天啟 貢任維摩州知州

陳四可 崇禎 貢任國子監助教

陳嗣良 崇禎 貢任池州府石埭縣訓導陞本縣知縣教諭主簿以下未錄

以上海州志所錄皆本州人

明駱世標萬曆間拔貢州志未載附錄於此

曹應顯 臨洪場人天順間貢



吉仕 臨洪場人貢年缺任鎮平縣教諭

朱伸 臨洪場人貢年缺任廣平肥鄉縣教諭

周溥 莞瀆場人貢年缺任山東即墨縣教諭

費棋 莞瀆場人貢年缺任四川夾江縣主簿

李景 莞瀆場人貢年缺任山東寧陽縣丞

耿克明 徐瀆場人永樂年貢任山東沂水縣仕至

謝璵 徐瀆場人正德十六年貢山東泰安州訓導

以上八人見明兩淮鹽法志錄之以補州志

古胸考略 卷之七 十三

之缺

國朝歲貢

武周敬 順治元年 恩貢

周崇旦 元年歲貢任長沙府推官

胡景賢 三元貢任廣西懷遠縣知縣

苗啟睿 戊子貢任靜海縣知縣

苗遇春 八年貢任湖廣石首縣丞署松滋縣事

以上五人見海州志



江能容 順治乙酉 思貢任江南銅陵縣教諭

胡啟睿 順治戊子 思貢任直隸靜海縣知縣

江之穎 期貴子 順治丙申貢任江南定遠縣教諭

揚日顯 康熙壬子貢

江之表 期貴次子 康熙甲寅貢

張拱樞 康熙己巳貢 江南懷遠縣訓導 未任

揚履階 康熙己丑貢

江懋言 康熙庚寅貢任江南霍山縣教諭

古胸考略

卷之七

江雲起 康熙辛卯貢任江南徐州府訓導

江頌 康熙甲午貢

武方錚 雍正甲辰貢

武方銘 乾隆丙辰 思貢

胡琨 乾隆庚申貢

揚瑜 乾隆癸亥貢任江南睢寧縣訓導

以上見吳恒宣雲臺山志

喬三變 板浦場人 順治壬辰歲貢任穎上縣教諭



宋 遴 板浦場人 順治壬辰歲貢 無錫縣訓導

宋 鳴雛 板浦場人 順治丁酉歲貢

李 之林 板浦場人 康熙壬寅歲貢

喬 瑋 板浦場人 康熙丙寅歲貢

駱 方遇 板浦場人 康熙癸巳 恩貢

喬 錕 板浦場人 康熙癸巳歲貢

駱 廷璉 板浦場人 康熙辛丑歲貢

喬 銓 板浦場人 雍正癸卯歲貢

古胸考略 卷之七 十四

周家奭 板浦場人 雍正甲辰歲貢

喬斯桂 中正場人 雍正乙卯拔貢 江西新淦縣丞

右十一人見監法志

乙志鴻 康熙丙戌歲貢

郭鳳階 康熙丁亥歲貢

江需起 康熙壬辰歲貢

喬 鏡 康熙乙未歲貢

李宗白 康熙丁酉歲貢



王 瑄 康熙戊戌歲貢

于昌符 康熙丙午歲貢

邵維新 康熙丁未歲貢

趙尊德 雍正己酉拔貢高淳縣教諭

楊 淞 雍正己酉歲貢

李宗鄴 雍正甲寅歲貢

程爾遠 雍正壬子歲貢

曹 衡 雍正甲寅歲貢

古胸考略

卷之七

孫 鎮 雍正乙卯歲貢

顏笈鸞 乾隆丙辰 恩貢

丁 恮 乾隆丁巳歲貢

周宗球 乾隆己未歲貢

楊敬存 乾隆辛酉拔貢

李朝選 乾隆癸亥歲貢

張 振 乾隆乙丑歲貢

萬 振 乾隆丙寅歲貢



王鳴珣 乾隆戊辰歲貢

陳太 乾隆己巳歲貢

王世榮 乾隆辛未 恩貢

田見龍 乾隆辛未歲貢

何永譽 乾隆壬申 恩貢

李繼芳 乾隆壬申歲貢太和縣訓導

陳遵路 乾隆癸酉拔貢繁昌縣教諭

杜珣 乾隆甲戌歲貢

古胸考略

卷之七

十六

孫蔚 乾隆乙亥歲貢

王鳴盛 乾隆丁丑歲貢

李馥芳 乾隆戊寅歲貢豐縣訓導

周錦 乾隆庚辰歲貢

劉裕善 乾隆辛巳 恩貢崇明縣教訓

楊連枝 乾隆癸未 恩貢

張文煥 乾隆癸未歲貢

張任遠 乾隆甲申歲貢



武禹航 乾隆乙酉拔貢

萬宏需 乾隆丙戌歲貢

喬斯樞 乾隆丁亥歲貢 亳州訓導

陳思文 乾隆己丑歲貢

陳疇 乾隆庚寅歲貢

錢劬世 乾隆壬辰 恩貢

單為宰 乾隆壬辰歲貢

張蘭芳 乾隆癸巳歲貢

古胸考略

卷之七

乙善繩 乾隆乙未歲貢

李普元 乾隆丁酉拔貢 廣西武緣縣知縣

胡永 乾隆丁酉歲貢

朱樂逸 乾隆戊戌歲貢

苗自芬 乾隆己亥歲貢

單繼昌 乾隆辛丑 恩貢

柴嘉猷 乾隆辛丑歲貢

喬 先君子 乾隆壬寅歲貢



張訪 乾隆甲辰歲貢

任達人 乾隆乙巳 恩貢

卜鳳鳴 乾隆乙巳歲貢

孫勁翮 乾隆丁未歲貢

喬其仁 乾隆戊申歲貢

黃勤裕 乾隆己酉拔貢

陳如椿 乾隆庚戌 恩貢

趙令德 乾隆庚戌歲貢

古胸考略 卷之七

周崇勳 乾隆辛亥歲貢

顏國瓚 乾隆癸丑歲貢

李秀儀 乾隆甲寅歲貢

李汝喬 嘉慶丙辰 恩貢

劉方新 嘉慶丙辰歲貢

顏忠 嘉慶丁巳歲貢

殷洙 嘉慶己未 恩貢

喬馨高 嘉慶己未歲貢



沈恩祥 嘉慶庚申歲貢

方 桀 嘉慶辛酉拔貢

苗自遜 嘉慶壬戌歲貢

張錫瑒 嘉慶癸亥歲貢

武科進士

王鳴鶴 登萬曆丙戌科 陳燮榜進士 仕至南京右

趙躍龍 登萬曆戊辰科 王名世榜進士 仕至廣東

表 鼎 崇禎壬午科 武解元 聯捷 癸未科進士 授

古胸考略 卷之七

武舉人

張四維 隆慶庚子科

殷仲春 萬曆癸酉丙子乙卯三科

王鳴鶴 萬曆壬午乙酉二科

趙從龍 萬曆乙酉科

杜一圻 萬曆戊子科

趙躍龍 萬曆丁酉科第一名

孔之龍 西海人中 萬曆甲午癸卯戊午三科 武舉 恩例選錦衣守備 年老食東海營千總俸



王啟韶 萬曆癸卯科

王錫印 萬曆癸卯科

楊廷春 萬曆丙午科

王鳴鶚 萬曆乙酉科

何嘉允 天啟甲子科

思綸考

明

神宗頒賜雲臺山海寧寺藏經勅諭

古胸考略

卷之七

干

皇帝勅諭海寧寺及僧象人等朕惟佛民之教俱在  
經典用以化導善類覺悟羣迷於護國佑民不為無  
助茲者 聖母慈聖宣文明肅皇太后命工刊印  
續入藏經四十一函並舊刻藏經六百三十七函通  
行頒布本寺爾等務須莊嚴持誦尊奉珍藏不計諸  
色人等故行褻玩致有遺失損壞特賜護持以重永  
久欽哉故諭

神宗御製頒降雲臺山藏經序



續入藏經四十一函起華嚴元談會元記至第一希  
有大功德經計四百一十篇此我 聖母慈聖宣  
文明肅皇太后所會刻也朕惟釋教東流經卷遞譯  
函帙繁富極矣我 聖母躬體聖善生撫昇平密  
契心乘力修聖果因復假筏迷津施航覺海續增茲  
典聿廣義宗德意甚盛載維津世出世厥用實殊然  
其立教以明心見性為宗以慈悲喜捨為用以嗔愛  
淫殺為戒以戒定禪寂為門大都使人破塵妄之迷

古胸考略

卷之七

三

以即妙圓之體惕罪報之由以修慈善之本悟未來  
之因以滅見在之孽此覺人濟物勝殘去殺之功於  
吾聖治不為無助故經謂莊嚴施捨周於沙界不若  
一經一偈流布之功然則 聖母慈命真可謂續

慧焰於昏衢普慈雲於陰界延祐宗社種福人天不  
可思議者矣若乃梁魏隋唐之主傾國寶以崇像飾  
瘠齊民以奉緇流殊戾釋氏本旨朕所不取亦非我

聖母流布是經之意是為序

以上見吳恒宣雲  
臺志萬曆三十年



又有續頒藏經勅諭  
海州志已載故不錄

奉

天承運

皇帝制曰以一州之治而上承郡守俾諸邑咸稟仰受成  
焉厥任亦甚重矣勞能茂著褒序宜先爾廣東廣州  
府連州知州時一新海邦敏秀賓貢蜚英別駕有聲  
專城是寄而能端廉約已平易近人薦牘升聞課在  
異等朕甚嘉之是用授爾階奉直大夫錫之誥命夫

古胸考略 卷之七

三

連州越在炎荒聲教易阻要以究宣德澤溉甿民生  
惟爾良有司是賴益毖初忱無替朕命欽哉

皇帝制曰有仕典方州以宣勞於政亦既稱埤遺矣倘非  
內助有賢又安能免入室之摧諷也爾廣東廣州府  
連州知州時一新妻周氏夙秉女貞作嬪良士克敦  
勤儉用佐庶平循聲著而懿範徵已茲特封爾為宜  
人益守規箴水光綸綍

皇帝制曰士有棲跡海壖而卒沾恩州牧從子貴然爾亦



食教忠之報焉非倖也爾時大化乃廣東廣州府連  
州知州時一新之父葆光弗耀篤行有聞敦孝友以  
刑家本詩書以淑後睦茲循良子績亦爾績也是為  
封爾為奉直大夫廣東廣州府連州知州義訓不昭  
慶源茂衍

皇帝制曰夫守令於民則親而人子無母何恃故課慈守  
必恤慈母所以體孝而觀忠也爾丁氏乃廣東廣州  
府連州知州時一新之母淑慎其儀惠和為德篤生

古胸考略 卷之七

三

哲嗣著績方州聖善之遺慶昭已茲將贈爾為宜人  
慕慰括捲寵光泉壤 見時氏家乘

隆慶 年 月 日

國朝

康熙十六年准奏復雲臺為內地

聖祖仁皇帝

宸翰書遙鎮洪流四字匾額賜三元宮

奉



天承運

皇帝制曰任使需才稱職志在官之美馳驅奏效報功膺  
錫類之仁爾喬振屏乃原任江西臨江府新淦縣縣  
丞喬斯桂之父雅尚素風長迎善氣弓冶克勤於庭  
訓箕裘丕裕夫家聲茲以覃恩貶贈爾為修職郎錫  
之勅命於戲肇顯揚之盛事國典非私酬燕翼之深  
情臣心彌勵

制曰奉職無愆懋著勤勞之績致身有自宜酬鞠育之

古胸考略

卷之七

三

恩爾原任江西臨江府新淦縣縣丞喬斯桂之母楊  
氏淑範宜家令儀昌後早相夫而教子俾移孝以作  
忠茲以覃恩貶贈爾為八品孺人於戲賁象服之端  
嚴誕膺鉅典錫龍章之渙汗水播徽音

乾隆十六年十一月二十五日  
奉

天承運

皇帝制曰任使需才稱職志在官之美馳驅奏效報功膺



錫類之仁爾生員李企徵乃江蘇徐州府豐縣訓導  
李馥芳之父雅尚素風長迎善氣弓冶克勤於庭訓  
箕裘丕裕夫家聲茲以覃恩肥贈爾為修職佐郎江  
蘇徐州府豐縣訓導錫之勅命於戲肇顯揚之盛事  
國典非私酬燕翼之深情臣心彌勵

制曰劄勅奏績膺寵命於朝庭渙汗敷恩闡幽光於母  
氏爾陸氏乃江蘇徐州府豐縣訓導李馥芳之前母  
懿儀不忒慈範彌昭諧早歲之侶隨啟後人之昌大

古胸孝略

卷之七

二十五

慈以覃恩肥贈爾為八品孺人於戲播芳型於彤管  
有命自天貢嘉寵於黃壚永綏厥祚

制曰奉職無愆懋著勤勞之績致身有自宜酬鞠育之  
思爾徐氏乃江蘇徐州府豐縣訓導李馥芳之母淑  
範宜家令儀昌後早相夫而教子俾移孝以作忠茲  
以覃恩馳贈爾為八品孺人於戲賁象服之端嚴誕  
膺鉅典錫龍章之渙汗永播徽音

制曰佐庶司之經理爰獎通才勸百爾之孝思用彰慈



教爾董氏乃江蘇徐州府豐縣訓導李馥芳之繼母  
德可型家思能育子顧復無殊於所出榮光遠逮於  
乃身茲以覃思貤贈爾為八品孺人於戲師賢母之  
風勵茲清白沛熙朝之命垂此徽音

乾隆四十四年正月初一日



古胸考略第八卷

海州喬紹傳纂

大事考

秦二世元年陳涉初立時陵人秦嘉等皆特起將兵  
圍東海正義曰今海州也史記陳涉世家

漢更始二年東海人董憲起兵據其郡注東海郡名今海州縣

劉永遣使拜憲翼漢大將軍更始亡永遂自立憲亦  
為海西王建武立年八月光武使大司馬吳漢攻憲  
憲與龐萌走保胸吳漢進圍胸明年城中穀盡憲萌

古胸考略 卷之八

一

潛出襲取贛榆琅琊太守陳俊攻之憲萌走澤會中  
吳漢下胸城憲盡獲其妻子憲乃流涕謝其將士曰  
妻子皆已得矣嗟乎久苦諸卿乃將數十騎夜去欲  
從間道歸降而吳漢校尉韓湛追斬憲於方輿傳首  
洛陽封湛為列侯後漢書龐萌傳

晉隆安五年孫恩北寇廣陵陷乃浮海而北劉裕與  
劉敬并軍躡之於郁洲累戰恩復大敗晉書孫恩傳  
孫恩率衆入寇尋知劉牢之已還朝廷有備遂走向



鬱洲八月以高祖為建武將軍下邳太守領水軍追  
思至鬱洲復大破思思南走 宋書高祖記

蕭道成既僭號高祖詔梁郡王嘉討之又遣平南將  
軍郎大檀等三將出朐城梁郡王嘉破道成戍將盧  
紹之元元度於朐山下蔡戍主棄城遁走 魏書

梁天監四年裴邃克朐山城尋陷其時朐山為重鎮  
五年六月庚子青冀二州刺史桓和前軍克朐山城  
梁書十年魏書云魏永定朐山人郡民王萬壽殺琅  
本紀四年春三月

古朐考略 卷之八

二

瑯太守 魏書 衍輔國將軍琅瑯東劉晰 梁書 以城降  
魏 魏書 並將士 詔假馬仙婢節討之魏徐州刺史盧

昶以衆十餘萬赴馬仙婢累戰破之昶遁走仙婢縱  
兵乘之魏衆免者十一二收其兵糧牛馬器械不可  
勝數振旅還京師 通典

梁天監九年康絢假節督北兗州緣淮諸軍事朐山  
亡徒以城降魏絢馳遣司馬霍奉伯分軍據險魏軍  
至不得越朐城明年青州刺史張稷為土人徐道角



所殺絢又遣司馬茅榮伯討平之 梁書康絢傳

魏盧昶遣兼郟城戍副張天惠率衆赴援而行郁洲已遣二軍以拒天惠天惠與萬壽等內外齊擊斬俘數百昶仍遣琅琊戍主傅文驥入城據守衍又遣將張稷馬仙琕等攻圍文驥詔昶率衆赴之而文驥以糧盡降衍遂失利而還延昌二年二月郁洲徐元明斬送衍鎮北將軍青冀二州刺史張稷首以州內附魏書

古胸考略 卷之八 三

陳宣帝太建五年北伐九年破周將梁士彥復胸山通典

隋煬帝大業九年九月東海人彭孝才舉兵為盜衆數萬十一年十一月東海賊帥李子通擁衆渡淮自號楚王建元明政寇江都十二年二月東海賊盧公暹率衆萬餘保于蒼山 山在沂郟之間 又見宋史魏勝傳 九月東海人杜伏威等兵起有衆數萬石禦衛將軍陳稜擊破之十三年正月杜伏威率衆渡淮攻陷歷陽郡 隋書煬帝紀



煬帝大業十三年南遊江都天下盜起臧君相據海州唐高祖武德四年六月己卯臧君相降唐書高祖紀

武德六年公拓既僭位遣徐紹宗侵海州唐書輔公拓傳

德中建中二年八月辛卯平盧節度使李正己率其

子納自稱留後十一月甲申納將王涉以海州降本紀

憲宗時藩鎮專恣李師道自領沂海等處帝將討之

出李聽為楚州刺史聽李晟子淮南兵綿弱郟人素

易之聽日整勒士皆奮即掩賊不虞趨漣水破沭陽

古胸考略 卷之八 四

絕龍沮堰遂取海州攻胸山降之懷仁東海兩城望

風迭款李聽傳

元和十三年李師道遣使獻沂海密三州昭宗乾寧

四年二月朱全忠陷海州

光化三年秋七月海州伐將陳漢賓請降於吳王楊

行密海州朱全忠所轄淮海游弈使張訓以漢賓心未可知

與漣水防遏使王綰將兵二千直取海州據其城遂

取海州吳王以臺濛為刺史綰為副使九月淄青節



度使王師範以沂密內叛乞師於吳吳遣海州刺史  
臺濛等將兵助之拔密州歸于師範

睿帝本記太和二年二月唐改元長興八月己亥海  
州都指揮使王傳拯叛降唐團練使陳宣死之先是  
傳拯有威名得士心會宣罷歸徐知誥許以傳拯代  
之既而復遣宣還海州徵傳拯還江都傳拯怒以為  
宣實毀之遂帥麾下入辭因斬宣焚掠城郭帥其衆  
五千出奔唐漣水制置使王巖將兵入海州遂以威

古胸考略 卷之八

五

衛大將軍知海州事 以上吳春秋

周世宗顯德五年正月周師取海州 宋史盧懷忠傳  
顯德中監兗州

軍以所部取  
海州功居多

宋徽宗宣和三年二月淮南盜宋江犯海州命知州

張叔夜招降之 宋史本紀

高宗紹興元年六月乙丑邵青犯江陰軍之福山軍

遣海州鎮撫使李進彥中軍統制耿進率州師會劉

光世討之



按劉豫傳是年十一月遣偽奉鳳帥郭振入寇王  
彥閔師古敗之偽知海州薛安靖及通判李彙以  
州歸降

十年閏六月韓世忠遣統制王權王勝攻金海州執  
其守王山己亥金人救海州王權等逆戰敗之復懷  
仁縣秋七月庚戌曲赦海州

十一年五月丁未遣張俊岳飛於楚州巡視邊防六  
月癸未俊飛至楚州俊以海州城不可守毀之遷其

古胸考略

卷之八

六

民統韓世忠軍還鎮江

三十一年八月辛丑忠義人魏勝復海州李寶承制  
以勝知軍事冬十月庚子魏勝攻沂江敗還海州金  
人圍之李寶以舟師至東海縣金人解圍去寶遂入  
海州以上宋史本紀

三十二年春閏二月宋將王剛敗金人於海州未幾  
金人復圍海州五月辛亥鎮江都統制張子蓋救海  
州宋史高亟趨漣水取便道以進次石湫堰金人陳



萬騎於河東子蓋率精銳數十騎擊之謂麾下曰彼  
衆我寡利在速戰遣統制張圮畧陣圮中流矢子蓋  
曰事急矣奮臂大呼馳入陣諸將繼之殊死戰賊大  
敗擁溺在湫河死者半圍遂解金人復整軍來戰子  
蓋再率精銳擊之獲其車馬鎧仗萬計見宋史本傳  
理宗寶祐二年春三月甲午城東海賈似道以圍來  
上宋史本紀

寧宗嘉定十二年金濰州人李全兵起未幾全并揚

古胸考略 卷之八

七

安兒之衆與金山東行省完顏寔戰敗收餘衆保東  
海時江淮割置李珣知楚州應純之等命定遠大俠  
季先與楚州都監高忠皎等各集忠義民兵分二道  
攻金先遂以李全五千人附忠皎合兵攻寇海州糧  
援不繼退屯東海嘉定十一年五月己丑全軍至連  
水六月圍海州城金經略阿不罕納不剌等固守不  
下七月合鄆單邳徐兵來援全與戰於高橋不勝退  
守石湫十二年六月全說金元帥張林以青莒海密



等十二州歸宋八月復海州寶慶元年全叛宋據之  
二年元兵攻圍一年三年四月全降元紹定元年六  
月全試舟射陽湖七月使其將鄭衍德提兵三萬如  
海州乙未全大閱戰艦於海洋九月歸海州治舟益  
急驅其齒人習水三年八月宋帝遣沿江制置使趙  
善湘及安撫提刑趙范趙葵等討全全攻宋揚州兵  
敗見殺子壇襲為益都行省仍專其地宋史李全傳  
景定十三年三月詔升海州東海縣為東海軍宋史本紀

古胸考略

卷之八

八

金熙宗天眷三年宋人乘間陷海州金史赤蓋暉傳

海陵王正隆五年三月辛巳東海縣民張旺徐元等  
作亂遣都水監徐文步軍指揮使張宏信同知大興  
尹事李惟忠宿直將軍蕭阿窳率舟師九百浮海討  
之先是縣人房真等三人走海州及總管府上變府  
州皆遣使効隨真等詣東海觀賊形勢皆為賊所害  
州府合兵攻之累月不下六月文等至東海與賊戰  
敗之斬首五千餘級獲徐張餘衆請降七月詔東海



縣徐元張旺註誤者並釋之

章宗泰和六年七月宋商榮復攻東海縣令完顏下僧復敗之

宣宗與定元年七月宋人襲破東海縣及土寇攻海州經略使擊破其衆八月海州經略司表官軍與宋人戰石湫南宋兵敗績壬戌海州經略使阿不罕奴失剌敗宋人於其境提控李元與宋人戰屢捷多所俘獲十二月海州經略使報提控韓壁敗宋人於監

古胸考略 卷之八

九

倉二年二月海州經略使敗宋兵於胸山表請繼其軍儲督東平帥府發兵護送資糧以應之九月議遷海州侯摯言不便乃止

四年三月紅襖賊于忙兒襲據海州經略使完顏陳兒以兵擊敗忙兒復取之 以上見金史

元憲宗三年三月攻海州戍將王國昌逆戰於城下敗之獲都統一人

七年命李壇歸取連海數州壇遂發兵攻拔連水相



連四城世祖即位加壇江淮人都督壇上言臣自立海州今八載請令諸軍合兵攻揚楚以定兩淮而取江南此上策也詔褒賞之 見壇本傳

癸丑年李壇城胸山 見元史商挺傳

世祖中統三年二月李壇反以連海三城獻於宋盡殺蒙古戍軍引麾下趨益都前宣撫副使王磐脫身行在請帝討之七月壇伏誅九月詔益都行省大都督撒吉思與董文炳會議兵民籍每十戶惟取其二

古胸考略 卷之八

十

充武衛軍其海州東海移入益都者亦隸本衛至元二十一年十月定連海等處屯田法二十九年六月以海寧改隸淮安路

至元十二年正月樞密院臣言宋邊郡如連海等處皆阻兵自守宜降璽書招諭從之六月以連海新附丁順等括船千艘送淮東都元帥府

十三年三月丁安撫等來降選五州丁壯四千人守海州東海是歲連海以水旱缺食賑軍民站戶米鈔



十五年海州贛榆縣以雹傷稼免年田租  
十九年九月平章政事游顯乞罷海州屯田以其事  
隸管民官從其請

文宗天歷二年秋以海寧州去年水免今年田租至  
順二年正月賜武寧王徹徹禿金百兩銀五百兩以  
淮安路之海寧州為其食邑

寧宗即位元年十一月賜郟王徹徹禿以海寧州胸  
山贛榆沭陽三縣

古胸考略 卷之八

十一

順帝至正二十六年夏四月明兵取淮安路  
史以上元



古胸考略第九卷

海州喬紹傳纂

忠義考

宋

張玘字伯玉河南澠池人紹興三十二年為御前宿衛前軍都統屯泗州時金人次海州急詔玘會鎮江都統制張子蓋赴之賊環城數十匝矢石如雨玘戰於州北三里麾精騎衝其陣手殺數十人殲其長殺獲萬計海州圍解玘中流矢卒子蓋上其功特贈正

古胸考略

卷之九

一

任觀察使官其後九人廟號忠勇孝宗即位又命祠於戰所贈清遠軍承宣使

宋史

明

何洲海州人不知仕何官與宋和郭節友善素以忠義相勗靖難後遂相約棄官為筮人客死異域竟莫識其姓名王詔合和節洲而系之贊曰箕子陳範嚴氏隱卜義有從否道有宜告烈烈英賢寥寥冥鵠

鄭曉吾學編



鄭端簡公云松陽王詔游治平寺觀轉藏聞藏上  
嚙嚙有聲異之令人緣藏登絕頂無所見見書一  
卷載建文時出亡臣僚二十餘人紙毀字爛不可  
讀讀數日祇得何洲宋和郭節等九人可識詔憐  
其忠又得之異各贊數語題曰忠賢奇秘錄  
海州志云丁亥洲訪帝於粵西至連州復偕郭節  
入蜀不值乙卯秋洲鬻書於桂林市遇程濟濟引  
見帝相持慟哭勸帝南還尋病卒年七十三

古胸考略

卷之九

二

周恕海州人與何州同為中官素以忠義相勗建文  
初燕世子來朝恕請留之帝不可未幾兵起帝海不  
周恕言壬午六月帝遜去至神樂觀恕約洲追侍焉  
帝命散云各變姓名走湖湘間恕憂病死蕭寺海州志  
劉文炳海州人在烈帝生母劉太后姪也崇禎十七  
年都城戒嚴詔文炳及弟文耀入衛時李邦華請太  
子南遷不及事急上召文炳及駙馬都尉鞏永固  
使獲行文炳叩頭言外戚親臣不藏甲臣等徒手要



能獲皇上搏賊皆相嚮而哭既而城陷文炳文耀闔門死

毛西河文集

彭思仁海州人夙稱義俠天啟壬戌西鎮民以白蓮教相倡惑思仁統率哨總朱仕等捕之民賴以安州上其事錫以冠帶

王友直字益吾海州人為州掾時多善行精周易卜筮之法明末賊臨城繼母忘日義不忍去遂罵賊死後樵人遊青龍絕巘每見其策杖賦詩焉子之翰廩

古胸考略

卷之九

三

生

袁鼎海州人崇禎壬午武闈第一癸未進士授江西遊擊明季領兵守金華不屈節而死

周日健高拱奎皆海州諸生也崇禎壬午冬賊臨城拱奎守父柩日健守老母不去賊執二子索金帛不得皆罵賊而死

孝行考

元



孫通海州孫家山人母喪貧不能葬通號泣呼天錢  
擁戶外取以葬母餘悉歸官官旌其門 顧乾雲臺志

明

張天爵東海所千戶與同時大義村伏化徐瀆場張  
桂俱親歿各廬墓三年 吳恒宣雲臺志

徐謚海州人歷任北府軍右衛經歷父母歿廬墓三  
年有白鹿來馴州上其事宏治三年旌表

乙方海州人左參議瑄之父也方父仲名患疽危甚

古胸考略 卷之九

四

方吮之立愈人稱孝感

潘紹菟瀆人事寡母至孝宏治十七年有司具奏旌

其母給紹冠帶 鹽法志

丁澄海州人西海所百戶母疾割股以啖立愈後受  
旌表

周維熊海州人以太學生授鴻臚序班遷長沙府尹  
母疾維熊與妻鄭不謀而同焚香割股以奉母立愈  
後受旌表



劉琰海州人父光祖與母相繼亡琰廬于墓遂卒年甫二旬

王錫璋海州生員割股治祖啟韶病延壽十年受旌表

苗其穎海州廩生母病割股以療遂愈州守予額曰孝念最真

陸國光海州廩生母病割股搥痊後蒙旌獎  
李三策海州人父病割股療愈後蒙旌表

古胸考略

卷之九

五

胡舊漢東海人母病時舊漢年十八焚香告天連割肝二葉母食之即愈後蒙旌表

雲臺志作白漢

張應時海州人割左股療父病右股療母病皆愈以上參海州志

劉思閔中村人與東海相儀皆母病割股

吳恒宣雲臺志

國朝

江鍾琬南城人庠生父母歿廬墓三年  
趙有慶大村人庠生父母歿廬墓終生

吳氏雲台志



劉加年海州新興疇人竈籍雖目不識一丁而性至孝每日采薪入市賣之必市餅餌等食物數枚歸奉親遇有甘旨必俟親啖餘然後食終身無倦乾隆乙巳十月十一日卒鄰里傳其卒時自言為某地神以事涉荒怪未敢錄而孝行則真實不誣

獨行考

晉

閻德東海人唐彬嘗受學門徒甚多獨目彬有廊廟

古胸考略

卷之九

六

才及彬官而德已卒乃為之立碑

晉書唐彬傳

繆施東海人以時譽選入著作撰集魏書

晉書傳元

南齊

徐生之東海人五世同居建元三年大使巡行天下

奏之詔表門閭蠲稅租

南齊書

宋

徐庸字叔平海州人深研易理皇祐初選周易蘊凡例一卷周易變卦解二卷以矯漢魏諸儒之失



黃巖字一峯海州人隱居不仕結廬於雲隴之中與  
蔡仲許清友善二人乘暇問曰夫子終日何為嘆曰  
野鶴卧雲耳年九十無疾而終

段興海州人正統六年大饑納粟一千石助賑奉勅  
旌表又有李榮納粟一千石李明善納粟五百石  
張昶字文顯海州湖西灣人由生員援例冠帶其父  
通嘗貸數百金於人焚券不責償昶好施與如其父  
嘉靖甲辰州大饑昶以所積賑隣近居民全活甚衆

古胸考略

卷之九

七

親友生養死葬之無力者咸賙之子朝瑞見名獻考  
江之淵海州東海諸生也值明季甲申後隱居深山  
足不履城市以介節終

陳秉常海州諸生也明季州境屢遭兵燹積骸遍野  
秉常施義地掩埋者年餘而竣

國朝

汪時雨海州人歙縣籍順治五年海州亢旱漕糧難  
完時雨蠲銀五百代納州憲給額旌獎

見海州志



喬火海州板浦場人時未分中國初歲荒出粟數百斛賑饑又喬土州增生以厚德重於鄉舉鄉飲大賓見鹽法志守義類

揚爐板浦人素性淳良持躬謙厚壽近百歲兩舉賓筵

宋視板浦人鄉飲賓持躬敬慎教子以義方

徐萬板浦人素心溫良宅心純厚

喬文華板浦人增生謙卑遜順有古君子風壽近百

古胸考略

卷之九

八

歲

駱士俊板浦人增生居鄉謹厚壽近百齡

丁應正板浦人飭躬享謹制行端疑兩舉鄉飲壽登八十以上六人見鹽法志篤行類

僑寓考

後漢

包咸字子良會稽曲阿人少為諸生受業長安師事博士右師細君習魯詩論語王莽末去歸鄉里於東



海界為赤眉賊所得拘十餘日咸晨夜誦經自若賊異而遣之因住東海立精舍講授光武即位乃歸鄉里建武中入授皇太子論語即明帝也後官至大鴻臚有論語章句行世 後漢書

邴原字根矩北海朱虛人少與管寧俱以操尚稱州府辟命皆不就黃巾起原將家屬入海住鬱洲山中時孔融為北海相舉原有道原以黃巾方盛遂至遼東住僅一年往歸原居者數百家游學之士教授之

古胸考略

卷之九

九

聲不絕後得後曹公辟為司空掾徙署丞相徵事遷五官將長史曹公征吳原從行卒 魏志

南齊

明僧紹字承烈平原南人也祖玩州治中父略給事中僧紹宋元嘉中再舉秀才明經有儒術承光中鎮北府辟功曹並不就隱長廣郡嶗山聚徒立學淮北入魏乃南渡江明帝泰始六年徵通直郎不就昇明中太祖為太傅教辟僧紹及顧歡臧榮緒以旂幣之



禮徵為記室參軍不至僧紹弟慶符為青州僧紹乏糧食隨慶符之鬱洲住弁榆山栖雲精舍欣玩水石竟不一入州城建元元年冬紹曰朕側席思士戴懷塵外齊郡明僧紹標志高栖耽情墳素幽貞之操宜加賁飾徵為正員外郎稱病不就其後與崔思祖書曰明居士操意可重吾前旨竟未達邪小涼欲有講事卿可至彼且述吾意令與慶符俱歸又曰不食周粟而食周薇古猶發議在今寧得息談邪聊以為笑

古胸考略

卷之九

十

慶符罷任僧紹隨歸住江乘攝山太祖謂慶符曰卿兄高尚其事亦堯之外臣朕雖不相接有時通夢遺僧紹竹根如意筍箠冠僧紹聞沙門釋僧遠風德往候定林寺太祖欲出寺見之僧遠問僧紹曰天子若來居士若為相對僧紹曰山藪之人正當鑿坏以通若辭不獲命便當依戴公故事耳永明元年世祖勅召僧紹稱疾不肯見詔徵國子博士不就卒

南齊書

封延伯字仲璉渤海人也有學行不與世人交事寡



嫂甚謹州辟主簿舉秀才不就後乃仕垣崇祖為豫州啟太祖用為長吏帶梁郡太守以疾自免僑居東海遂不至京師三世同財為北州所宗附豫章王辟中兵不就卒

南齊書

唐

成元英字子實陝州人隱居東海貞觀五年召至京師永徽中徙郁州為道士注老子道德二卷又開題序訣義疏七卷注莊子三十卷疏十二卷

宋志存十卷餘亡

古胸考略

卷之九

十一

書成道王元慶遣文學賈鼎就授大義嵩高山人李利涉為序惟老子注莊子疏著錄

唐書藝文志○宋史藝文志載成元

英易流演五卷在五行類

宋

宋昭徽宗時為朝散郎宣和四年九月戊午上書極言遼不可攻金不可鄰異時金必敗盟為中國患乞誅王黼童貫趙良嗣等黼大惡之秋九月除昭名編管海州續通鑑



國朝

張鴻烈字毅文山陽人由廩監生康熙己未召試博  
學鴻辭 欽取二等十四名授翰林院檢討以上疏  
言事謫官徙宅於東海郁洲之上同察咸賦詩為別  
秀水朱竹垞作送張檢討還郁洲山序初鴻烈父考  
功公思卜築於此山至是成其志云 朱彛尊曝書亭集  
凌廷堪字仲子一字敬與海州板浦場人安徽歙縣  
籍父文煇國學生於雍正間以齋務來海上遂家焉

古胸考略

卷之九

十三

乾隆丁丑秋生先生於胸浦邸舍無何文煇公卒先  
生事太夫人許氏孝養備至癸卯春北上應京兆試  
受業於閣學翁覃溪先生之門庚戌成進士 詔歸  
班以知縣用緣親老冀得俸入終養詣禮部請改教  
職馬初太夫人命之宦學四方先生以待養辭不獲  
已請每歲一歸省親許焉遂歷遊齊魯燕趙秦晉楚  
豫吳越足跡半天下所至交其賢豪長者遇山川勝  
蹟雖嶮巖必躡履登臨有太史公上會稽探禹穴意



又皆發為文詞託諸詩歌以抒磊落瑰奇之氣其學  
自蒙緯地與典章名物勾股等類無所不窺而尤研  
精三禮嘗欲著禮經釋例蒼萃漢唐宋元諸儒之說  
折衷成書以卷繁尚未藏事又校訂三禮注疏及通  
志堂經解所刊揚復儀禮圖命善繪事者為校禮圖  
朱石君學士見之用昌黎薦士詩韻題其簡端於易  
尊荀虞而不主焦贛京房之偏於史進魏金而不泥  
東晉南宋之統其古文上溯漢魏下暨韓蘇而亦不

古胸考略

卷之九

十三

廢六朝之駢儷詩學以盛唐為宗而旁參以玉局翁  
遺山叟之曩兀不群凡一名一器必考据巔末務求  
確解而後已班固稱漢河間獻王實事求是先生庶  
得其遺意云自文煇公卜宅海州至先生之寧國任  
所始復歸於歛計僑寓於胸者三世閱七十餘年凡  
先生在海上海上所著詩古文集錄於藝文考而此後撰  
述不與焉

補遺



明

高遜志蕭縣人寓嘉興幼嗜學師貢師秦周伯琦等  
文章典雅成一家言洪武初徵修元史入翰林累遷  
吏部侍郎以事謫朐山建文初召為太常少卿與董  
倫同主會試得士如王良胡靖吳溥楊榮金幼孜楊  
溥胡濙顧佐等皆為名臣燕師入存歿無考

明史附  
王良傳

古朐考略

卷之九

十四



古胸考略第十卷

海州喬紹傳纂

后妃考

蜀漢

糜夫人安漢將軍竺女弟也建安元年先主立為夫人  
詳見竺傳

明

英宗孝莊皇后錢氏海州人正統七年立為后帝憫  
后族單微欲候之后輒遜謝故后家獨無封英宗北

古胸考略

卷之十

一

狩傾中宮貲佐迎駕夜哀泣籲天倦即卧地損一股  
以哭泣復損一日英宗在南宮不自得后曲為慰解  
后無子周貴妃有子立為皇太子英宗大漸遺命曰  
錢皇后千秋萬歲後與朕同葬大學士李賢退而書  
之冊憲宗立上兩宮徽號下廷臣議太監夏時希貴  
妃意傳諭獨尊貴妃為皇太后大學士李賢彭時力  
爭乃兩宮並尊而稱后為慈懿皇太后及營裕陵賢  
時請營三壙下廷議夏時復言不可事竟寢成化四





年六月太后崩周太后不欲后合葬帝召大臣議彭  
時首對曰合葬裕陵主祔廟定禮也帝曰朕豈不知  
慮他日妨母后耳時請合葬裕陵左而虛右以待周  
太后帝再不廷議吏部尚書李秉禮部尚書姚夔集  
廷臣九十九人議皆請如時言中旨猶請別擇葬地  
於是百官伏哭文華門外帝命群臣退衆叩頭不得  
旨不敢退自己至申乃得允衆呼萬歲出是年七月  
上尊諡曰孝莊獻穆宏惠顯仁恭天欽聖睿皇后附

古胸考略 卷之十

二

太廟九月合葬裕陵 明史

孝純劉太后莊烈帝生母也海州人後籍宛平初入  
宮為淑女萬曆三十八年十二月生莊烈皇帝已失  
光宗意被譴薨光宗中悔恐神宗知之戒掖庭勿言  
葬於西山及莊烈帝長封信王追進賢妃時莊烈帝  
居勛勤宮問近侍曰西山有申懿王墳乎曰有傍有  
劉娘娘墳乎曰有每密付金錢往祭及即位上尊諡  
曰孝純恭懿淑穆莊靜毗天毓聖皇太后遷葬慶陵



上立歲失太后問左右遺像莫能得傳懿妃者舊與  
太后同為淑女比宮居自稱習太后言宮人中狀貌  
相類者命后母瀛國太夫人指示畫工可意也圖成  
由正陽門具法駕迎入帝跪迎於午門懸之宮中呼  
老宮婢視之或曰似或曰否帝雨泣六宮皆泣故事  
生母忌日不設祭不服青十五年六月帝以太后故  
欲追前代繼生七后同建一廟以展孝思乃御德政  
殿召大學士及禮臣入問曰太廟之制一帝一后祧

古胸考略

卷之十

三

廟亦然歷朝繼后及生母九七位皆不得與即宮中  
奉先殿亦尚無祭奈何禮部侍郎蔣德璟曰奉先殿  
外尚有奉慈殿所以奉繼后及生母者雖廢可舉也  
上曰奉慈殿外尚有宏孝神霄本思諸殿德璟曰內  
廷規制臣等未悉孝宗建奉慈殿嘉靖間廢之今未  
知尚有舊基否帝曰奉慈已撤惟奉先尚可拓也於  
是別建一殿祀孝純及七后云

明史

列女考



漢

東海孝婦 見漢書並州志。說苑貴德篇載之甚詳

宋

劉氏海州朐山人適同里陳公緒紹興末金人犯山東郡縣震響公緒倡義來歸偶劉歸寧倉卒不得與偕惟挈其子庚以行宋授以八品官後累功至正使劉留北方音問不通或語之曰人言貴易交富易妻今陳已貴必他娶矣盍改適曰吾知守吾志而已違

古胸考略

卷之十

四

卹乎他公緒亦不他娶子庚浸長輒思念涕泣傾家貲結任俠奔走淮甸險阻備嘗如是者十餘年遂得迎母以歸劉在北二十五年嘗緯蕭以自給 宋史

元

河南平章莊居敬妻徐氏夫沒於寇徐負喪居京師明初大臣上其事奉旨歸海州旌表其門

明

海州女子年十六許嫁而夫亡歸夫家持服養其姑



姑死既葬誓不嫁採訪使上其事禮部謂年來五十不在旌例時建文二年黃巖徐宗實以兵部侍郎奉使兩淮乃言此女哭夫筮嫁之初翦髮葬姑之後雖矧目截耳無以復加應與立志卓異者同科詔如宗實言

明史徐宗實傳

節婦宋國良妻王氏洪武七年旌表

節婦李得妻陳氏洪武二十九年旌表

節婦按部掾趙忠妻王氏

古胸考略

卷之十

五

貞女侍小花建文年旌表即海州女子

節婦潘裕妻孫氏宏治十七年旌表

節婦生員趙寅妻杜氏 奉憲旌表

孝婦生員武師端妻江氏 東海人

節孝趙夢麟妻徐氏

節婦生員郭九萬妻薄氏 奉憲旌獎

節婦鎮撫徐應奎妻楊氏 奉憲旌獎

節婦生員邵起元妻謝氏



節婦生員郭惟一妻陳氏

節婦生員杜一琳妻陳氏

節婦苗蕃生妻丁氏

節婦廩生梅裕國妻章氏 奉憲旌獎

節婦省祭官李璋妻臧氏其子時新妻董氏孫廷秀

妻段氏俱守栢舟之操奉憲旌獎一門三節

節婦增生揚新泰妻尹氏

烈女吳氏 徽州寄籍吳濟寰女明未不污於賊見殺

古胸考略

卷之十

六

節婦生員周班祿妻姚氏

節婦生員李廷樞妻成氏

節婦王鑑妻楊氏張一貫妻彭氏趙允暉妻杜氏東

海某妻裴氏李志靖妻翁氏于賢妻黃氏曹貞妻郁

氏潘藻妻黃氏 俱奉憲旌獎 趙珊妻李氏時運妻張氏王

詔妻劉氏乙允濟妻王氏武侯妻李氏孫子成妻劉

氏譚林妻蔣氏

以上諸貞女節婦事蹟已載海州志故僅臚其目其州志未載之人則據所見詳錄如左



徐經妻張氏

江鼎妻李氏

楊林妻王氏

夫卒不食死

庠生徐環妻宋氏

庠生武師孟妻裴氏 以上節孝

孝女高氏高公島人父丈燦貿易登萊溺於海女覓

尸海上不得慟哭七日夜有老父指引屍泊處遂不

見人稱孝感 吳恒宣雲臺志

古胸考略 卷之十

七

節烈顧氏明季東海南城人也儒家女幼端莊性敏  
慧於孝經閨訓諸書皆通曉大義年既長適同里李  
奪可婦道克修持家有法中門之內整齊嚴肅於党  
咸取則焉甲申之變流賊寇南城守候金公禦之全  
軍覆沒當是時外援既絕舉城倉皇有趣顧出走者  
顧泣下曰兵戈滿眼戎馬盈郊走將安之吾寧正邱  
首而死耳乃題詩於石投井死其詩為井上吟並小  
序附焉云妾生官族嫁向儒家亂離忽覩軀命為輕



謹遺四韻終於止水詩云烽烟迷海岸戎馬徧郊坰  
島嶼乾坤覆山城草木腥容顏真自累喪亂幾曾經  
願托寒泉水淵淪隱妾形 孫斯位節烈顧氏傳

沙生妻顧氏海州王府教授乾之女也居東海關中  
村動止必以禮詩學得之庭訓既笄歸於鳳凰城中  
沙生沙本儒族其妹亦工韻語婦功之餘與小姑選  
相倡和乙酉年八月十三日大兵攻城城且破親  
族多逃小姑趨後院詣烈婦求策婦慨然曰事急矣

古胸考略 卷之十

禮所謂臨難毋苟克者今日是也因題詩於樓壁示  
之並自決云海上海烽烟暗素秋山城文獻盡墟邱紅  
顏早不埋黃土薄命今惟墮危樓四德無慚當日訓  
三從行向此生休繁冤劇恨難宣寫夜夜青燐古陌  
頭其小姑沙烈女亦奮筆題於後云山城一旦破重  
闔百萬羆貅漫聚屯白日匿輝雲黯黯驚塵彌望騎  
粼粼紅顏自古多罹厄白壁無瑕始見珍苟且得生  
何若死與君同作墮樓人遂相偕排闥自損焉 見顧氏壁



記上自

附錄劉荆山筆記曰同時殉節者題壁云可憐後  
夜中秋月輝滿空庭照阿誰惜姓名與全篇久佚  
劉諱琨南城廩生 國初人

國朝

庠生張世珣妻雷氏蘇瑄妻宋氏蘇秀妻丁氏程國  
銓妻劉氏庠生張方銳妻程氏洪潘妻程氏趙天照  
妻孫氏 吳氏雲臺志

古胸考略

卷之十

九

庠生孫端居妻李氏於

年奉 憲旌表予

節勁貞松四字額

王 妻周氏新壩人年十八夫卒殮畢夜自盡於靈

柩前奉 憲旌表節烈

李存芳妻王氏中正場人年十九初婚時夫已寢疾  
未及成禮而卒氏撫繼子守貞年七十餘終奉 憲  
旌獎予孝全節勁四字額

貞女劉長姑南城廩生荆山之長女許字胸浦茆良



弼未嫁而夫卒女時年十九聞訃請於父母詣茆奔  
喪遂止於茆女向固知書文自是皆屏不寓目唯誦  
金剛經一卷偕一婢同居一室手繡觀音大士像一  
幅祇餘手目未就自知死期屬婢終續成之乃沐浴  
更衣跌坐合掌而逝異香四達婢承遺命續繡大士  
手目成旋繼卒焉事在康熙四十七年至今像尚存  
但婢所繡續者顏色已褪出女手者歷久如新鄉党  
公舉詳報奉 憲旌表 楊瑜劉貞女傳以下皆節錄

古胸考略 卷之十

十

節孝武領元妻柳氏南城人年十六歸領元甫三年  
夫卒未幾遺孤亦夭氏事翁姑無息容翁病篤封股  
肉以進食之立愈既而翁姑以天年終仲姑以弔喪  
歸唁氏以家事囑焉遂乘隙自縊於先姑殯宮之側  
時乾隆十九年三月十九日也卒年二十七族人為  
請 旌建節孝坊於其門 劉裕善節孝柳氏傳  
貞烈胡女者新壩人七歲季父哲倚授以孝經列女  
傳識其大義母教以女工一過即解許字東海太村



仇開基未親迎而仇邁疾就醫於維揚歸至半途而  
歿女聞投繯中絕僵仆家人覺救得不死復絕粒數  
日又不得死請往弔不許未幾又自縊為家人救解  
既而聞仇柩歸父母防閑更密女飲鹽溲求死又為  
家人灌甦迨仇葬已畢家人始以告欲絕女之望也  
是夜遂雉經於寢所卒年二十一蓋自聞仇喪閱二  
百有十日五死而後得死焉仇迎喪歸合葬有司為  
請諸朝建貞烈坊於墓

揚鈍貞烈胡女傳

古胸考略

卷之十

十一

貞烈汪女者新安鎮人先世以徽人家於胸父天泉  
許字女於里人方嘉穀親迎有期而才死訃至女始  
若弗聞也者是夜盡焚其奩具迨曉請於母欲望弔  
而守志焉既而奔喪之議寢女遂絕粒數日不得死  
母泣諭之食勉一沾唇夜半啟戶沈於河卒年二十  
一時乾隆三十三年十月二十日也

陳遵路貞烈汪女傳

貞女羅氏胸浦羅應舉女也年二十二父母許字里  
中同萬成未婚而夫溺水死女聞訃哀請於父母欲



往奔喪不許再三終不許女乃自縊父母哀之至五  
七延僧追薦中夜招魂時有白蝶一雙飛繞靈次象  
目咸睹倏然烟滅乾隆五十七年六月十七日事沒  
仲子先生貞烈羅女傳

節孝江慶福妻楊氏胸山南城人年十八歸於江期  
年而江溺於水氏捨呼欲殉既而念舅姑重慶夫亡  
季幼又身懷遺體乃強起主中饋家貧堂上四老之  
旨甘季出就外傳之束脩皆淚滴寒更針刺指血之

古胸孝略

卷之十

十三

所出也誕彌厥月而得男名曰繼昌志所願也季肇  
南少長入學娶婦生二子未幾卒期時兩代四老二  
寡三孤其仰事俯畜者繫氏是賴閱數十年太翁姑  
考終喪葬盡禮繼昌成立娶婦生三子翁姑猶及見  
之及翁姑逝而氏已五旬矣復撫季二孤亦授室氏  
年登大耋有曾孫二人四世一堂閭里相傳以為有  
厚德者有厚福云 李普元節孝楊氏傳  
節烈徐愛妻張氏板浦人乾隆四十七年十二月十



一日愛病故十二日寅時氏自縊次年七月刺史林  
公予烈峙胸山匾額獎之

補遺

楊六秀才妻劉氏海州人宣和用兵燕雲厚賦天下  
緡錢無貧富皆被害劉時已寡居命三子請於官願  
獻百萬緡以免下戶之輸由是一郡數縣之官吏軍  
民皆賴以安 潘永因宋稗類鈔



古胸考略第十一卷

海州喬紹傳纂

方技考

漢

王遠字方平東海人舉孝廉除郎中稍加中散大夫  
學通五經尤明天文圖讖河洛之要後棄官入山修  
道道成漢孝桓帝聞之連徵不出使郡國逼載以詣  
京師遠乃題宮門扇板四百餘字皆說方來之事帝  
惡之使削去外字適去內字復見同郡太尉陳耽為

古胸考略

卷之十一

一

遠營道室朝夕朝拜四十餘年陳家曾無疾痛田桑  
倍獲無何遠忽仙去後百餘日耽亦卒初遠欲東入  
括蒼山過吳往胥門蔡經家告以要言乃委經而去  
經後忽蟬蛻去十餘年忽還家語家人曰七月七日  
王君當來可多作飲食以供從官是日王君果來冠  
遠遊冠朱衣虎頭鞞囊五色綬帶劍黃色少髭長短  
中形人也乘羽車駕五龍各異色前後麾節播旗導  
從威儀奕奕如大將軍有十二伍百皆以臘封其口



鼓吹皆乘龍從天而下懸集於庭從官皆長丈餘不  
從道衢既至從官皆隱不知所在唯獨見遠坐耳須  
臾引見經父母兄弟因遣人召麻姑主祭經亦舉家  
見之年可十八九許於頂上作髻餘髮散垂至腰衣  
有文采又非錦綺光彩耀目不可名狀皆世之所無  
也入拜遠遠為之起立生定各進行厨皆金盤玉盃  
無限也餽膳多是諸花而香氣達於內外擘脯而食  
之云麟脯麻姑自說云接待以來已見東海三為桑

古胸考略

卷之十一

二

田向到蓬萊又水淺於往日會時略半耳豈將復為  
陵陸乎遠嘆曰聖人皆言海中行復揚塵也麻姑求  
少許米擲地皆成丹砂遂笑曰姑故年少也吾老矣  
不喜復作為此狡獪變化也遠謂經家人曰吾欲賜  
汝輩美酒以千錢與餘抗姥乞酤酒須臾信還麻姑  
手爪似鳥經見之心中念曰背大癢時得此爪以爬  
背當佳也遠已知經心中所言即使人牽經鞭之謂  
曰麻姑神人汝何忽謂其爪可爬背耶但見鞭著經



背亦莫見有人持鞭者遠告經曰吾鞭不可妄得也  
經比舍有陳姓者失其名嘗罷縣尉聞經家有神人  
乃詣門叩頭求乞拜見遠使引前與語此人便欲從  
驅使比於茶經遠教以地上主者之職臨去以一符  
並一傳著以小箱中與陳尉告言此不能令君度世  
止能存君本壽自出百歲向上可以禳災治病者命  
未終及無罪者君以符到其家便愈矣若邪鬼血食  
作祟禍者便帶此符以傳勅吏遣其鬼陳以此符治

古胸考略

卷之十一

三

病有效事之者數百家壽一百一十歲而死經父母  
私問經曰王君是何神人復居何處經曰常在崑崙  
山往來羅浮括蒼等山山上皆有宮室主天曹事一  
日之中與天上相反覆者數過地上五嶽生死之事  
皆先來告王君王君出城盡將百官從行唯乘一黃  
麟將十數侍人每行常見山林在下去地常數百丈  
所到則山海之神皆來奉迎拜謁陳尉家於今世世  
存錄王君手書並符傳於小箱中

神仙傳



干吉琅琊人于曲陽泉水上得神書百七十卷

註海州有

曲陽城北有羽潭水皆縹白素朱介青旨朱目號太平清領書

其言以陰陽立行為宗而多巫覡雜語順帝時其弟子宮崇詣闕上其書延熹中平原徵士襄楷亦疏陳之有司奏崇等所上不經乃收藏其書吉後為孫策所害後漢書襄楷傳

徐文伯東海人與弟嗣伯為宋名醫文伯官鄱陽王常侍嗣伯官正員郎附見南史張融傳後海州志已

古胸考略 卷之十一

四

載不重錄

北齊

由吾道榮琅琊人

北史云琅琊沐陽人

少好道法與其同類相

求入長白山太山潛隱具聞道術仍遊鄒魯之間習

儒業晉陽人某天明法術乃尋是人為其家傭力無

識之者久乃訪知其人道家符水禁咒陰陽歷數天

文藥性無不通解以道榮好尚乃悉授之是人謂道

榮曰我本恒岳僊人有少罪過為天官所謫今限滿



將歸鄉宣送吾至汾水及河值水暴漲橋壞船渡艱  
難是人乃臨水禹步以一符投水中流便絕俄頃水  
積將至天是人徐自沙石上渡唯道榮見其如是傍  
人咸云水如此長此人遂能浮過共驚異之道榮仍  
歸本郡隱于琅琊山辟穀餌松朮茯苓求長生之秘  
北史云道榮又善洞視蕭軌之敗于江南其日道榮  
言之如目見其後鄉人從役得歸者勘門敗時形勢  
與道榮所尋為顯祖追往晉陽至遼陽山中有猛獸  
說符同去馬十步逝追人驚怖將走道榮以杖畫地成火坑

古胸考略

卷之十

五

猛獸遽走俄值國廢道榮歸周隋初乃卒北史云道榮至晉陽  
文宣見之甚悅後歸鄉里隋開皇備禮徵辟授上儀  
同三司諫議大夫朮陽縣公從晉王平陳還苦辭歸  
至鄉卒年見北齊書  
八十五

徐生海州人學道於鬱林觀內一夕功成化去既葬  
後有人在泰山下見之生謂其人曰此一履可寄歸  
東海初履未到時觀中先聞異香滿室數日不散及  
履至其徒視之乃葬時物也因啟塚視之但存空棺  
方知為尸解云



唐

馬待封東海人開元初修法篤待封能窮伎巧於是指南車記里鼓相風烏等待封皆改修其巧踰於古待封又為皇后造粧具中立鏡臺臺下兩層皆有門戶后將擲冰啟鏡奩後臺下開門有木婦人手執巾擲至后取已木人即還至于面脂粧粉眉黛髻花所應用物皆木人執繼至取畢即還門戶復閉如是供給皆木人后即粧罷諸門皆闔乃持去其粧臺金銀

古胸考略

卷之十一

六

彩畫木婦人衣服粧飾窮極精妙待封既造鹵簿又為后帝造粧臺如是數年敕但給其用竟不拜官待封恥之又奏請造歌器酒山撲滿等物許之皆以白銀造作其酒山撲滿中機關運動或四面開定以納風氣風氣轉動有陰陽向背則使其外泉流吐納以挹杯斝酒使出入皆若自然巧踰造化即成奏之待封於是變姓名隱于西河山中至開元末待封從晉州來自稱道者吳賜也嘗絕粒與崔邑令李勁造酒



山撲滿歌噐等酒山立於盤中其盤徑四尺五寸有大龜承盤機運動皆在腹內盤中立山山高三尺峰巒殊妙外盤以木為之布漆其繞山皆列酒池池外復有山圍之池中盡生荷花及葉皆煅鉄為之花開葉舒以代盤葉設脯醯珍果佐酒之物於花葉中山南半腹有龍藏半身于山開口吐酒龍下大荷葉中有杯承之杯受四合龍吐酒八分而止當飲者即取之飲酒若遲山頂有重閣閣門即開有催酒人具衣冠

古胸考略

卷之十一

七

執板而出於是歸蓋于葉龍復注之酒使乃遂閣門即閉如復遲者使者出如初直至終宴總無差失山四面東西皆有龍吐酒雖覆酒於池池內有穴潛引池中酒納于山中比席闌終飲池中酒亦無遺矣敬噐二在酒山左右龍注酒其中虛則敬中則平滿則覆即魯廟所設侑坐之噐也君子以誠盈孔子觀之而稱善焉杜預造歌噐不成前史所載若吳賜也造之如常噐耳

太平廣記



張定者其先廣陵人童時入鄉塾天寒早起市中尚無人定獨行未百餘步有一道士行甚急顧見之立而言曰此可教也因問汝何所好答曰好長命耳道流曰不難致汝有仙骨求道必成且教汝變化之術勿泄于人十年外吾自迎汝因以口訣教之定謹訥小心於家甚孝亦曾私為此術召鬼神化人物無不能者與父母往連水省親至縣有音樂戲劇皆觀之定獨不往父母曰此戲甚盛親表皆去汝何獨不看

古胸考略

卷之十一

八

耶對曰恐尊長要看兒不得去父母欲往定曰此又青州大設可一看也即提一水瓶可受二斗以來空中無物置于庭中禹步遶三二匝乃傾于庭院內見人無數皆長六七寸官僚將吏士女看人喧闐滿庭即見無比設廳戲場局筵隊仗音樂百戲樓閣車棚無不精審如此宴設一日父母與看之至夕復側瓶于庭人物車馬千群萬隊灑迤俱入瓶內父母取瓶視之亦復無一物母見圖障屏風有人物音樂者以



手指之皆能飛走歌舞言笑趨動與真無異父母問其從何學之曰我師姓藥海陵山神仙也已錫昇天之道約在十年今七年矣辭家入天柱潛山臨去白父母曰若有意念兒自歸來忽深慮也由是父母念之即便還家尋復飛去一日謂父母曰十六年後廣陵為瓦爍矣可移家海州以就福地留丹二粒與父母曰服之百餘年無疾自此不復歸父母服丹神氣輕爽飲食嗜好倍於少壯者遂移居海州乾符中父

古胸考略 卷之十一

九

母猶在 仙傳拾遺

宋

莎衣道人姓何氏淮陽軍胸山人祖軌禮仕至朝議大夫道入避亂渡江嘗舉進士不中紹興末來平江一日自外歸倏若狂者身衣白欄畫丐食於市夜止天慶觀久之衣益敝以莎緝之嘗遊妙嚴寺臨江見影豁然大悟人無貴賤問休咎罔不奇中會有瘵者乞醫命持一草去旬日而愈衆翕然傳莎草可以愈



疾求而不得者或遂不起由是遠近異之孝宗一夕  
夢莎衣人跣哭來弔者訊之曰蘇人也詰其故不肖  
言帝寤以語內侍會后及太子薨帝哀泣內侍進前  
勉釋并道前夢帝乃矍然因遣使召之不至帝念恢  
復大計累歲未有所屬后位又又虛乃焚香默言何  
誠能仙願必知朕意遂遣中官致贄不言所以道人  
見之掉首吳音曰有中國即有外夷有日就有月不  
須問趣之去使者歸奏帝甚異之遂賜號通神先生

古胸考略 卷之十一

十

為築庵觀中賜衣數襲皆不受好事者強邀入庵大  
笑而去復於故處衆日以饌餉之每食於通衢逮飽  
即去帝歲命內侍即其居設千道齋合雲水之士施  
予優普一歲偶踰期衆咸訝而請道人亟起于卧所  
搖首瞬目而招之曰亟來亟來是日內侍至平望衆  
益服其神光宗即位召之又不至慶元六年卒宋史  
才伎傳

于道士胸山人年已耄耄李全據淮海時迎致之全



攻宋揚州于初見全即嘆曰我業債合在州償全強之占事多驗尊馬軍帥及全因軍敗焚誥勅道士謂人曰相公死明日我無今日矣人問之曰朝廷以安撫提刑討逆然為逆者節度使也豈有按撫提刑能擒節度使哉誥勅既焚則一賊爾盜固安撫提刑所得捕不死何為入見全曰相公明日出帳門必死全怒斬之翌日果敗見殺 宋史李全傳

丹霞僧入雲臺山苦修結草栖禪夜半誦經忽聞扣

古胸考略

卷之十一

十一

門聲僧啟戶視之乃少艾也僧叩其姓氏曰我靈昭女求宿於此僧峻拒之女遂不見僧感悟道心益堅年逾八十生化而去後人為立丹霞寺今水流村遺址尚在 明顧乾雲臺山志

蓑衣師者姓張名志補自號嚴浮子兗州泗水人隱居東海雲溪山常山行群鹿隨之有萬均者見焉師曰爾國器也後以功授洪都統制膠西守趙德義將之官患航海往禱之師曰吾助汝無憂也既登舟白



龍隨之一夕而達淳祐間憂早鄉人叩之果大雨寶  
祐甲寅二月有鹿啣竹枝來語人曰吾將逝矣六月  
果終陳文燭淮安志

明

無相謝上人法名德證來祝髮時諱淳號守庵淮安  
山陽善士也父隱翁居鄰以長者稱母楊孺人誕上  
人數歲即早厭世遺上人育於祖母周上人幼有異  
稟言笑不苟警悟非凡年未成童每念母與祖母之

古胸考略

卷之十一

十一

恩莫伸展報少長就儒業無何以隱翁喪明承命治  
商賈然性素不喜貨殖建隱翁與祖母繼逝即思棄  
業遍禮名山意圖潔身酬親周極一日忽結里社諸  
友東遊海上至青峯頂建醮齋僧事畢遊嶺而西徘徊  
四顧慨然嘆曰此嶺可起三元聖宮乃吾潔身酬  
恩之所也遂歸遍訣宗黨盡傾已囊鳩材於瓜儀時  
萬木浮江不日達於海嶠人以為神運上人延工建  
殿隨落髮為僧迨開剏既興不三載而巉巖莽蕩間



化為洞天福地前明慈聖太后賜紫衣一襲佛經一  
藏法寶一錠仍勅諭祈福保民其齊魯藩王歲遣齋  
香持助初萬曆十六七年天下大饑死者枕藉上人  
招集遠邇餓莩興工代役既濟之以食復倍以金錢  
由是活者不止萬億誠禪林之異人也 雲臺志



古胸考略第十二卷

海州喬紹傳纂

災祥考

夏后氏帝杼八年征於東海及三壽得一狐九尾書竹  
年紀

漢武帝太始三年二月行幸東海獲赤鴈

昭帝始元三年冬十月鳳凰集東海遣使者祠其處

宋後廢帝元徽三年二月甲子白鹿見鬱州青冀二  
州刺史劉善明以獻 宋書符瑞志

古胸考略 卷之十二

一

魏世宗景明二年六月徐州上言東海木連理 魏書靈徵志

宋徽宗大觀三年秋海州芝草生 宋史五行志

右祥瑞

後漢桓帝元嘉二年胸山崩 本紀

晉惠帝永寧元年七月東海大水十月東海霖雨淹

害秋麥

惠帝元康五年六月東海雨雹深五寸六年三月東



海隕霜殺桑麥

元帝太興元年七月東海郡蝗蟲害禾豆

以上晉書  
五行志

梁武帝大同三年六月朐山隕霜

南史

唐太宗貞觀十年閏東及淮海旁州二十八大水

穆宗長慶元年二月海州海水冰南北二百里東望

無際

敬宗寶曆元年秋兗海華三州水害稼

文宗太和二年夏河南兗海等州大水

古朐考略 卷之十三

二

開成二年三月壬申有大魚長六丈自海入淮至濠

州招義民殺之六月兗海蝗五年夏淄青兗海等州

螟蝗害稼 以上唐書五行志

宋太祖建隆三年夏四月乙亥海州火燔數百家死

者十八人

四年七月海州冰雹

真宗景德二年東海縣民時祐牛生二犢

哲宗元祐元年海州水



高宗紹興十年春有野豕入海州市民刺殺之時州  
已陷夏鎮江軍帥王勝攻取之明年以其郡屬金悉  
空具民後二十年有二虎入城人射殺之虎亦搏人  
明年魏勝舉州來歸亦空其民漢龔遂曰野獸入宮  
至宮室將空虎豕皆毛孽也

寧宗嘉定元年海州饑十六年海州新附山東民饑  
以上宋史  
五行志

元世祖至元十五年閏十一月海州贛榆縣雨雹傷

古胸考略 卷之十三

三

稼十七年五月連海邳宿等州蝗

成宗元貞二年十二月淮安海寧胸山鹽城等縣水  
大德八年八月陽曲懷仁等縣雨雹九年四月懷仁  
縣地震二所涌水盡黑其一廣十八步深十五丈其  
一廣六十六步深一丈

仁宗皇慶二年八月懷仁縣雨雹

文宗天歷元年海寧州水

順宗至元五年七月沂沭二河暴漲決堤防害田稼



至正二年十月海州颶風作海水漲溺死人民十四  
年十二月淮安路海州地震二十六年三月海州地  
震如雷贛榆縣吳山崩以上元史  
五行志

### 右災異

### 軼事考

### 精衛

昔炎帝女溺東海中化為精衛其名自呼每啣西山  
木石填東海今其誓水處誓不下飲一名鳥市一名

### 古胸考略

### 卷之十二

四

冤禽又名志鳥俗呼帝女雀見山海經暨述異記

### 龍芻草

東海島龍川穆天子養八駿處也島中有草名龍芻  
馬食之一日千里述異記

### 東海孝婦

孝婦名周青青將死車載十丈竹竿以懸五幡誓於  
眾曰青若有罪血當順下若枉死血當逆流行刑已  
其血青黃綠幡而上極標又緣幡而下拾遺記



按今本拾遺記無此條吳恒宣雲臺山志所引不知何據

留邱訢

周世東海之上有勇士留邱訢過神泉令飲馬其僕曰飲馬於此者馬必斃邱訢曰以邱訢之言飲之其馬果斃邱訢乃去衣拔劍而入三日三夜殺二蛟一龍而出神隨而擊之十日十夜眇其左目

獨異記

受珠臺

古胸考略 卷之十二

五

秦始皇至東海海神捧珠獻於帝前今海畔有秦皇受珠臺

述異記

黃公

東海黃公善為幻術制蛇御虎常佩赤金刀及衰老飲酒過度秦末白虎見於東海詔遣黃公以赤金刀往厭之術既不行遂為虎害

搜神記

牛魚

東海有牛魚其形如牛海人採捕剥其皮懸之潮水



至則尾起落則尾伏 述異記

海人魚

海人魚東海大之大者長五六尺狀如人眉目口鼻  
手爪頭皆具皮肉白如玉無鱗有細毛五色輕軟長  
一二寸髮如馬尾長五六尺 洽聞記

東海大魚

昔有人遊東海者既而風惡船破補治不能制隨風  
浪莫知所之一日一夜得一孤洲其侶懼然下石植

古胸考略

卷之十二

六

纜登洲煮食食未竟而洲沒在船者斫斷其纜船復  
漂蕩向者孤洲乃大魚也吸波吐浪去疾如風 西京雜記

倒生木

倒生木此木依山生根在上有人觸則葉翕人去則

葉舒出東海 西陽雜俎

虬尾魚

東海有魚虬尾似鵠鼓浪即降雨遂設像於屋脊 談賓錄



犀導

晉東海蔣潛嘗至不其縣見林間一屍鳥來食之輒  
有一小兒驅遂潛近看屍頭上著通天犀導價可數  
萬錢乃取之衆鳥爭集無復驅者潛後以此導上晉  
武陵王王薨以視衆僧王武剛以九萬錢買之後落  
褚太宰處褚以餉齊故丞相豫章王王內人汪夫人  
斷以為釵後屢見小兒為崇曰何故見屠割月餘江  
夫人卒 續齊諧記

古胸考略

卷之十二

七

十二辰車

唐武后如意中海州進一匠造十二辰車迴轅正南  
則午門開馬頭人出四方迴轉不爽毫釐又作木火  
通鉄蓋盛火輾轉不翻 朝野僉載

蛟龍畏鉄

海州南有溝水上通淮楚公私漕運之路也竇應中  
堰破水涸魚商絕行州差東海令李知遠主役修復  
堰將成輒壞如此數四用費頗多或說梁築浮山堰



以鉄數萬斤墳積其下乃成知遠依其言果塞初堰之將壞也輒聞其下殷如雷聲至是其聲移於上流數里蓋金鉄味辛辛能害目蛟龍護其目避去故堰可成封氏聞見記

### 大魚腮

海州土俗工畫節度令造海圖屏風二十合予時客海上偶於州門見人持一束黑物形如竹篾予問之亡海魚腮中毛擬用作屏風貼因數十年前有大魚

### 古胸考略

#### 卷之十三

八

斃岸上收得此前後所用無數今官造屏風搜求得此奇文異色澤似水牛角小頭似猪鬃大頭正方長四五尺廣可一寸亦奇物也交廣記云吳時滕循為廣州人或言蝦鬚有一丈長循不之信其人後故至東海取蝦鬚長四丈封以寄循魚腮鬚毛長五尺無足怪者封氏聞見記

### 大魚骨

李德裕在文宗武宗朝方秉相權威勢與恩澤無比



每好採掇殊異速方人多以土產異物獻之東都平  
泉莊去洛城三十里有巨魚脇骨一條長二丈五尺  
其上刻云會昌二年海州送到康駢劇談錄

李慎言異夢

候鯖錄作李真言字希古

海州土人李慎言

州志作李直

嘗夢至一處水晶宮闕高

插重霄池中菡萏盛開芳香沁骨有宮女十餘人曳  
雲綃霧縠之衣拋球為戲口歌新聲十餘闕詞俱清  
婉醒時祇記二闕云侍宴黃昏曉州志作晚未休玉階夜

古胸考略

卷之十三

九

色月如流朝來自覺承恩醉笑倩旁人認繡球堪恨  
隋家幾帝王舞榭蹂盡繡鴛鴦如今重到拋球處不  
是金鑪舊日香後為友人山陽蔡繩述之蔡為傳以  
記其略夢溪筆談

案此條古今詩話中僅載二首宋趙令時候鯖錄  
又載一闕云隋家宮殿鎖清秋曾見嬋娟颺繡球  
金鑰玉簫俱寂寂一天明月照高樓

海州獵人



海州人有以射獵營生者曾於東海山中射鹿忽見一蛇黑色大如連山長近十丈兩目成日自海而上人見蛇驚懼知不免死因仗念佛蛇至人所以口銜人及其弓矢渡海而去遙至一山置人於高巖之山俄而復有一蛇自南來至山所狀類先蛇而大倍之兩蛇閉於山下初以身相蜿蜒久之口相噬獵人知其求已助乃傳藥矢注之大蛇先患一日人乃復射其目數矢累中久之大蛇遂斃黑蛇入巖穴深處銜

古胸考略

卷之十三

十

得珠璣瑟瑟等寶物無算置獵人前俟其納諸懷復銜人及弓矢渡海置原處而去 太平廣記

三元宮鎮寶

雲臺三元宮有碧玉圭一白玉帶一佛衣一龍一繡佛千計一繡佛萬計皆明萬歷間宮中頒賜 常妻遊記 雲臺山

詩丐

乾隆辛丑冬沭陽有丐凍斃雪中搜其身畔有一詩



云生性從來似野牛手提竹杖過江州飯糲帶雨吟  
殘月擅板臨風唱晚秋兩足踏翻塵市界一身歷過  
古今邱招魂只在千門戶桀犬何須吠不休見者驟  
錢市棺瘞之

補遺

鳳凰城南門內正中有石一塊拳曲外向昔人埋此  
自有深意康熙四十五年有巡按至土人恐磚車杖  
握之自此南門外海漸淤

劉荆山筆記

古胸考略

卷之三

十一



古胸考略卷末

海州喬紹傳纂

質疑

敬考三元三官聖帝緣起

舊說叙三元三官聖帝緣起云干寶搜神記三元聖帝實為海州東海人父名萼字光蕊號子春唐貞觀十三年乙巳狀元及第遊街之日丞相殷開山以女招之為婿今大村尚有陳子春塚維時遂誕聖帝連生三子以官天地水因尊為三元三官三品云云案

古胸考略

卷末

一

魏志張魯傳魯沛國豐人祖父陵客蜀學道鵠鳴山中造作道書以惑百姓從受道者出五斗米陵死子衡行其道衡死魯復行之裴松之注引魚豢典略云熹平中張脩為五斗米道裴云張脩是衡之誤太平賢良師

持九節杖為符祝教病人叩頭思過飲以符水病或日淺而愈則云此人信道不愈則曰不信道治靜室便處其中令祭酒讀老子五千文為病者請禱請祝之法書病人姓名說服罪之意作三通其一上之大



著山上其一埋之地其一沈之水謂之三官此三官之名見於史籍之始也唐以前已立其名也又按宋史方技傳淳化三年苗守信上言正月一日為一歲之首每月八日天帝下巡察人世善惡太歲日為歲星之精人君之像三元日上元天官中元地官下元水官各主錄人之善惡又春戊寅夏甲午秋戊甲冬甲子為天救日皆不可以斷極刑事下有司議行此三元三官之名相聯見於史籍之始也不過據元日

古胸考略

卷末

二

而言亦未言其神之誕育於唐也竊謂三元者大化推移元氣流布協一涵三周而復始以理言不以迹言非必有人焉以為之神也三官者天一生水地二成之天地尊無二上矣而水於五行中尤資日用居生數之首故舉一以該金木火土云水者猶月令盛德在水之類云官者猶蔡墨言五行之官為五官封為上公祀為貴神者爾後人沐天地水生成之恩而持隆美報道家綜元會運之宰而祇奉神灵故尊則



曰三官綜其理則曰三元隆其階則曰三品而綜之則為三元三官三品聖帝也皆天也天即理也其神自靈豈必若後世血食尊神如六朝所奉之蔣侯有明以來之閔帝皆人之生而為英歿而為靈者哉如謂神始於唐陳公則唐以前代天地水三官司神化者又何人也故集仙錄曰張道陵隱龍虎山修三元默朝之道道陵漢人道家之祖其時豈逆知數百年後有陳公者而朝禮之耶考唐書太宗紀貞觀之世

古胸考略

卷末

三

既無乙巳年而殿試又始於則天后唐趙修進士登科記亦無陳光蕊名唐宰相世系表復無殷開山名

本傳卒後始贈陝東道大行臺石僕射

則所謂丞相殷開山招為婿者

皆子虛烏有之說也至若干寶為晉元帝時著作郎王導表薦使領國史曾撰搜神記二十卷今其書雖有缺帙然屠赤水漢魏叢書中刻之未嘗言及三元世家也彼晉人不應預知唐世事更不待辨而自明矣



山川類

海州志羽山下注云即殭鯨處尚有殭鯨盤在案山  
海經曰堯光山東三百五十里曰羽山郭璞注今東  
海祝其縣西南有羽山即鯨所殭處計此道里不相  
應似非也吳任臣按禹貢注羽山在郟城縣七十里  
十道志羽潭一名羽池東有羽山郡國志羽山其水  
恒清牛羊不飲劉會孟曰淮安贛榆縣有羽山經所  
紀未詳是非又考水經注及通典皆以海州羽山即

古胸考略

卷末

四

殭鯨處而胡渭禹貢錐指獨從寰宇記云殭鯨之羽  
山在登州蓬萊縣東十五里與海州羽山各別胡氏  
精於地理之學所據似亦可從

州志古跡云張果老洞在馬耳山案唐書方技傳作  
張果則老字宜剛

州志大湖條下引秦時童謠城門有血當陷云云案  
此事見神異傳酈道元注水經亦引之乃由拳縣事  
在今嘉興舊說撥入海州未詳何據



名宦類

州志列馬仙琕於名宦案梁書及南史仙琕傳天監十年朐山人殺琅琊太守劉晰以城降魏詔雲騎將軍仙琕往討累破魏將盧昶走之振旅而還進爵為候遷豫州刺史未嘗為朐山守令也似宜從刪

名宦又列表榮傳為南東海太守宋書州郡志自淮北入於魏遂僞立南東海郡于京口虞城非今海州也南史為南東海太守者尚有謝灝謝朓庾徽之等

古朐考略

卷末

五

舊志既知不引謝灝諸人而復登表榮且誤削南字俱似未確

職官類又列皇甫肅為東海太守案南齊書垣崇祖傳其妹夫曰望甫肅無為東海太守事州志或因崇祖曾為朐山戍主遂譌為肅耳且列之梁後均似舛錯

唐海州刺史首列呂讓且云係洞賓之父近於不經似宜削新唐書呂渭傳但云子讓為太子右庶子



海州志列元夔於房恭懿前案崔逸東巖壁記開元七年夔為東海令不當列於隋人之上

海州志諸名宦皆書名則石延年亦當從同乃獨書曼卿義例似未畫一

海州志名宦列候畱於魏勝前案宋史忠義傳畱理宗賢祐時人魏勝高宗紹興時人似當移畱次魏勝後

海州志名宦魏勝傳內李寶案宋史是李寶似當改

古胸考略 卷末

六

正

### 人物類

州志列后倉於周案漢書儒林傳倉事夏侯始昌通詩禮為博士乃漢人也居東海郟縣似今郟城

州志又以漢孟卿列唐徐有功後亦誤

孟卿孟喜父東海蘭陵人江南通志蘭陵今徐州睢寧縣

二疏東海蘭陵人王伯厚通鑑地理通釋序云東海



二疏誤於海州山東通志二疏墓在嶧縣

于公東海郟人見漢書劉向說苑貴德篇云于定國東海下邳人

毋將隆東海蘭陵人

蕭望之東海蘭陵人

匡衡東海承人山東通志承今兗州府嶧縣

馬宮東海戚人

薛宣東海郟人

古胸考略

卷末

七

後漢

劉虞東海郟人

魏

王朗東海郟人

繆斐東海蘭陵人  
詳見魏志劉劭  
晉書繆播傳

晉

王雅肅之曾孫也東海郟人

徐寧東海郟人  
附晉書  
桓彝傳



何無忌東海郟人

虞邱進東海郟人

王摛東海郟人

案山東通志郟今沂州府郟城縣則諸人似不盡  
屬海州且虞邱進宋人王摛南齊人不知舊志何  
以列於晉代也

南北朝

王謏東海郟人

古胸考略

卷末

八

徐羨之郟人

徐湛之郟人

何承天郟人

何遜郟人

何朗郟人

何思澄郟人

王僧孺郟人

徐勉郟人



徐摛及子陵等郟人

何遠郟人梁書良吏傳

徐君倩等郟人

鮑宏郟人隋書儒林傳

唐

徐曠唐書儒學傳云字文遠以字行孝嗣立世孫案南齊書孝嗣東海郟人則文遠亦郟人徐有功郟人文遠孫也

古胸考略

卷末

九

陳奉案宋史陳奉饒州安仁人度宗時為胸山主簿州志列本州人物類且置之漢孟卿後唐吳通元前似誤

女德類

舊志列何無忌母劉氏案晉書列女傳劉氏征虜將軍劉建女征西將軍罕之女弟皆彭城人何無忌又東海郟人則劉氏似可刪

仙釋類



徐則考隋書則乃東海鄰人

怪異類

州志云元象東海人好發塚剖一棺內一女資質若  
生言曰我東海王家女應生資財相奉幸勿見害女  
臂有金釧發者斷臂取之於是女復死案此事見南  
史王彥德傳彥德與從弟元象皆太原祁人元象為  
下邳太守好發塚云云今州志引之脫去其姓又以  
為東海人似誤

